

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA 8. SJEDNICE GRADSKOG VIJEĆA TUZLA ODRŽANE 20. JUNA 2025.
GODINE U POSLOVNOM OBJEKTU „GRAFIČAR“ SA POČETKOM U 10,00 SATI.**

- SJEDNICI PRISUSTVUJE 28 VIJEĆNIKA.

U Tuzli, juni 2025. godine

ANA PEJIĆ – predsjedavajući Gradskog vijeća Tuzla

(Intoniranje himne Bosne i Hercegovine).

Poštovani vijećnici Gradskog vijeća Tuzla, gradonačelnice, predstavnici gradskih službi, predstavnici medija, gosti, otvaram 8. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, prisustvuje 28 od ukupnog broja vijećnika, što je dovoljno za punovažan rad i odlučivanje. Za današnju sjednicu svoj izostanak su najavili sljedeći vijećnici: Dragana Berberović Gagro i vijećnik Ervin Alibegović, te predlažem da im opravdamo izostanak sa današnje sjednice. Za današnju sjednicu kašnjenje je najavio vijećnik Samir Mulaosmanović.

U skladu sa članom 65. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24), kojim je propisano da „*Predsjedavajući obavještava Gradsko vijeće ko je osim vijećnika pozvan da prisustvuje sjednici*“, obavještavam vas da je poziv za današnju sjednicu Gradskog vijeća Tuzla upućen gradonačelniku Grada Tuzle i drugim ovaštenim predlagateljima materijala, sekretaru organa državne službe, te svim obrađivačima, pomoćnicima gradonačelnika i rukovodiocima stručnih službi, Upravnoj organizaciji Zavod za urbanizam, Gradskom pravobranilaštvu Grada Tuzle, menadžmentima javnog preduzeća i javne ustanove čiji se izvještaji razmatraju na današnjoj sjednici Vijeća, kao i medijima. Evidencija prisutnih na današnjoj sjednici Gradskog vijeća je kod uposlenika Stručne službe Gradskog vijeća.

Obavještavam vijećnike da će se zapisnik sa 7. redovne sjednice i sa 4. vanredne sjednice razmatrati i usvajati na narednoj sjednici Gradskog vijeća Tuzla.

Za današnju 8. sjednicu Gradskog vijeća Tuzla predlažem dnevni red koji ste dobili u materijalima.

Mirnes Ajanović, vijećnik Bosanske stranke, je u poslovničkom roku, 13.06.2025. godine, dostavio prijedlog da se u dnevni red današnje 8. redovne sjednice Gradskog vijeća Tuzla uvrsti tačka pod nazivom **Tuzla neće biti gasni logor! - Osuda i odbacivanje namjere izgradnje državnog gasnog skladišta na području Tuzle.**

Prijedlog vijećnika Ajanovića ste dobili putem e-maila, kao i u materijalima podijeljenim pred sam početak sjednice.

Zamoliti ću samo vijećnika Ajanovića ukratko da nam obrazloži svoj prijedlog. Izvolite.

MIRNES AJANOVIĆ – vijećnik BOSS – Bosanske stranke

Hvala predsjedavajuća. Pozdrav svima. Na Kolegiju smo raspravljali i koliko sam evidentirao svi su za da se ovo uvrsti u dnevni red i ne bi sada duže govorio o ovome. U okviru tačke kada budemo svi raspravljali, ja ću dati detaljnije obrazloženje, ali je ovo predloženo iz razloga što je Tuzla već više puta 2007., pa i 2016., Rezolucijom i ostalim prilikama odbijala prijedlog ili bilo kakvu namjeru da se skladišti plin na području grada Tuzle iz brojnih razloga i zakonskih, jer je to zabranjeno na rudarskom području, a evo i iz sigurnosnih, pa i drugih gdje Tuzla treba da napreduje, a ne da nazaduje u ovakvim projektima. Toliko. Hvala.

ANA PEJIĆ

Zahvaljujem se. Evo otvaram raspravu.

Da li se neko javlja od vijećnika?

Zatvaram raspravu.

Stavljam na izjašnjavanje prijedlog vijećnika Ajanovića da se na današnju sjednicu uvrsti tačka pod nazivom „Osuda i odbacivanje namjere izgradnje državnog gasnog skladišta na području Tuzle“, pa vas molim da se izjasnite.

Glasanje je okončano.

Konstatujem da je prijedlog vijećnika Mirnesa Ajanovića, da se u dnevni red današnje redovne sjednice Gradskog vijeća Tuzla, uvrsti tačka pod nazivom „Osuda i odbacivanje namjere izgradnje državnog gasnog skladišta na području Tuzle“ usvojen sa,

26 glasova za, nije bilo protiv i nije bilo suzdržanih.

Predložena tačka se uvrštava u dnevni red kao tačka 2. dnevnog reda, dok se ostale tačke redoslijedom pomijeraju.

Berisa Ahmetović, vijećnica Stranke demokratske akcije, je u poslovničkom roku, 17.06.2025. godine, dostavila prijedlog da se u dnevni red današnje 8. redovne sjednice Gradskog vijeća Tuzla uvrsti tačka pod nazivom **Donošenje Odluke o institucionalnom obilježavanju 11. jula – Međunarodnog dana sjećanja na genocid u Srebrenici.**

Prijedlog vijećnice Ahmetović ste dobili putem e-maila, kao i u materijalima podijeljenim pred sam početak današnje sjednice.

Zamolit ću vijećnicu Ahmetović da obrazloži svoj prijedlog ukratko. Izvolite.

BERISA AHMETOVIĆ – vijećnik SDA –Stranke demokratske akcije

Hvala mnogo. Poštovana predsjedavajuća, kolegice, kolege vijećnici, sve vas srdačno pozdravljam. U skladu sa obavezom koju imamo kao predstavnici građana, ali i kao grad koji kroz historiju se svrstavao na pravu stranu istine i pravde, podnijela sam ovaj današnji prijedlog da se uvrsti u dnevni red i tačka učešću grada u obilježavanju godišnjice genocida u Srebrenici. Prijedlog proizilazi iz ljudskog, političkog i civilizacijskog stava da se sjećanje na genocid počinjen u Srebrenici mora sistemski, stalno i dostojanstveno riješiti u političkom životu Tuzle. Međutim, nakon razgovora sa kolegama vijećnicima i nakon što je održan vanredni Kolegij, dogovoreno je i sa čim sam se saglasila, jeste da se do narednog Kolegija pripremi, jel tekst odluke koji će jel biti pravno, onaj, uobličen, na način da se obavezno uvrste dijelovi koji se...da se obavezno uvrste elementi koje sam predložila u samom dostavljenom nacrtu i da se kao takva odluka predloži na usvajanje za sljedeću sjednicu 3. jula, kako bi se na vrijeme, ovaj, na vrijeme donijela odluka usvojila prije obilježavanja naredne godišnjice, a to je 11. jula. U skladu sa navedenim povlačim svoj prijedlog sa današnje sjednice, na način kako je to ovaj obrazloženo prethodno. Hvala.

ANA PEJIĆ

Zahvaljujem se. Konstatujem da je prijedlog povučen sa dnevnog reda.

Obavještavam vijećnike da je Klub vijećnika Stranke demokratske akcije, 18.06.2024. godine, u 12,46, dostavio prijedlog da se u dnevni red sjednice Gradskog vijeća uvrsti tačka pod nazivom „Izjašnjenje Gradskog vijeća Tuzla o skladištenju plina na Tetimi“.

Imajući u vidu da je članom 61. Poslovnika Gradskog vijeća Tuzla propisano da se „zahtjev za izmjenu predloženog dnevnog reda dostavlja u pismenoj formi sa obrazloženjem predsjedavajućem Gradskog vijeća najkasnije 48 sati prije održavanja sjednice“ prijedlog Kluba vijećnika Stranke demokratske akcije se smatra neblagovremenim, te o istom Gradsko vijeće se neće izjašnjavati.

Evo za riječ se javila gospođa Alma Halilović, pomoćnik gradonačelnika za Službu za ekonomska...ekonomski razvoj, poduzetništvo i poljoprivredu. Izvolite Alma.

ALMA HALILOVIĆ – pomoćnik gradonačelnika za Službu za ekonomski razvoj, poduzetništvo i poljoprivredu

Dobar dan. Sve vas lijepo pozdravljam. Evo ispred obrađivača hoću da kažem da se sa...predlažem da se sa današnjeg dnevnog reda povuče tačka broj 7. razmatranje, odnosno 6. Razmatranje i usvajanje Odluke o davanju prethodne saglasnosti na Odluku Upravnog odbora Javne ustanove za predškolski odgoj i obrazovanje „Naše dijete“ Tuzla, o visini iznosa participacije korisnika usluga i kriterijima za umanjeње. Toliko.

ANA PEJIĆ

Zahvaljujem se. Konstatujem da je sa današnjeg dnevnog reda povučena tačka „Razmatranje i usvajanje Odluke o davanju prethodne saglasnosti na Odluku Upravnog odbora Javne ustanove za predškolski odgoj i obrazovanje „Naše dijete“ Tuzla o visini iznosa participacije korisnika usluga sa kriterijima za umanjeње“.

Sada stavljam na izjašnjavanje dnevni red u cjelini, te vas molim da se izjasnite.

Glasanje je okončano.

Konstatujem da je dnevni red usvojen sa,

27 glasova za, nije bilo protiv i nije bilo suzdržanih.

**USVOJENI DNEVNI RED 8. REDOVNE SJEDNICE GRADSKOG VIJEĆA TUZLA
ODRŽANE 20.6.2025. GODINE (broj 01/04-A-8807-2025)**

1. Vijećnička pitanja i inicijative
2. Osuda i odbacivanje namjere izgradnje državnog gasnog skladišta na području Tuzle
3. Razmatranje i usvajanje:
 - a) Regulacionog plana stambeno-poslovne zone „Kreka jug“ – II faza u Tuzli
 - b) Odluke o provođenju Regulacionog plana stambeno-poslovne zone „Kreka jug“ – II faza u Tuzli
 - c) Odluke o usvajanju Regulacionog plana stambeno-poslovne zone „Kreka jug“ – II faza u Tuzli
4.
 - a) Razmatranje Informacije o provedenom postupku javne nabavke usluge obavljanja komunalne djelatnosti javnog linijskog prijevoza putnika na području grada Tuzla
 - b) Razmatranje i usvajanje Odluke o povjeravanju obavljanja komunalne djelatosti javnog linijskog prijevoza na području grada Tuzle
 - c) Razmatranje i usvajanje Odluke o o izmjenama i dopunama Odluke o uslovima i načinu organizovanja komunalnog javnog linijskog prijevoza putnika na području grada Tuzle
 - d) Razmatranje i usvajanje Odluke o utvrđivanju cjenovnika svih vrsta voznih karata za sve kategorije putnika javnog linijskog prijevoza na području grada Tuzle
5. Razmatranje i usvajanje Odluke o izmjenama Odluke o javnim parkiralištima na području općine Tuzla
6. Razmatranje i usvajanje Odluke o davanju prethodne saglasnosti na Pravila o izmjenama i dopunama Pravila Javne ustanove Centar za socijalni rad Tuzla
7. Razmatranje i usvajanje Odluke o obavezi dostavljanja informacije o namjeri pokretanja postupka prijema novih zaposlenika u javnim preduzećima i javnim ustanovama, čiji je osnivač ili suosnivač Grad Tuzla

8. Razmatranje i usvajanje:

- a) Odluke o davanju saglasnosti na zaključenje ugovora o zakupu poslovne prostorije sa Udruženjem HO „Merhamet” MDD Sarajevo – Regionalni odbor Tuzla,
- b) Odluke o dodjeli u zakup poslovne prostorije neposrednom pogodbom - Karate klub „SLOBODA” Tuzla
- c) Odluke o dodjeli u zakup poslovne prostorije neposrednom pogodbom Udruženju Forum građana Tuzle
- d) Odluke o davanju saglasnosti na zaključenje ugovora o zakupu poslovne prostorije sa JP SKPC „Mejdan“ d.o.o. Tuzla
- e) Odluke o davanju saglasnosti na zaključenje ugovora o zakupu poslovne prostorije sa JU „Centar za kulturu“ Tuzla

9. Razmatranje i usvajanje Izvještaja o radu i poslovanju javnih i drugih preduzeća, čiji je osnivač ili suosnivač Grad Tuzla za 2024. godinu

- a) JKP „Pannonica“ d.o.o. Tuzla
- b) JKP Saobraćaj i komunikacije Tuzla

10. Razmatranje Informacije o aktivnostima Profesionalne vatrogasne jedinice grada Tuzle sa prijedlogom mjera

11. Razmatranje izvještaja Komisije za izbor i imenovanja

12. Tekuća pitanja

- a) Obavještenje JP BIT Centar d.o.o. Tuzla o razlozima prolongiranja izrade izvještaja o radu i poslovanju za 2024. godinu
- b) Obavještenje JP RTV 7 d.o.o. Tuzla o razlozima prolongiranja izrade izvještaja o radu i poslovanju za 2024. godinu
- c) Obavještenje JKP „Komunalac“ Tuzla o razlozima prolongiranja izrade izvještaja o radu i poslovanju za 2024. godinu
- d) Obavještenje JU Centar za socijalni rad Tuzla o razlozima prolongiranja izrade izvještaja o radu za 2024. godinu

Te prelazimo na realizaciju dnevnog reda 8. redovne sjednice.

Prva tačka su:

VIJEĆNIČKA PITANJA I VIJEĆNIKE INICIJATIVE

Podsjećam vijećnike da je članom 163. Poslovnika Gradskog vijeća Tuzla – drugi prečišćeni tekst („Službeni glasnik Grada Tuzla 5/22 i 14/24) propisano da se vijećnička pitanja postavljaju pismeno, a čitaju se u pravilu na početku sjednice.

Podsjećam da jedan vijećnik na jednoj sjednici može postaviti najviše 3 vijećnička pitanja i podnijeti 3 vijećničke inicijative.

I također vas podsjećam da tačka dnevnog reda VIJEĆNIČKA PITANJA I INICIJATIVE može trajati najduže 30 minuta.

Prelazimo na VIJEĆNIČKA PITANJA

Vijećnička pitanja. Vijećnik Emir Šahović. Izvolite (EMIR ŠAHOVIĆ – Prilažem). Dobro. Zahvaljujem se. Vijećnik Senad Mehmedinović. Izvolite (SENAD MEHMEDINOVIĆ – Prilažem). U redu. Vijećnik Denis Bećirović. Izvolite.

DENIS BEĆIROVIĆ – vijećnik Demokratske fronte – DF

Hvala predsjedavajuća. Želim pozdravit vas, sekretara, dopredsjedavajućeg, kolegice, kolege, sve prisutne, obrađivače, gradonačelnika.

Prvo vijećničko pitanje, dakle, da li se horizontalna i vertikalna signalizacija na novo izgrađenom kružnom toku u naselju Slatina između izrađena na osnovu Pravilnika o saobraćajnim znakovima i signalizaciji na cestama? Dakle, odnosi se na kružni tok u neposrednoj blizini zgrade SodaSo ili zgrade Vlade Tuzlanskog kantona. Naime, horizontalna saobraćajna signalizacija na novom kružnom toku na Slatini nije u skladu sa važećim Pravilnikom o saobraćajnim znakovima i signalizaciji na cestama, načinu i obilježavanju radova i prepreka na cesti i znakovima koje učesnicima u saobraćaju daje ovlaštena osoba u daljem tekstu „Pravilnik“. Strelice koje su iscrtane na saobraćajnim trakama, ne na prelazu kružnom toku ne postoji u Pravilniku i ako se posmatraju malo bolje, po njima se ne može prolaskom kroz kružni tok vratiti u suprotnom smjeru u odnosu na smjer iz kojeg se ušlo u kružni tok, odnosno ne može se izaći iz kružnog toka na zadnjem izlazu niti se može kružiti unutar kružnog toka, što je protiv svih pravila kojima se reguliše kretanje vozila unutar kružnog toka. Strelica koja ne pokazuje Pravilnik...strelicama, dakle, koje ne pokazuje Pravilnik se pokušao odrediti obavezan smjer ili namjena saobraćajne trake prije ulaska u kružni tok ili nešto drugo što je samo poznato nadležnoj gradskoj službi, a u kružnom toku se iscrtala isprekidana linija koja dozvoljava mijenjanje saobraćajnih traka unutar kružnog toka.

Da ne bi dužio, dakle, ovdje sam sačinio pitanje koje ću priložiti i dakle na osnovu iznesenog svega, zahtijevam da se sporna horizontalna i vertikalna saobraćajna signalizacija koja ne postoji u Pravilniku u saobraćajnim znakovima i signalizacijama na cestama, načinu i obilježavanju radova i prepreka na cesti i znakovima koje učesnicima u saobraćaju daje ovlaštenje osoba na novoj kružnoj raskrsnici na Slatini u blizini zgrade Vlade TK-a podhitno ukloni, budući da je ista nezakonita, zbunjujuća, te dovodi u zabludu vozače i samim tim predstavlja opasnost za sve učesnike u saobraćaju.

Dakle, pitanje postavljam Službi za komunalne poslove, izgradnju i poslove mjesnih zajednica, s tim što u odgovoru na pitanje želim konkretno, dakle, pitanje za Pravilnik i ne zanima me mišljenje Javnog preduzeća Ceste Federacije, jer oni nisu tumač Pravilnika, nego postupaju po istom Pravilniku.

I isto dakle želim, isto želim poslati upozorenje i Komisiji za tehnički prijem kružnog toka na Slatini da vode računa o ovim stvarima.

Zatim, drugo pitanje Centralnom grijanju. U kojoj fazi je izrada glavnog projekta toplifikacije za naselje Plane?

Na 5. redovnoj sjednici uputio sam pitanje prema ovoj Ustanovi u vezi izgradnje vrelovoda u naselju Plane, te sam dobio negativan odgovor. Nakon toga postavljam vijećnička pitanja. Kada se planira izrada glavnog projekta vrelovodne mreže za naselje Plane, te kada se očekuje početak realizacije projekta? Zatim, koliko je novih stambenih jedinica na području grada Tuzla priključeno na sistem daljinskog grijanja u posljednjih pet godina, uključujući i prethodnu? Kolika je ukupna količina toplotne energije u megabajtima koje trenutno troše novopriključene jedinice, te da li ta potrošnja prelazi ili ostaje unutar granica trenutno raspoloživih kapaciteta koje preduzeće spominje u svom odgovoru? I četvrto. Na osnovu kojih kriterija Centralno grijanje d.d. Tuzla određuje prioritet u priključenju novih korisnika na sistem i da li je naselje Plane uopšte razmatrano u prethodnim planskim ciljevima?

Treće pitanje je, ponovo, dakle, u kojoj fazi je rekonstrukcija KGH sistema u Matičnom uredu? Dakle, u prvom dijelu sam se pozvao na odgovarajuće propise, norme, Zakon o zaštiti na radu Federacije Bosne i Hercegovine, članovi 7., 9., 12., 20., 31., 61. I postavljam sljedeća pitanja: Da li, da se jasno utvrdi da li je sistem KGH u predmetnom prostoru ikada bio funkcionalan u posljednjih pet godina, te ako jeste, u kojem periodu i u kojem obimu? Da se

hitno obavi stručno ispitivanje radnih uslova u navedenim prostorijama s akcentom na ventilaciju, kvalitet zraka, osvjetljenje i temperaturne uslove. Da se postavi plan i vremenski okvir sanacije identifikovanih nedostataka uključujući eventualno izmještanje ili prilagođavanje pozicija klima uređaja. Poboljšanje osvjetljenja i osiguranje optimalnih uslova rada. Da se utvrdi da li su u prethodnom periodu prekršene odredbe Zakona o zaštiti na radu, te da se u slučaju postojanja odgovornosti o teme...obavijesti nadležno nadzorno tijelo. Kako su...Kada su u posljednja dva ciklusa sistematskih pregleda službenika provedena? Tačni datumi i periodi? Koliki je broj zaposlenih koji su obuhvaćeni tim pregledima? Koliko je zaposlenika prema nalazima iz sistematskog pregleda imalo oboljenja ili simptome koji se mogu dovesti u vezu sa neuslovnim radom? Da li su rezultati sistematskih pregleda analizirani i upoređeni s uslovima rada? Da li je jedna preporuka ljekara uputila na promjenu radnih uslova s ciljem očuvanja zdravlja uposlenika, te koje konkretne mjere je poslodavac poduzeo nakon uvida u nalaze sistematskih pregleda? Hvala.

ANA PEJIĆ

Zahvaljujem se. Sljedeće vijećničko pitanje. Vijećnica Ajla Kuluglić. Izvolite.

AJLA KULUGLIĆ – vijećnik SDA – Stranke demokratske akcije

Ja ću iskoristiti ovu priliku evo još jednom da pozdravim sve kolege vijećnike i sve prisutne.

Što se tiče vijećničkih pitanja za ovu sjednicu, evo ja sam dostavila tri vijećnička pitanja. Sva se odnose na Stadion „Tušanj“.

Dakle, prvo pitanje. Zbog čega stadion nerijetko bude zaključan u terminima koji su prethodno određeni i javno istaknuti kao dostupni za korištenje građanima? Dakle, na ulazu u stadion postavljeno je obavještenje kojima se građanima omogućava korištenje atletske staze u tačno navedenim terminima. Međutim, nerijetko se dešava evo u praksi da u tim terminima stadion bude zaključan, odnosno, glavna kapija. Ja smatram lično da je takav evo odnos prema građanima krajnje neodgovoran i neozbiljan i evo zbog toga sam i uputila ovo pitanje.

Naredno pitanje se naslanja evo na prethodno, na prvo. Ukoliko je razlog neke tehničke prirode, da li postoji mogućnost da Grad zaključi sporazum sa Fakultetom za tjelesni odgoj i sport o omogućavanju korištenja stadiona u Kampusu kao alternativnog rješenja za rekreativne potrebe građana?

I treće pitanje. Dakle, zašto se dopušta korištenje nedovršene sjeverne tribine stadiona koja nema upotrebnu dozvolu? Znači, prema dostupnim informacijama iz izvještaja, sjeverna tribina nije završena, nema upotrebnu dozvolu, a jasno je svima da je zapuštena je li i u lošem stanju. Međutim, ta tribina koristi se evo već više od deset godina, što je svakako zabrinjavajuće, evo i nosi potencijalne rizike i evo tražim, ovaj, pojašnjenje i za to pitanje. Toliko.

ANA PEJIĆ

Zahvaljujem se. Sljedeće vijećničko pitanje. Vijećnica Svjetlana Kakeš. Izvolite. (SVJETLANA KAKEŠ – Prilažem). U redu. Vijećničko pitanje. Vijećnik Mirnes Ajanović. Izvolite.

MIRNES AJANOVIĆ

Hvala predsjedavajuća. Tri su. Jedno ću staviti u već je došlo, dostavljeno je u pisanom obliku. Dva ću kratko prezentirati.

Redukcija vode u naseljima Gornji Čaklovići i Vasići. Prema informacijama koje sam primio od građana, naselja koja sam naveo, problem vodosnabdijevanja je prisutan već duže vrijeme. Kulminirao je u posljednjih mjeseci, pa i za vrijeme Bajrama kada je bila redukcija vode, iz razloga što navodno kapacitet rezervoara nema dovoljno vode. Onda to traje po više sati i redovno danima iza toga. To se mora riješiti. Problem je posebno dakle ljetnih mjeseci kad evo potrošnja vode gdje je još veća i ugroženost naravno za vodosnabdijevanje evidentnija. I odgovori da li je Gradska uprava upoznata sa ovim problemom? Kakve su mjere poduzete? Ako jesu, da li postoje planovi ili projekti za proširenje kapaciteta vodovodnih snabdijevanja u ovom dijelu grada ili alternativna tehnička rješenja za stabilno vodosnabdijevanje? Da li postoji mogućnost da se hitnim mjerama osigura kontinuirano snabdijevanje vodom dok se ne pronađe trajno rješenje? Radi se o osnovnom pravu. Pravu na pristup vodi i ovo je ozbiljan komunalni problem, koji ugrožava zdravlje i stanovništvo, njihovo dostojanstvo i tražim da se poduzmu mjere za rješavanje ovog problema.

Idemo još ovo jedno koje je malo provokativnije, ali šta ja mogu. Kad služba ne radi svoj dio posla. Ovo je Službi za inspekcijske poslove, Službi za prostorno uređenje i Vladi Tuzlanskog kantona. Tražim odgovor, dakle, Službe, zašto se ne postupa po prijavi o nezakonitom korištenju prostorija Vlade Tuzlanskog kantona i ministarstava bez upotrebne dozvole? Zašto Služba nije pristupila, postupila po prijavi od prošle godine? Dakle, da se zabrani rad u prostorijama Vlade Tuzlanskog kantona, ministarstava Tuzlanskog kantona, pa čak i na četiri, na jednom jesu, dakle, tri fakulteta Javnog Univerziteta u Tuzli, zbog nepostojanja upotrebne dozvole. Radi se o očitom nezakonitom protupravnom korištenju prostorija. Inspektor građevinski, urbanistički Edin Skenderović je na sličnom osnovu zabranio rad Evropskom univerzitetu Kallos Tuzla, iako su bili u postupku dobijanja upotrebne dozvole, a bili su u objektu koji je imao upotrebnu dozvolu, ali Edin Skenderović po očitom nalogu ili saglasnosti Glavnog inspektora i šefa Službe za inspekcijske poslove izašao je na lice mjesta, tražio je upotrebnu dozvolu, dokaz da je u postupku, nije ga interesovao, izbacio je sve napolje. Istog dana. Istog sata. Imali su pola sata rok da izađu napolje. I zabranio je rad Univerziteta. Dakle, zašto selektivno se radi jer to je diskriminatorno i očito je bio u ovakvim okolnostima, od nekoga instruiran, kupljen, plaćen, ne znamo šta je, ali je dužan da to radi i ovim ostalim dijelovima. Ovdje sam dao veće obrazloženje zašto je to tako. Tražim, dakle, i od Službe za prostorno uređenje da se i oni izjasne da li imaju ovu prijavu? Zašto nije postupljeno ovdje za Insepkcije govorim? Da li su poduzete mjere protiv korisnika prostorija koji su dužni imati upotrebnu dozvolu, a istu nemaju? Ko će snosit odgovornost za proptupravno korištenje? Tražim od Vlade TK i ministarstava, dakle, njihovih, evo Vladi sam sad uputio i njima usput sve u okviru ovoga. Da li su objekti koji su nakon požara u zgradi Vlade TK-a premještene prostorije Vlade TK-a i Kantonalnih ministarstava koristili i još uvijek koriste? I da li su za njih pribavljene upotrebne dozvole sa promjenom namjene? Nebitno da li je objekat imao prije upotrebnu dozvolu za bilo kakvu vrstu. Bile su škole. Rudarska. Institucija bila je jedna i slično. Da li su u rokovima nadležna ministarstva tražili i dobili promjenu namjene prostora u skladu sa Zakonom o prostornom uređenju i građenju? Da li su svi fakulteti Univerziteta u Tuzli u posjedovanju pravosnažnih upotrebni dozvola? Ima li Javna ustanova Kampus Univerziteta u Tuzli pribavljene upotrebne dozvole? Da li je Služba za prostorno uređenje Grada Tuzla u saradnji sa nadležnim inspekcijama vršila nadzor nad zakonitošću korištenja prostorija? Da mi se dostavi od Službe za prostorno uređenje dokumentacija i odgovor da li ovi prostori imaju upotrebne dozvole za namjenu u koju, koju sada obavljaju, u smislu Vlade, ministarstava, fakulteta, univerziteta? I nije ovo nikakva odmazda. Evropski univierzitet Kallos Tuzla ima

upotrebnu dozvolu pravosnažnu na preko 2.500 kvadrata univerzitetskog visoko školskog obrazovnog prostora, ali je zabranjen bio rad, a nakon toga je zabranjen rad Univerziteta. Koristeći tu zabranu građevinskog inspektora Edina Skenderovića smatram punim bezobrazlukom. I od strane šefa Službe za inspekcijske poslove, Glavnog inspektora, Edina Skenderovića, koji sada ne postupaju po prijavi već pola godine, pozivajući se na to da imaju eto petsto predmeta. A ovaj Univerzitet 355 studenata, profesora i ostale zatvorili su za pola sata. Izbacili ih napolje. Ako ne budem dobio odgovore do sljedeće sjednice julske, ide dopuna krivičnih prijava protiv svih. Sa konkretnom dokumentacijom, posebno, samo ću još istaći ovdje, što se Služba za inspekcijske poslove pozvala ne nadležnom. To je proslijeđeno nadležnoj Kantonalnoj upravi za inspekcije. Kantonalna uprava za inspekcije je rekla da je Služba za inspekcijske poslove nadležna jedina i isključivo za postupanje u provjeri upotrebne dozvole, jer su to već uradili u prostoru. Evo već sam naveo gdje Evropskog univerziteta Kallos. Dakle, tražim ove odgovore i ne budel do julske odgovora, neću imat milosti ni prema kome od njih. Hvala.

ANA PEJIĆ

Zahvaljujem se. Sljedeća vijećnička pitanja. Vijećnik Nedžad Jusić. Izvolite.

NEDŽAD JUSIĆ – nezavisni kandidat – nacionalna manjina

Hvala predsjedavajuća. Poštovana predsjedavajuća, kolege i kolegice, vijećnici i vijećnice i ostali, želim da vas pozdravim i u skladu sa Poslovnikom o radu Gradskog vijeća Tuzla želim da postavim vijećničko pitanje, ali prije nego što postavim vijećničko pitanje, želim da se iskreno zahvalim predsjednici Upravnog odbora Javno Zdravstveno Nastavne Ustanove Dom zdravlja „Dr. Mustafa Šehović“ Tuzla, koja mi je dostavila odgovor na vijećnička pitanja koja sam postavljao direktoru, odnosno menadžeru kvaliteta u Javnoj Zdravstveno Nastavnoj Ustanovi Dom zdravlja Tuzla. Nažalost oni nisu htjeli da odgovore na ta pitanja, al evo dobio sam odgovor i sad sam svjestan zbog čega nisam dobio te odgovore, jel iz ovog odgovora se vidi itekako nepravilnost i možda poziv nekim nadležnim službama da djeluju, jel ipak između ostalog to su budžetska sredstva. To su sredstva poreskih obaveznika i troši se onako kako se troše. Između ostalog evo na pitanje zašto nismo dobili izvještaj za 22-u, 23-u i 24-u? Nažalost, ne znam zbog čega, mogu ja samo da pretpostavljam zbog čega je to to. Da nisu uspjeli da nađu vanjskog revizora da bi im dao prema mom mišljenju pozitivno mišljenje za njihovo poslovanje i zbog toga nemamo te izvještaje, ali o tome će se sigurno pozabaviti neki drugi organi. Nije na meni da ja o tome raspravljam i da vidim. S druge strane, takođe evo u odgovoru stoji da imamo tim za kvalitet usluga, a izmišljeno radno mjesto, novo za menadžera kvaliteta, koji obavlja istu ili sličnu ulogu kao svi...kao ovaj tim, a građane grada Tuzle i Tuzlanskog kantona na godišnjem nivou to košta preko trideset četrdeset hiljada dodatno finansijskih sredstava za to radno mjesto. Evo imamo tu ovaj napisano. Ali ok.

Moje vijećničko pitanje glasi između ostalog iz opisa posla koje radi menadžer kvaliteta, sad da ne čitam ovdje sve šta su naveli, al to ću nekom drugom prilikom, stoji da menadžer kvaliteta je zadužen da rad sa nevladinim organizacijama, institucijama, donatorima i da realizuje projekte vezano za Dom zdravlja. Moje pitanje, menadžer kvaliteta, gospodin Nedim Osmanović kako je imenovan na tu poziciju i kako obavlja ove poslove, kolko je do sada realizovao projekata, odnosno kolko je dobio, dobio Dom zdravlja Tuzla projekata, gdje je rukovodio, radio te projekte menadžer kvaliteta? I da mi se dostavi struktura troškova, jel imam neke informacije da gospodin Nedim Osmanović se ugrađuje u sve te, odnosno realizuje te projekte, pa da vidimo te, ovaj, strukturu tih troškova, na koji način su išli, trošeni, jel jednostavno evo imamo prošli, ja mislim prošlu, pretprošlu sjednicu smo imali izvještaj o radu

Javne ustanove TRAG koji izuzetno kvalitetno radi i koji izuzetno dobro radi svoj posao i sad ne znam sad odakle ta ideja da gospodin Nedim upravlja i realizuje te projekte, a opet to će neko za to neko najvjerovatnije odgovarati, al ja neću u to da ulazim. I na kraju, između ostalog, možda je to i praksa, al ja to ne znam, dobio je u opisu posla, između ostalog prema mom mišljenju ovdje kako stoji sam ovo pročitao, da se stalno usavršava na tom poslu i pretpostavljam na trošak Doma zdravlja. To je isto vrlo važno i dobro je. I jedan socijalni radnik kontroliše kvalitet rada doktorima u Domu zdravlja Tuzla. I to mi je malo čudno, ali ok. To možda tako i treba. Ja se ne razumijem u tu oblast, al sigurno ima netko ko će se razumjet. I molim da mi Dom zdravlja dostavi odgovor na ovo pitanje koje sam postavio. Hvala.

ANA PEJIĆ

Molim vas samo...Zahvaljujem se vijećničku Nedžadu Jusiću. Molim vas samo ukratko obrazloženje, jer sam na početku već najavila da je 30 minuta za vijećnička pitanja i inicijative. Poslovničku jel? Izvolite. Poslovnička. Vijećnik Mensur Mujezinović.

MENSUR MUJEZINOVIĆ – vijećnik Nezavisne liste „Sloboda“

Mislim da je više onaj dosta da slušamo o ovom Nedimu, onaj, sve bezveze, jer ovdje ima privatnih stvari gospodine Nedžade koje vi dobro znate. Imamo i mi neke informacije ko je se trebo sve da tali i vi onaj treba dobro...Što se ne spomenete Selmira, ako vam nešto nije jasno? I dosta je više non stop jednog te istog čovjeka prozivate. Ako ima šta, podnesite krivičnu prijavu i kraj. Kraj priče.

ANA PEJIĆ

U redu. Vijećnička pitanja. vijećnik Omer Berbić. Izvolite.

OMER BERBIĆ – vijećnik Naše stranke

Ja ću priložit, samo molim kada tražimo poslovničku, samo da se na Poslovnik konkretno, ovaj, na koji član Poslovnika da se pozovemo, jer ovo mislim ove stvari nisu za, da se rješavaju na ovakav način, javno na Vijeću, pogotov ne na poslovničkim. Na replikama ok, al ostalo...

ANA PEJIĆ

Zahvaljujem se.

Prelazimo na vijećničke inicijative. Vijećnička inicijativa (SENAD MEHMEDINOVIĆ – Poslovnička). Izvolite. Poslovnička.

SENAD MEHMEDINOVIĆ – vijećnik Nezavisne liste „Sloboda“

Ja ne znam koji je član Poslovnika i onaj apsolutno podržavam prijedlog koji je rekao kolega Omer, s tim da kad se pozivamo na poslovničku, ona mora da važi za sve ovo vijećnike u Vijeću. Dakle, ne može se selektivno neko pozivat na određeni član, a drugi se ne prozivat. Dakle, suštinski se mi svi pozivamo na Poslovnik i znamo da kad se pozovemo stvarno da ima smisla, da ne ulazimo sad član, evo član 27. stav 3. pa ću ja reć šta imam, pa dok vi nađete, nema od te ljubavi ništa. Dakle, niko se ne poziva ovdje od predsjedavajuće, pa dalje, bez ljutnje, na određeni član Poslovnika kada se prekrši. Nego samo kažemo poslovnička, a

suštinski znamo da se to odnosi na jedan od određenih članova. Pa nije problem, ako ćemo se pozivat, hajd da se onda ubuduće pozivamo svi na članove i hajde ubuduće da kada iznosimo vijećnička pitanja i inicijative, da to nisu diskusije. Mi smo to pretvorili drage kolege i kolegice u diskusije. Hvala.

ANA PEJIĆ

Zahvaljujem se. Vijećnik Omer Berbić.

OMER BERBIĆ

Poslovnička, koju ću ja sad iskoristiti isto ko repliku ko što je kolega iskoristio (ANA PEJIĆ – Hajde iskoristite pa da nastavimo dalje sa sjednicom. Izvolite). Nema, ne, ovdje ako ćemo raditi, da da radimo kako treba (ANA PEJIĆ – U redu). I nema potrebe da se ide sad nešto da se branite jedan drugog. Ja sam ovdje samo uputio ako ima poslovnička po Poslovniku, da da se pozivamo na član ili ukoliko je baš očito prekršen Poslovnik, onda ok da se to reaguje. Ali ja sa poslovničkim mogu iskorištavati za replike i nije mi to problem, jer znamo svi da poslovnička dolazi prije replike, a vi kasnije kad me budete upozoravali, onda ćemo xy neke stvari...tako da nemojte da namjerno iskorištavamo Poslovnik na način na koji se on ne treba iskorištavati. Ja nemam, ako idemo u tom pravcu, ja nemam problem s tim, samo da znate, više u životu neću repliku ovaj pozvat, nego ću se uvijek pozvat na poslovničku, izbit ću šta imam, pa vi kasnije mene upozoravajte. Eto.

ANA PEJIĆ

Vijećnik Šefik Husić. Vi se javljate. Izvolite.

ŠEFIK HUSIĆ – vijećnik SDA – Stranke demokratske akcije

Evo samo da vas predsjedavajuća zamolim da upozorite kolege, onaj, a u ovom slučaju kolegu Omera Berbića na Poslovnik. Hvala.

ANA PEJIĆ

Zahvaljujem se. Prelazimo na...Izvolite. Vijećnik Nedžad Jusić. Mislim ovo je već krenulo na replike, mislim sad stvarno.

NEDŽAD JUSIĆ

Kako god hoćete. Pazite. Vijećnička pitanja nisu dozvoljene replike. Na vijećnika pitanja. Al evo ovdje vidim nekakve replike. (ANA PEJIĆ – Nisu ni diskusije ni replike). Pozivamo se svi na Poslovnik. U Poslovniku decidno stoji na vijećnička pitanja nema replika. Ja sam ovdje primijetio repliku i zbog toga nisam se htjeo, mogo sam ja sad replika, al ne želim. Ja poštujem Poslovnik. Poštujem ovaj dom. Svako ko koga želi da brani bujrum može kroz diskusiju ili kroz neki drugi način. Tolko. Hvala.

ANA PEJIĆ

Prelazimo na VIJEĆNIČKE INICIJATIVE

Vijećnička inicijativa. Vijećnici Jasmin Gavranović i vijećnik Zlatan Mehmedović. Izvolite.

**JASMIN GAVRANOVIĆ – vijećnik SDP – Socijaldemokratske partije
Bosne i Hercegovine**

Zahvaljujem predsjedavajuća. Inicijativa kolege Zlatana Mehmedovića i mene glasi unapređenje sigurnosnih standarda na dječijim i sportskim igralištima na području grada Tuzla.

Svjedoci smo sveučestalijih slučajeva povreda djece i mladih na javnim igralištima i sportskim terenima usljed dotrajalih, oštećenih ili nepropisno postavljenih sprava, neadekvatne podloge, kao i nedostataka preventivnih sigurnosnih mjera.

Posebno nas je uznemirila informacija o tragičnom događaju u Ajdinovićima, gdje je usljed pada gola na dijete, izgubljen jedan mladi život.

Vođeni odgovornošću prema našim najmlađim sugrađanima, ali i prema svim građanima koji koriste javne i sportske površine, predlažemo da Grad Tuzla poduzme sveobuhvatne mjere u cilju povećanja sigurnosti na igralištima i sportskim terenima. S tim u vezi predlažemo da nadležne službe izvrše sveobuhvatan pregled stanja dječijih i sportskih igrališta na području grada Tuzla. Identifikuje opasne, dotrajale i nepravilno postavljene sprave i naprave. Plan njihove sanacije ili zamjene, propišu i primjenjuju standarde sigurnosti koje uključuju pravilno učvršćivanje sprava, posebno golova i rekvizita. Postavljanje sigurnosne podloge, gumene, pjeskovite ili travnate, te redovne kontrole ispravnosti. Planiraju da izdvoje sredstva za stalo održavanje igrališta uključujući saradnju sa mjesnim zajednicama, roditeljima i školama. Postave jasno vidljive oznake o pravilima korištenja igrališta i brojeve telefona za prijavu oštećenja ili opasnost.

Ovom inicijativom želimo osigurati da ni jedno dijete, niti bilo koji građanin ne doživi povredu ili tragediju koja se mogla spriječiti pravovremenom reakcijom i odgovornim upravljanjem javnim prostorima.

Vjerujemo da ćemo zajedničkim djelovanjem, kao i odgovorni vijećnici i kao roditelji doprinijeti stvaranju sigurnijeg i zdravijeg okruženja za sve građane Tuzle. Hvala.

ANA PEJIĆ

Zahvaljujem se. Sljedeće vijećničke inicijative. Vijećnik Emir Šahović. Izvolite. (EMIR ŠAHOVIĆ – Prilažem). U redu. Sljedeće vijećničke inicijative. Vijećnik Senad Mehmedinović. Izvolite. (SENAD MEHMEDINOVIĆ – Prilažem). U redu. Vijećničke inicijative. Vijećnik Denis Bećirović. Izvolite. (DENIS BEĆIROVIĆ – Hvala predsjedavajuća. Prilažem). U redu. Vijećnička inicijativa. Klub vijećnika SDA u Gradskom vijeću Tuzla. Izvolite.

AJLA KULUGLIĆ

Neću priložit. Neću (ANA PEJIĆ – Na jednoj mi piše vijećnica Ajla Kuluglić, a na drugoj je Klub vijećnika). Jedno je moja inicijativa, a jedno sam ispred Kluba predala (ANA PEJIĆ – Ok. Izvolite).

Evo onda ja ću prvo krenuti hajde ispred Kluba. Inicijativa se odnosi na pojačanu deratizaciju čišćenja ulica u strogom centru grada. Mi znamo da u Sarajevskom kantonu evo

imamo više zabilježenih slučajeva Leptospiroze. Kod nas na sreću evo nema još uvijek. Međutim, mislim da smo na dobrom putu. Ja ne znam da li ima neko u ovoj prostoriji ko nije imao priliku da vidi fotografije koje su zabilježene, odnosno na fotografijama je li su zabilježene skupine najezde žohara ovdje u samom centru grada. Znači, pored Kapije, kako na zgradama tako i oko Mozaika, znači, gdje ljudi jedu. Elem s tim u vezi, evo mi smo predložili neke mjere. Da napomenem mjere nisu nikakvo otkrivanje tople vode, al evo obzirom na okolnosti, izgleda da je neophodno i ovako da se, da se navedu. To je učestalije provođenje deratizacije u strogom centru grada, posebno na trgovima i Korzu. Redovno pranje i čišćenje ulica u navedenim dijelovima grada.

I posebna pažnja i hitna intervencija u naselju Moluhe, s obzirom na blizinu Deponije i česte probleme sa izljevanjem kanalizacije.

Dakle, to nije pitanje samo Komunalne čistoće, već i odgovornosti prema građanima i posjetiocima, posjetiocima Tuzle. Mislim da više na žohare ne smijemo da, ne smijemo da slijemo ramenima i da nam to bude normalno kao. Jasno je da imamo određena naselja koja su poznata po žoharima, ali mislim da u strogom centru grada zaista to ne smijemo, ne smijemo sebi ovaj dozvoliti.

Moja inicijativa se oslanja otprilike na ovu. Odnosi se na uređenje prostora za odlaganje otpada u naselju Tušanj u blizini Rudnika soli, put Mandići.

Znači, na navedenoj lokaciji već duže vrijeme postoji ozbiljan problem neuređenog, premalog i neadekvatnog, neadekvatno održavanog prostora za kontejnere. Prisutne su veće količine kabastog otpada, građevinskog otpada i to zaista predstavlja jedan ozbiljan sanitarni epidemiološki rizik. Osim toga, u blizini, dakle, tog prostora za odlaganje otpada nalazi se i zelena površina. Trava, rastinje je prilično visoko i osim tog otpada je li i ta trava predstavlja zaista dom za brojne ovaj i kukce, ali i druge životinje. Građani odnosno stanovnici ovog naselja su u više navrata i zabilježili je li imaju fotografije na kojima su tu pacovi leže koji nisu ni čak ni živi. Ja sam evo kad sam se bavila ovom inicijativom zaista radila u komunikaciji sa građanima, odnosno sa stanovnicima ovog naselja koji su zaista zabrinuti i evo ovo im je ono posljednji apel, apel i poziv u pomoć i oni su mi predložili neke mjere. Evo ja sam ih ovdje navela. Dakle, proširenje i uređenje prostora za kontejnere uz postavljanje betonske podloge. Dodavanje dodatnog broja kontejnera za različite vrste otpada. Zatim, postavljanje zaštitne ograde oko kontejnerskog prostora kako bi se spriječilo stvaranje divlje deponije. Redovno košenje i održavanje zelenih površina u neposrednoj blizini. I na kraju evo postavljanje nadzorne kamere i znakova sa upozorenjima o zabrani odlaganja kabastog i građevinskog otpada, kao i informisanje o propisanim kaznama za nelegalno odlaganje.

Posljednja ova mjera evo u vezi je sa činjenicom da većinu tog otpada ne ostavljaju stanovnici tog naselja konkretno, već određena lica je li iz drugih, iz drugih dijelova grada. I zato evo mještani ovog naselja smatraju da je neophodno da postoji određeno upozorenje za sva ta lica koja odlaze tu različite vrste otpada i da su svjesni i oni ovaj i ograničenja i propisanih, propisanih kazni.

Eto. Toliko. Nadam se ćemo, da ćete uvažiti ovu inicijativu i da će se što prije, što prije reagovati.

ANA PEJIĆ

Zahvaljujem se. Sljedeća vijećnička inicijativa. Vijećnica Svjetlana Kakeš. Izvolite.

SVJETLANA KAKEŠ – vijećnik SDP – Socijaldemokratske partije Bosne i Hercegovine

Hvala predsjedavajuća. Ja podnosim inicijativu Javnom komunalnom preduzeću Saobraćaj i komunikacije. Da se sagledaju pravne, finansijske i druge mogućnosti, kako bi se

dodatno unaprijedio način plaćanja usluga parkiranja na javnim parkiralištima kojima upravlja ovo preduzeće, na način da se usluga parkiranja može platiti kreditnom karticom.

Vidimo da Saobraćaj i komunikacije iz godine u godinu unapređuje usluge koje su im povjerene od strane Gradskog vijeća i to na način da prate savremene trendove, tehnološki razvoj, nivo zadovoljstva građana, odnosno korisnika. Uvođenje plaćanja SMS-om je značajno unaprijedilo uslugu, pa i donijelo određenu dobit preduzeća. U cilju dodatnog unapređenja usluge naročito korisnicima koji uz sebe nemaju mobilni aparat ili ne žele koristiti taj način plaćanja, kao i korisnicima koji koriste mobilne usluge stranih operatera, stranci, turisti, građani BiH koji žive u inostranstvu ili slično, predlažem odnosno tražim od preduzeća da sagleda faktičke, pravne i finansijske mogućnosti unapređenja plaćanja usluga parkinga na način da se može plaćati i kreditnom karticom na postojećim parking aparatima.

ANA PEJIĆ

Zahvaljujem se. Vijećnička inicijativa. Vijećnik Muhamed Čikarić. Izvolite.

MUHAMED ČIKARIĆ – vijećnik SDA – Stranke demokratske akcije

Dobar dan. Pozdrav za sve. Moja inicijativa se odnosi na izvođenje radova ili na završetak radova na koritu potoka, takozvani Duboki Potok u MZ Simin Han. Pa u ime građana pokrećem inicijativu za završetak radova na koritu Duboki Potok. Duboki Potok protiče ispod magistralnog puta na pravcu grad Tuzla, raskrsnica Simin Han ili za one koji ne znaju gdje se nalazi, to je nekih 400 metara nakon Plave klinike, odmah neposredno iza Pekare Magistrale, ja mislim tako se zove. Navedeni potok je u vrijeme izvođenja radova na izgradnji korita rijeke Jale djelimično ukoričen, ali u dijelu koji vezuje za obalu Jale. Međutim, nije urađen dio koji vezuje za pomenutu putnu komunikaciju. Zbog neuređenosti korita obale zarastaju urastinje koje uglavnom zaustavlja smeće koje dolazi iz gornjeg dijela potočnog toka. Počesto i sami prolaznici sa mostića ko zna gdje je to, jer to nije neki most, nego je propust, bacaju smeće i drugi čvrsti otpad. Zbog bacanja smeća, uglavnom ima i ostataka hrana, na tom dijelu često se pojavljuju pacovi, ali u skorije vrijeme i zmije. Napominjem da navedeni potok protiče pored niza kuća sa obje strane obale. Po slobodnoj procjeni radi se o nezavršenom dijelu korita u dužini oko 50 metara. U prilogu sam nadležnoj službi dostavio i izvod kopije katastarskog plana i fotografije sa lica mjesta. Hvala.

ANA PEJIĆ

Zahvaljujem se. Vijećničke inicijative. Vijećnik Mirnes Ajanović. Izvolite.

MIRNES AJANOVIĆ

Hvala predsjedavajuća. Evo aktuelno je inicijativa za obezbjeđenje dodatnih izvora finansiranja Javne ustanove Naše djetete Tuzla bez opterećenja budžeta Grada Tuzla.

Dakle, uzimajući u obzir potrebe za očuvanjem kvaliteta rada, unaprijeđenjem kvaliteta rada, povećanjem plata uposlenicima, odgajateljima, opreme, edukciju kadrova ustanove, bolje uslove za djecu, predlažem sljedeće mjere u inicijativi. Usmjeravanje dijela prihoda iz komunalnih naknada i doprinosa preporučuje se da se iz ukupnih sredstava ostvarenih po osnovu komunalnih naknada i urbanističke saglasnosti izdvoji procentualni iznos za poseban fond namijenjen predškolskim ustanovama, uz prethodnu odluku Gradskog vijeća o programskom usmjeravanju tih sredstava.

Dva. Inicijativa prema Vladi Tuzlanskog kantona za obezbjeđenje posebnog granta. Zadužuje se gradonačelnik da uputi prijedlog Ministarstvu obrazovanja i Vladi TK-a za sufinansiranje aktivnosti JU Naše dijete Tuzla, s obzirom da se radi o ustanovi koja ima regionalni značaj i funkcionira kao servis za veliki broj porodica sa djecom predškolskog uzrasta.

Tri. Pokretanje programa društvene odgovornosti CSR sa lokalnim firmama. Predlaže se da Grad Tuzla pokrene model saradnje sa privrednim subjektima, bankama i javnim preduzećima kroz sporazume o društvenoj odgovornosti sa ciljem podrške određenim projektima vrtića, na primjer, opremanje igrališta, renoviranje prostorija, zamjena stolarije i svega ostalog što bi sami dakle privredni subjekti kroz jednu vrstu i reklamiranja mogli odraditi u cilju poboljšanja uslova za boravak djece.

Četri. Povezivanje sa međunarodnim donatorima i ambasadama. Zadužuje se nadležna služba Grada Tuzla da u saradnju sa JU Naše dijete Tuzla pripreme projekte i aplikacije prema međunarodnim fondovima, na primjer UNICEF, GIZ, EU, IPA fondovi, s ciljem dobijanja sredstava za infrastrukturno i pedagoško unapređenje uslova rada.

Pet. Omogućavanje realizacije vlastitih prihoda kroz dodatne aktivnosti. Podržava se inicijativa, dakle govorim kao prijedlog da JU Naše dijete Tuzla razvije sopstvene dodatne usluge, na primjer edukativne radionice, organizacija dječijih sadržaja uz simboličnu naknadu, iznajmljivanje prostora u poslijepodnevnim terminima, da bi se ostvarili vlastiti prihodi u skladu sa zakonom.

Organizacija javne donatorske kampanje pod pokroviteljstvom Grada Tuzla. Predlaže se organizacija javne kampanje uz učešće lokalne zajednice, dijaspore i nevladinih organizacija, usmjerene na konkretne potrebe vrtića, uz punu transparentnost i javni izvještaj o korištenju sredstava.

Sedam. Tehnička podrška prije apliciranja na projekte fondacije i nevladinog sektora. Zadužuju se Gradske službe da obezbijede punu tehničku podršku JU Naše dijete Tuzla u pripremi aplikacija. Za projekte imamo i ovu našu Agenciju TRAG. Kod domaćih i stranih fondacija posebno za programe koje se odnose na socijalnu inkluziju djece sa poteškoćama u razvoju, inovativne metode rada. Zaključno, ova inicijativa ima za cilj ne samo očuvanje nivoa usluga u Naše dijete Tuzla, nego i njegovo unapređenje kroz mobilizaciju šire zajednice, privrednog sektora i donatorskih izvora. Na ovaj način Tuzla bi pokazala odgovornost i pokazuje dodatno prema najmlađim sugrađanima, ali i inovativan pristup u upravljanju u javnim ustanovama bez dodatnog opterećenja budžeta.

Još dvije ću skratiti i neću samo ću direktno šta je. Hitno rješavanje komunalnih i saobraćajnih problema u naselju Križani, kod bivše trgovine Ema. Kanalizacija lije cestom. Djeci valja do škole. Otvorena je kanalizacija. Sa strana izljeva se kanalizacija. Ovo je sve ono iz onih mojih preko 100 videa i 150 tačaka poboljšanja uslova života u Tuzli. Bio sam i ovdje na licu mjesta. Evidentno je bilo izljevanje kanalizacije na ovom proširenju i raskrsnici. Išao sam duž više kilometara, gdje je faktički otvorena kanalizacija i svaka veća kiša rezultira da sve ono što ide iz kuća ide na cestu i da se nalazi u lokvama kuda djeca moraju proći.

I evo dakle, predlažem hitnu sanaciju kanalizacione infrastrukture i sprečavanje izlivanja otpadnih voda. Izradu projekta za rekonstrukciju i proširenje saobraćajnice, uključujući asfaltiranje, trotoare i vertikalnu signalizaciju. Postavljanje javne rasvjete duž cijele trase koju koriste djeca i ostali pješaci. Informaciju o preduzetim mjerama dostaviti Gradskom vijeću. Ovdje se radi o okolnosti da je to udaljeno dva i po kilometra od magistralne ceste. Nemaju čak niti objekata, trgovine niti bilo šta. U Tuzli su ali su gotovo izolovani.

I ova još jedna što je ostala. Sanacija puta do mezarja u naselju Grabovica, Palavrići brdo. Bio sam isto na licu mjesta. Ovo je jedan od video prezentacija. Uzbrdo je. Cesta je slomljena i bukvalno na tom dijelu ceste, pogrebno vozilo ljudi podižu rukama da bi prešli dalje. Ne može drugačije. Zimi je gotovo nemoguće proći, a može se malo sa poravnanjem tog

dijela asvalta obezbijedit da bar vozilo kada krene može ići. Al ne u situaciji kada uzbrdo mora stati zbog preloma asvalta i nemogućnosti da vozilo prođe bez oštećenja ukoliko se ne podigne. Absurdno je, al tako rade. Dakle, ima ovdje ovaj prikaz. Tražim hitno vršenje uviđaja na terenu od strane nadležne službe. Planiranje, realizaciju i sanaciju puta uključujući i nasipanje. Nivelaciju i stabilizaciju padine i pripremu za asfaltiranje. Osiguranje bezbjednog i dostojanstvenog pristupa za pogrebna vozila i posjetioce mezarja, groblja. Informisanje Gradskog vijeća. Dakle, ovo je naša obaveza. Dostojanstvo lica koja su preminula i onih koji ih ispraćaju. Mora biti ispoštovani i zbog toga i ova inicijativa između ostalog. Hvala.

ANA PEJIĆ

Zahvaljujem se. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Mirnese ako dozvoliš, pošto je tvoja inicijativa, samo da je dopunim u dijelu jednom, a to je, ovaj, most koji je u lošem stanju baš u tome, u tom pravcu, prvi most onaj koji se kreće prema mezarju, pa da dopunimo, da dopuniš i to da bude zajednički evo moja dopuna, a most je stvarno u lošem stanju već dugo vremena. Mislim da je i projekat urađen, da bi to trebalo skrenut pažnju da se to uradi. Hvala ti.

ANA PEJIĆ

Zahvalju...

MIRNES AJANOVIĆ

Mogu li ja samo još ovo (ANA PEJIĆ – Može. Izvolite) da sam saglasan s ovim. Tačno jeste. Na videu je snimljen i most koji je u vrlo lošem stanju. Hvala Mensure na podsjećanju. Dakle, i ovo je dopunski dio. Evo zajednički faktički inicijativa Mensura i mene. Hvala.

ANA PEJIĆ

U redu. Da li ima još neko vijećničkih inicijativa? Vijećnik Omer Berbić. Izvolite. Pa vijećnik Mirza Malkočević (OMER BERBIĆ – Ja ću priložiti). Ok. Izvolite. Vijećnik Mirza Malkočević.

MIRZA MALKOČEVIĆ – vijećnik Naroda i pravde (NIP)

Hvala predsjedavajuća. Evo ja prije svega da se zahvalim kolegama Zlatanu i Jasminu. Ja imam gotovo pa identičnu inicijativu vezano za dječija igrališta, tako da nju neću čitat. Dobro ste to napisali.

Moja druga inicijativa je vezana za sanaciju puta Lipnica – Dobrnja. Ovaj put je veoma važna značajna putna komunikacija za širu društvenu zajednicu, jer povezuje više mjesnih zajednica Lipnicu, Gornju Lipnicu, Srednju Lipnicu, Dobrnju, Mramor i Ljepunice, a i služi kao alternativni put za izlazak na magistralni put Tuzla – Orašje i znamo da u slučaju bilo kakvih nesreća, taj put se dosad koristio kao alternativa. Zbog višegodišnjeg neodržavanja put je u veoma lošem stanju. Provaljen je i skoro neprohodan, zbog čega je potrebna hitna sanacija

toga puta. Mislim da je dužina toga puta oko 2 kilometra. U razgovoru sa građanima iz Mjesne zajednice Dobrnja i Mjesne zajednice Lipnica, oni su spremni isto da pomognu u sanaciji toga puta, jer je taj put jako važan za sve mjesne zajednice. Eto. Toliko. Hvala.

ANA PEJIĆ

Zahvaljujem se.

S obzirom da nema više vijećničkih inicijativa, prelazimo na

Tačku dva dnevnog reda:

Osuda i odbacivanje namjere izgradnje državnog gasnog skladišta na području Tuzle

Pozivam vijećnika Mirnesa Ajanovića, na čiji prijedlog je ova tačka uvrštena u dnevni red današnje sjednice da da kratko uvodno izlaganje. Izvolite.

MIRNES AJANOVIĆ

Hvala predsjedavajuća. Pozdrav još jednom svima. Ovo je već prezentirano u javnosti. Bili smo svi svjedoci da se od strane određenih klubova u Parlamentarnoj skupštini Bosne i Hercegovine u Predstavničkom domu potpisala inicijativa da se ide što prije u realizaciju skladištenja državnog plina ili državnog skladišta na području grada Tuzle u prostoru Rudnika Tetima. I to su potpisali predsjednici klubova vladajućih stranaka. Reagovao sam na to i dao sam konkretne informacije, kritike, obrazložio sam zašto je to protivno, pa čak i zakon koji definiše rudarsku djelatnost gdje je zabranjena takva vrsta skladištenja u te prostore, koji su nastali nakon izluživanja soli, da je to direktna bezbjednost građanima, imovini, životnoj sredini, razvoj lokalne zajednice, upozorio sam na okolnost da je Tuzla svakako devastirana svim i svačim od HAK-a do rudarenja soli, uglja, podložna svim problemima, strahovali smo hoće puknuti HAK i slično. Evo sad trebamo da strahujemo hoće puknut Tetima. Dakle, imali bi još jednu vrstu bombe u Tuzli, bez obzira koliko je to relativno daleko ili nije. To je u Tuzli. Naselja su tu. Gornja Tuzla. S jedne strane imamo kampanju Milorada Dodika da eksploatiše litij na Majevidi. S druge strane eto Parlament Bosne i Hercegovine. Stranke odavdje iz Federacije koje hoće da nam poture gasnu bombu. Neko to zove tempirana. Nekad su neki odavdje iz Tuzle zvali i govorili prokleti bili svi koji to predlože, a sad su svi oni u tim koji su to predlagali. Apsurdno je malo evo da pokažemo malo kako nekad ljudi zaborave, haman kažu nešto ta Karaula ima problem u sebi, kad pređu preko te Karaule pa postanu tamo nekakvi poslanici, zaborave Tuzlu. Pa podsjetili smo ih. Pa da je i Vijeće 2007. godine, usvojilo više zaključaka, naravno i u tome sam učestvovao, odlučno odbacena svaka mogućnost da se ispod Tuzle uskladišti plin, a onda smo kad nije bilo dovoljno, 2016., usvojili Rezoluciju o odbijanju skladištenja prirodnog gasa u iskorištenim bušotinama soli na području grada Tuzla. Jednoglasno dali stav da neće od toga biti ništa. I opet ima. Evo opet se događa da se ponavlja. A onda se sad evo danas već pojavila informacija u javnosti da su ti svi koji su potpisali od onog Zvizdića i ostalih. Čudno jedno kako taj Denis Zvizdić svugdje može biti i u SDA i tam vam i gor i dol. Nevjerovatno. A čovjek se zahvalio jednom prilikom, što je kao državni predstavnik bio u glavnom gradu Turske, Istanbulu. Pa et. Mislim, svaka mu čast. Zvanično stoji u njegovom izvještaju. Ne zna čovjek da je to turistička destinacija, a ne glavni grad Turske. Ja.

Evo nekoliko zaključaka:

Gradsko vijeće najoštrije se protivi bilo kakvoj namjeri izgradnje skladišta prirodnog gasa na području grada Tuzle, uz obrazloženje da bi takav projekat ugrozio sigurnost građana i dodatno pogoršao ionako tešku ekološku i infrastrukturnu situaciju.

Gradsko vijeće Tuzla zahtjeva od Gradonačelnika i nadležnih službi da bez odlaganja zatraže zvanične informacije od institucija BiH o svim planiranim aktivnostima koje se odnose na projekat izgradnje gasnog skladišta na području Tuzle.

Gradsko vijeće Tuzla zahtjeva od Vijeća ministara BiH i Parlamentarne skupštine BiH da odmah obustave sve aktivnosti vezane za navedeni projekat kojim se Tuzla pretvara u gasni logor.

Gradsko vijeće Tuzla poziva sve građane, udruženja i stručnu javnost da iskažu svoj stav i uključe se u odbranu interesa lokalne zajednice, kako bi se spriječila implementacija projekta koji je suprotan javnom interesu i razvojnim ciljevima Grada.

Zaključci Gradskog vijeća Tuzla dostavit će se svim relevantnim institucijama na državnom, entitetskom i kantonalnom nivou, uz zahtjev za momentalno zaustavljanje svih radnji u vezi sa projektom gasnog skladišta u Tuzli.

Želim istaći da je gradonačelnik Tuzle javno...na svom profilu Facebook istakao da neće dozvoliti da Tuzla bude gasno skladište. Očito je da je i moja reakcija rezultirala evo danas i kolege iz SDA su isto planirale. Zakasnili su u roku, ali očito da je namjera svih nas da se suprostavimo. Evo sada i kolege iz SDP-a i ostalih stranaka. Danas na Kolegiju je ovo prihvaćeno kao jednoglasan stav. Dakle, već imamo faktički jednoglasnu odluku svih političkih stranaka u Gradskom vijeću Tuzla, odnosno predstavnika političkih stranaka, da Tuzla neće biti nikakav, dakle, sad depa bilo kakvog opasnog materijala i ovo je evo s moje strane dovoljno za diskusiju. Ostali će reći svoje. Hvala.

ANA PEJIĆ

Zahvaljujem se.

Otvaram raspravu klubova vijećnika.

Vijećnik Zlatan Mehmedović. Izvolite.

**ZLATAN MEHMEDOVIĆ – vijećnik SDP – Socijaldemokratske partije
Bosne i Hercegovine**

Uvažena predsjedavajuća, zamjenice predsjedavajuće, kolege vijećnici i vijećnice, dragi gosti, evo ja samo da iznesem stav ispred Kluba vijećnika Socijaldemokratske partije kojim jel se kategorično, ovaj, suprostavljamo skladištenju plina u Tuzli i povodom jel najava o izgradnji evo skladišta plina u Bosni i Hercegovini, Gradsko vijeće Tuzla, odnosno SDP u Gradskom vijeću Tuzla izražava i najoštrije protivljenje ovom projektu.

Evo mi podsjećamo jel i nadležne institucije i javnost da još 2016. godine, na inicijativu tadašnjeg gradonačelnika, Gradsko vijeće Tuzla je jednoglasno usvojilo Rezoluciju o odbijanju skladištenja prirodnog plina u iskorištenim komorama Rudnika soli Tetima. I ovom Rezolucijom su nadležne institucije i javnost upozorene da bi skladište plina ispod Tuzle jel bila tempirana bomba, koja bi mogla ugroziti živote, zdravlje i imovinu građana Tuzle. I danas gotovo deset godina kasnije naš stav ostaje nepromijenjen. I mislimo da Tuzla već decenijama snosi ogroman teret energetske proizvodnje za cijelu državu. To su rudnici uglja i soli, Termoelektrana, hemijska industrija. Industrija je decenijama ostavila takođe snažan i negativan uticaj na životnu sredinu, zdravlje i imovinu stanovnika. Zagađenje zraka, tla, vode, slijevanje tla, klizišta, šljacišta i devastirano zemljište.

S tim u vezi evo želim da predložim zaključke. Nisam siguran da li se neki uklapaju sa zaključcima, ovaj, kolege Ajanovića.

Prije svega, Gradsko vijeće Tuzla, predlažem da u potpunosti jel podrži Inicijativu poslanika u Predstavničkom domu Parlamentarne skupštine Bosne i Hercegovine te zatraži da Zastupnički dom Parlamentarne skupštine BiH u skladu sa članom 17. Zakona o Vijeću ministara Bosne i Hercegovine, zaduži Vijeće ministara Bosne i Hercegovine, da bez odlaganja usvoji izmjene i dopune Okvirne energetske strategije u Bosni i Hercegovini („Službeni glasnik Bosne i Hercegovine“, broj 70/18) i eventualno drugih dokumenata donesenih na osnovu Energetske strategije, na način da se iz navedenih dokumenata izostavi tj. izbriše gasovodni projekat „Podzemno skladište gasa Tetima s priključnim gasovodom Kladanj-Tuzla-Tetima“ i da se za namjenu skladištenja prirodnog gasa odabere lokalitet, koji neće ugrožavati živote, zdravlje i imovinu bilo koga u Bosni i Hercegovini.

Gradsko vijeće Tuzla traži da se zaduži Ministarstvo vanjske trgovine i ekonomskih odnosa Bosne i Hercegovine, da bez odlaganja pripremi izmjene i dopune Energetske strategije na gore opisani način i isti dostavi Vijeću ministara Bosne i Hercegovine.

I još jedan zaključak, gdje zahtjevamo od vlasti Federacije Bosne i Hercegovine i vlasti Tuzlanskog kantona da iz svih strateških dokumenata, bilo da su važeći ili u pripremi, briše gasovodni projekat „Podzemno skladište gasa Tetima s priključnim gasovodom Kladanj – Tuzla – Tetima“ kao opcija skladištenja gasa. Hvala.

ANA PEJIĆ

Zahvaljujem se. Za riječ se javio vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pa evo ja ću prvo se zahvalit, ovaj, Mirnesu što je predložio ovu tačku dnevnog reda, a dobro se Mirnes sjeća da smo mi veliku bitku vodili 2016. godine, kad je isto bio plan isti ovakav i da smo tad dobili čak ovaj sam ja radio peticiju građana Gornje Tuzle, hajd ne znam koliko skupljenih glasova protiv toga. I uspjeli smo tad. Mada smo i tad imali jedan lobi i to jaki lobi i to iz Tuzle koji je htio da se to uradi gore. To se ne radi. Nije to na Tetimi. To je u Gornjoj Tuzli. Samo kilometar od zadnjih kuća u Gornjoj Tuzli se nalaze bušotine. Te koje su završile svoj dio kad je u pitanju izvlačenja soli. I one su ostale sad prazne. U slučaju da se to uradi, nedaj Bože da se desi kakva katastrofa, Gornja Tuzla bi bila sva njevana sa zemljom. Naravno i Tetima. A da dalje bi se proširilo i na Simin Han, Slavinoviće i Gornju Tuzlu. Prema tome, jednom smo bitku dobili, zajedno Mirnese. Dobro se sjećaš. Bilo je preglasavanje. Jedva smo izglasali tad tu Rezoluciju. Sa 17 glasova, dobro se sjećam. Sa 17. Ostali su bili suzdržani. Neka se nađe u arhivi koji su to bili. Vjerovatno su bili u tom lobiju i vijećnici neki. I zato ova druga bitka je veoma važna da je dobijemo i nikad više da ne priča se o tome, o tom Rudniku. Da jednostavno stavimo rampu. Da nema više razgovora o tome. Za sva vremena. I za naše generacije koje dolaze, mi smo dužni da se pobrinemo da budu sigurni živjeti u gradu Tuzli. I naravno i ostalim prigradskim mjesnim zajednicama koje bi ovo obuhvatili. Hvala.

ANA PEJIĆ

Zahvaljujem se. Sljedeći za riječ javio se vijećnik Denis Bećirović. Izvolite. Zlatane, molim vas samo mikrofon isključite.

DENIS BEĆIROVIĆ

Hvala kolega Zlatane. Hvala kolega Mirnese. Kolega Aliću. Dakle, na istom tragu su i vijećnici Demokratske fronte. Evo danas ću u ime Kluba Demokratske fronte govoriti o ovome. Dakle, i mi smo protiv izgradnje podzemnog skladišta gasa na Tetimi, dakle, ja ću ovo sad reći kao mašinski inženjer, kao neko ko se razumije u spojeve, u pneumatske sisteme i tako dalje. Dakle, ova ideja da se skladišti gas na terenu koji već evidentno tone i koji je nestabilan je jedna izuzetna ludost i graniči dakle bukvalno sa ludosti, da izvinete na izrazu svi, ali nemam drugog termina kojega bih iskoristio da opišem nekoga ko želi na jedan teren koji tako reći radi, postaviti tako jedan osjetljiv sistem kao što je jel ovaj plinovod na kraju krajeva i skladištenje plinovoda, posebno u Rudniku soli, obzirom da znamo ili bi ovi koji su predlagali trebali znati šta slana, šta, šta, šta ta slana, onaj, materija može učiniti u tim spojevima, kako ih može oslabiti i kako su nestabilni na stabilnim uslovima, a ne pod zemljom i pri tome još određeni stepen vlage i svega.

Ono što sam pripremio danas je dakle jedan frapantan podatak. Naslanjajući se na ovo dakle deset velikih nesreća usljed curenja plina i skladišta u...skladištima u rudnicima soli, pa predsjedavajuća ako se slažete da iščitam, neću bit...neću vam oduzet (ANA PEJIĆ – Izvolite) previše vremena.

Dakle, godina 74-a, u Belgiji, eksplozija u skladištu plina zbog curenja, 12 mrtvih, 15 miliona Eura štete. 80-a godina, Poljska, eksplozija isto u Rudniku soli uzrokovana curenjem, 8 mrtvih, 10 miliona Eura štete. 81-a, u Japanu isto tako 14 mrtvih i nije izmjerena vrijednost štete. 90-a, Holandija, na svu sreću bez mrtvih, 3 miliona Eura štete. SAD, 92-a, usljed curenja metana, dakle, 11 mrtvih, 25 miliona Eura, odnosno dolara štete. Franuska, eksplozija u Rudniku soli zbog curenja plina, 5 mrtvih, 8 miliona Eura šteta. Njemačka, 2001., eksplozija u podzmenom skladištu plina, broj mrtvih 3, visina štete 7 miliona Eura. 2004. Teksas City, SAD, eksplozija i požar uzrokovan curenjem plina, 28 mrtvih i 140 miliona dolara štete. Zatim, Portugal 2010., 2017. Južna Koreja. U Portugalu 6, u Južnoj Koreji 9 mrtvih i 12 miliona Eura štete u Portugalu i 20 miliona dolara u Južnoj Koreji.

Osvrnut ću se na ovaj najveći 2004. Teksas City. Jedne prilike imao sam evo sad sreću da pregledam dokumentarac na Nacionalnoj geografiji. Dakle, usljed pojave galvanskih struja na kontaktnim spojevima između metala, između cjevovoda, dakle, jači materijal je doslovno pojeo onaj slabiji. Jači materijal je bio vodovodni, slabiji je bio ovaj materijal vezan za plinovod usljed čega je došlo do curenja plina i građani su osjetili curenje plina u kanizacionim sistemu, nakon čega su zvali određene službe. U pitanju su tad bili vatrogasci. Kada je vatrogasac podigao šaht i kada mu je ispao šaht, napravio je iskru i onda je 28 ljudi izgubilo život i ogromna materijalna šteta, bukvalno jedan kompletan kvart je iscurio. Sad kakve ovo veze ima? Ima veze, obzirom da se okvirna energetska strategija donosi u principu lomljenjem preko koljena dakle na jedan način koji nije ni metodološki, koji ne garantuje sigurnost. I ovo što su kolege navele, dakle, predstavlja veliku životnu opasnost i egzistencijalnu opasnost po sve građane Tuzle, dakle, nedo nam Bog dragi da nam ovo naprave, a kako su već kolege navele, dali smo rudnike, dobili smo HAK, dobili smo Termoelektranu, finansije su otišle u Sarajevo. Nama su odskora počeli tih po 5 miliona maraka slat, tako reći, mrvice i nemamo efekta ništa osim zagađenja, sumpora, NOx-a, šljakišta, a opet je evo neko došao na tu zlobnu ideju da Tuzlu opteretiti s ovim.

Dakle, Klub Demokratske fronte i evo poznato je da je profesor Begić, dakle, zastupnik u Državnom parlamentu, prvi reagovao na ovu stvar i digao, digao buru. I evo drago mi je da su i neke kolege promijenile mišljenje u tom istom Parlamentu i da ćemo staviti jednom za sva vremena kraj.

S druge strane htio bih da dopunim dakle sa jednim zaključkom, ukoliko evo Vijeće ministara i Vlada Federacije imaju dobre namjere prema Tuzli umjesto skladištenja plina,

predlažem sljedeće projekte: autoput Tuzla-Orašje, elektrifikacija željeznica na području Tuzle i Tuzlanskog kantona, brza cesta Zvornik-Tuzla-Doboj, ILS CAT III na Međunarodnom aerodromu Tuzla, petlja Šićki Brod završetak, produžetak južne magistrale, te adaptacija i rekonstrukcija M18 i M4 magistralnih puteva. Hvala.

ANA PEJIĆ

Zahvaljujem se. Sljedeći za riječ javio se vijećnik Senad Mehmedinović. Izvolite.

SENAD MEHMEDINOVIĆ

Poštovana predsjedavajuća, zamjenice, kolege vijećnici, predstavnici službi, medija, sve vas srdačno pozdravljam.

Ovo je šokantno što smo mi imali priliku da vidimo gore u državnom parlamentu, odnosno o inicijativi. Ne znam jel šokantnije ili politički luđe da oni koji su potpisali i inicirali da bude gasno skladište u Tuzli, sad imamo njihovu inicijativu za koju kažu da oni nisu za to. Žao mi je što su ti ljudi koji su neki sa područja Tuzlanskog kantona, prvenstveno inicirali ovako nešto i ne da je to samo rizično za Tuzlu, u najmanju ruku je i nepromišljeno. Umjesto da nam se šalje poruka iz Sarajeva, iz Parlamenta, o brznoj cesti Tuzla-Orašje, koja je sjeverna veza i Tuzlanskog kantona i Tuzle, sa koridorom 5C i EU tržište, mjesto da nam se šalje poruka o izgradnji brze ceste prema Sarajevu, mi dobijemo nešto što na kraju krajeva, pazite, to je zamišljeno da se mi i ne pitamo. Neko bi gor sjeo, inicirao, izvolite Tuzla i tuzlaci, izvolite plin. Ja mislim da svi ovdje vijećnici koji sjede neće to dopustiti nikad. I drago mi je kada su opći interesi u pitanju i kad je opšte dobro o kojem smo kolega Mensur i ja jutros malo razgovarali, da nema opozicije i pozicije. Dakle, nama je Tuzla na prvom mjestu i drago mi je što smo saglasni oko tih stvari. Politički stavovi su nešto sasvim drugo. Tuzla, neka se neko malo provoza. Nije nepoznato slijeganje zgrada. Znači, provoza se kroz Tuzlu i vidimo te probleme. Podzemne šupljine. Nestabilno tlo, zato što mi ovdje imamo takozvano rudarsko nasljeđe. Mislim da ovo ako treba da bude kapitalni projekat države Bosne i Hercegovine, mora se ozbiljnije pristupiti i naći one zone koje su stabilnije, takozvane geološke zone neopterećene rudarskim nasljeđem.

Tuzla ne smije i neće definitivno biti eksperimentalni prostor za rizične projekte. Nezavisna lista to osuđuje i u potpunosti podržavamo ovaj prijedlog osude i odbacivanja namjere izgradnje državnog gasnog skladišta na području Tuzle. Hvala.

ANA PEJIĆ

Zahvaljujem se. Sljedeći za riječ javio se vijećnik Šefik Husić. Izvolite.

ŠEFIK HUSIĆ

Evo ja bih prije svega da vas sve pozdravim. I drago mi je kao što su prethodnici rekli onaj da smo svi saglasni da ovo nije dobro za građane Tuzle, za sve nas, sveukupno. Međutim, evo ovdje se priča da je od 2007. godine, kako, onaj, kolega Mensur kaže, stalno su vođene povremeno diskusije o tome da se, insistiralo se da se naprave rezervoari za ukapljavanje plina i da se tome odolijevalo.

Takođe, Klub Stranke demokratske akcije zastupa stav da mi tu trebamo staviti tačku, onaj i da se jednom za sva vremena znači završi ta priča. Mi smo bili svjedoci, oni vijećnici koji su bili u prethodnom sazivu, 22-e godine isto pred Opšte izbore, imali smo istu aktualizaciju i pokušaj onaj da se ova ideja sprovede, a onda smo u jednoj pauzi kad smo ovdje

otprilike približili stavove i onaj kad ćemo jednoglasno se oduprijet znači toj ideji, imali smo jednu pauzu, a onda su me neke kolege pozvali na kafu ovdje u jedan od obližnjih kafića, gdje nas je dočekao jedan od bivših načelnika grada, koji nas je ubjeđivao o tome da je to dobro, da to treba da se uradi. Međutim, 2019. godine, sa istim tim bivšim načelnikom grada onaj sam razgovarao u jednom neoficijelnom razgovoru. Ispričao mi je da su rudnici zapravo crpljeni etažno i da tu ne postoji mogućnost dalje eksploatacije. A onda odjednom taj dan se pojavila priča da treba da postoji uslov za ukapljavanje, a taj uslov je zapravo da se napravi loptasti, znači, oblik unutar rudnika, starih rudnika soli i da tek tad se može zpravo obezbijediti taj prostor kao rezervoar za skladištenje gasa. Ja sam tad šutio i vidio sam da to ide da se ta saglasnost Vijeća koja se tad zapravo sakupila jednoglasno, da se odoli znači onaj tom još jednom napadu. Upitao sam samo znači koliko bi koštala ta investicija i postoje li stručnjaci koji mogu garantovati da je to stabilno i tako. Taj bivši načelnik je tad rekao da je to investicija za jedan rezervoar kojih treba da bude u nizu pet ili šest. Da je investicija znači cirka 60 miliona maraka i da to može raditi neka Poljska firma. A onda sam ga ja upitao onaj obzirom da smo nekad vodili 19-e godine taj neoficijelan razgovor šta bi sad da se više to ne može onaj koristiti, obzirom da je u etažnom smislu, onaj, kako struka kaže eksploatisano. Kaže, može sve novac, onaj, to sve može riješiti. To su i tad bila ogromna sredstva. I danas su ogromna sredstva. Tako da mislim da ovo sve znači i da postoje nekakvi pritisci tih viših sila da se to uradi je neizvodivo na tom prostoru i zbog ovoga što je kolega Denis spomenuo, znači, zbog pojave galvanskih struja, zbog nestabilnosti samog tla i mislim da je to nešto što ljudi koji su radili na državnom nivou i pokrenuli ponovo cijelu tu priču, da je to neutemeljena priča i da oni očigledno ne znaju o čemu onaj odlučuju zapravo. Nisu konsultovali struku. To je jako opasno.

I još jedno ću samo reći, znači, da tad prilikom tog razgovora od prije nekoliko godina kad smo 22-e, kad smo ubjeđivani od strane tog našeg sugrađanina, onaj rečeno je, pitali smo šta ako slučajno, ja sam postavio mu direktno to pitanje, ako slučajno nešto uzrokuje eksploziju, ko će odgovarati za onaj eventualne žrtve katastrofe i tako dalje? Rekao mi je, pa tamo su Lopare. Tamo su kaže Srbi. Ko nebitno je. Ja sam mu samo rekao tad. Pa vidite, to su ljudi. Tamo su ljudi.

Ovo sam imao potrebu da kažem iz razloga što očigledno da svih ovih godina i ovo što je potvrdio kolega Mensur Alić, znači, postoje nekakvi lični interesi u sprovođenju svega toga. Ja apelujem evo na sve nas ovdje da mi uradimo sve ono što je u našoj moći. Da mi od danas, znači i u narednom periodu pokažemo, znači, jedinstvo u toj odluci da ovdje nikad više ne treba da se spomene apsolutno ideja o skladištenju onaj bilo kakvog gasa.

Što se tiče znači stava Kluba Stranke demokratske akcije, mi to nećemo podržati nikad i ni u ludilu. Hvala.

ANA PEJIĆ

Zahvaljujem se. Sljedeći za riječ javio se vijećnik Emir Šahović. Izvolite.

EMIR ŠAHOVIĆ – vijećnik Pokreta demokratske akcije - PDA

Pozdrav svima. Hvala predsjedavajuća. Pozdrav vama, sekretaru Gradskog vijeća, dopredsjedavajućem, kolegicama i kolegama.

Pokret demokratske akcije je nastao i u kor našeg programa je zaštita interesa Tuzlanskog kantona. Meni je drago evo konkretno što je kolega Mensur rekao da je u prošloj odluci bilo 17 vijećnika koji su glasali. Evo već po ovim diskusijama koje smo čuli dosad, nadam se da ćemo danas jednoglasno donijeti sve ove zaključke i hvala kolegi Mirnesu koji redovno prati probleme i predlaže nam dopune dnevnog reda za svaku sjednicu čisto da zaštitimo interese Tuzle, jer mi kao vijećnici u Gradskom vijeću smo odgovorni za sve tuzlake

i drago mi je što je ovakav saziv Gradskog vijeća koji jeste i koji osjeća odgovornost prema svim građanima Tuzle bez obzira kao što je kolega Senad rekao, na bilo kakve političke stavove. Svi imamo jedan zajednički stav, a to je zaštita Tuzle.

Tuzlanski kanton je već tri decenije, bar u ovoj skorijoj historiji dovoljno plaćao cijenu i energetskog sektora i rada rudnika i Termoelektrane. Mi kao grad Tuzla znamo najbolje da i dan danas plaćamo cijenu i loše ekologije i svega da bi država imala benefite od toga i nemamo problem sa time i navikli smo da živimo sa time. Sa svim ovim novim odlukama naravno da imamo problem i evo kao Klub Pokreta demokratske akcije, jasno tvrdim i mogu reći da Tuzla što se nas tiče neće nikada biti ničije skladište nikakvog ni plina ni otpada. Dosta smo dali i drago mi je što imamo ovaj zajednički stav i nadam se da ćemo tako i istrajati i definitivno Pokret demokratske akcije podržava ovaj stav. Hvala.

ANA PEJIĆ

Zahvaljujem se. Sljedeći za riječ javio se vijećnik Mirza Malkočević. Izvolite.

MIRZA MALKOČEVIĆ

Hvala predsjedavajuća. Evo ja ću bit kratak pošto su kolege već gotovo sve i rekle, ovaj, drago mi je prije svega da smo svi, barem evo zasad kako vidim jednoglasni, da smo protiv te odluke, tako da Narod i pravda će podržati ovu Mirnesovu inicijativu i bit će protiv bilo kakvog skladištenja gasa u Tuzli. I Mensurovo. Naravno. Hvala.

ANA PEJIĆ

Zahvaljujem se. Da li se još neko javlja ispred klubova vijećnika?

Zaključujem diskusiju klubova vijećnika.

Otvaram raspravu vijećnika.

Za riječ se javila vijećnica Svjetlana Kakeš. Izvolite.

SVJETLANA KAKEŠ

Hvala predsjedavajuća. Pa evo meni je stvarno ovaj drago, kao i ostalim kolegama, kolegicama vijećnicima što zaista vidimo da smo jednoglasni što se ovog tiče. To je jako važno, jer podsjetila bi da je Rezolucija koju smo ovdje svi spominjali iz 2016. donesena iz razloga što tadašnji viši orani vlasti nisu poštovali zaključke tadašnjeg Općinskog vijeća iz 2007. godine, kada je Vijeće odbilo zahtjev Ministarstva energetike, industrije i rudarstva TK-a da se omogući BH Gasu da oformi skladište na lokaciji Tetima. Pa zatim, to je znači bila 2009. Pa je onda 2007. I pored toga što se usprotivilo Općinsko vijeće, Parlament Federacije Bosne i Hercegovine 2009. prosljeđuje Odluku o davanju saglasnosti na izgradnju skladišta plina u Tuzli bez znanja i uprkos protivljenju Općinskog vijeća. Zatim, 2017. donesena okvirna federalna strategija razvoja energetike u kojoj takođe stoji ovaj projekat. Pa 2018. ova okvirna energetska strategija Vijeća ministara, koja je sve ovo sad i na neki način ponovo inicirala. A ja bih napome...znači, ništa od onog našeg dosadašnjeg što je Gradsko općinsko vijeće, ovaj, i gradske vlasti Grada Tuzle reagovalo nije baš urodilo plodom. Al moguće baš iz ovog razloga koji je vijećnik Mensur...Mensur Alić spominjao, što nije bila neka, nije bilo jednoglasno. Nisu sve možda ni partije to podržale.

Mene sad, ohrabrenje da će ovo, ovaj apel sada uspjjet, daje činjenica prvo da su u Državnom parlamentu inicijativu koje je pokrenuo poslanik Jasmin Imamović, potpisali poslanici iz svih stranaka koji dolaze sa ovog područja, pa je potpisao čak i predsjedavajući,

koji je i stavio tu tačku na dnevni red, predsjedavajući Denis Zvizdić. Mislim da mi ja...napomenula bih da i u zahvalna sam i što je kolega Mehmedović spomenuo i razvojne dokumente i federacije i kantona. Već sam rekla da se u strategiji Energetike Federacije nalazi ovaj projekat, ali i u Nacrtu prostornog plana TK-a, koji je sad u formi javne rasprave. Nadam se da ćemo i mi imat ovdje priliku ovaj o njemu da raspravljamo. Na strani 174 se takođe, doduše malo stidljivo, vjerovatno svjesni pošto s ovih terena dolaze, ali se citira da se ovaj projekat nalazi u okvirnoj strategiji BiH, kao jedan od planiranih projekata i da će se raspravljat kao o nekim tim, da taj projekat može bit razmatran kao uslovno. Ja smatram i vjerujem da ćemo mi odavdje reagovati i kad budemo raspravljali o Nacrtu prostornog plana TK-a da ne smije to ni kao uslovno da stoji, ni u kakvom strateškom dokumentu, ni Tuzlanskog kantona, ni Federacije, a evo već smo se svi izjasnili o dokumentima Vijeća ministara odnosno države BiH.

Kako bi možda postigli veći uticaj nego što imajući ovo sve prethodno iskustvo, ja predlažem, pošto se državni poslanici već organizovali i već su svi dovoljno uključeni u ovo, da se naši zaključci sa ovog, sa ove sjednice Gradskog vijeća pošalju osim Parlamentu i Vladi Federacije, da se poimence pošalju i svim poslanicima u Parlamentu Federacije, koji dolaze sa prostora Tuzle i Tuzlanskog kantona. A smatram da nema potrebe, a ako vi smatrate može i poslanicima u Skupštini TK-a, al mislim da su oni već ovaj s obzirom da su tu na našim prostorima i dovoljno obaviješteni. Eto. Toliko od mene.

ANA PEJIĆ

Zahvaljujem se. Da li se još neko javlja za diskusiju vijećnika? Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ja predlažem da zaključak jedan, a to je da ako se nastavi dalje ozbiljna priča oko ovog projekta, da mi ovaj ćemo početi skupljat peticiju građana Tuzle, jer ovo dosad Svjetlana što o čemu si govorila, da su nas stalno, al smo bili podijeljeni. Sad smo ujedinjeni. I zato bi, predlažem ovaj zaključak da ćemo pokrenuti ako se nastavi dalje peticiju građana, a naravno ako i to ne uspije, da ćemo praviti ovaj i demonstracije koje je dozvoljeno demokratskim putem. Hvala.

ANA PEJIĆ

Zahvaljujem se. Vijećnik Denis Bećirović. Izvolite.

DENIS BEĆIROVIĆ

Hvala podpredsjedavajuća ako se slažete dopuna ovaj i vašeg zaključka. Slažem sa njim apsolutno. Dakle, ukoliko ovo krene dalje uz peticiju građana, da peticiju predvode predstavnici svih nivoa vlasti koji dolaze sa Tuzlanskog kantona, Tuzle, a učestvuju u višim niovima vlasti, ne samo dakle federalnih, državnih, Vijeće ministara, Federalni parlament i Vlada Federacije BiH, nego i ovdje u Tuzlanskom kantonu, dakle, obzirom da imamo i imat ćemo vjerovatno priliku da za julsku sjednicu razgovaramo i o ovom prijedlogu koji dolazi sa Kantona koji takođe treba eliminirat u startu.

ANA PEJIĆ

Zahvaljujem se. Obzirom da nema više prijavljenih vijećnika za diskusiju, zaključujem diskusiju vijećnika i dajem samo pauzu 5 minuta da može Slađana zaključke pripremit kako treba. (Pauza).

Nastavljamo sa radom sjednice.

Molim vas da samo se vratite na svoja mjesta.

Nastavljamo sa radom sjednice. Molim vas bez galame.

Nastavljamo sa radom sjednice.

Zamolit ću sekretara Gradskog vijeća da pročita zaključke koji su proistekli iz diskusija, pa samo da vas pitam, da li ste saglasni da glasamo u paketu o svim zaključcima? U redu. Izvolite Slađana.

SLAĐANA KRAJINA – sekretar Gradskog vijeća Tuzla

Hvala.

- Gradsko vijeće Tuzla podsjeća sve relevantne institucije kao i javnost da je ovo Vijeće, na svojoj sjednici održanoj 25.02.2016. godine usvojilo Rezoluciju o odbijanju skladištenja prirodnog gasa u iskorištenim komorama Rudnika soli „Tetima“ („Službeni glasnik Grada Tuzla“, broj 02/16), kojom su tadašnji gradonačelnik Grada Tuzle Jasmin Imamović i Gradsko vijeće Tuzla odlučno odbili sve namjere, da se na području Tuzle locira skladište za smještaj prirodnog gasa ili drugih potencijalno opasnih materija, bez obzira na rezultate...

ANA PEJIĆ

Izvolite. Poslovnička. Vijećnik Mirnes Ajanović.

MIRNES AJANOVIĆ

Poslovnička. Ja se ne slažem da stoji na početku Rezolucija Jasmin Imamović. On je šutio. Nisam htio da ulazim u ovo. Dok se ovaj proces sprovodio protiv grada Tuzla. Tek kad je prozvan, počeo se javljat. Protiv sam. (SLAĐANA KRAJINA – Tadašnji gradonačelnik. Jel to?). Ma neću nikako. Nisam htio da ulazim u tu priču. Dok mi nismo reagovali, šutio je. Radio je protiv Tuzle. (SLAĐANA KRAJINA – Onda nek stoji Gradsko vijeće). I ni u kakvom smislu ne želim da ga vežemo u ovaj naš dio borbe za grad (ANA PEJIĆ – Gradsko vijeće samo da stoji). Gradsko vijeće da stoji bez ovih stvari (ANA PEJIĆ – U redu). Da nismo se javili i dalje bi šutio.

ANA PEJIĆ

U redu. Izvolite. Nastavite Slađana.

SLAĐANA KRAJINA – sekretar Gradskog vijeća Tuzla

Znači, usvojilo Rezoluciju o odbijanju skladištenja prirodnog gasa u iskorištenim komorama Rudnika soli „Tetima“ („Službeni glasnik Grada Tuzla“, broj 02/16), Gradsko vijeće Tuzla odlučno odbilo sve namjere, da se na području Tuzle locira skladište za smještaj prirodnog gasa ili drugih potencijalno opasnih materija, bez obzira na rezultate bilo kakvih analiza. Navedena Rezolucija je donesena iz razloga što tadašnji viši organi vlasti nisu

poštovali zaključke donesene od strane nekadašnjeg Općinskog vijeća Tuzla koje je na svojoj sjednici, održanoj 24.01.2007. godine, odbilo Zahtjev Ministarstva energetike, industrije i rudarstva TK-a da se omogući "BH Gasu" da oformi skladište za smještaj prirodnog gasa na lokaciji Tetima ili smještaj bilo kakve druge potencijalno opasne materije

- Gradsko vijeće Tuzla najoštrije se protivi bilo kakvoj namjeri izgradnje skladišta prirodnog gasa na području grada Tuzle, uz obrazloženje da bi takav projekat ugrozio sigurnost građana i dodatno pogoršao ionako tešku ekološku i infrastrukturnu situaciju.

- Gradsko vijeće Tuzla zahtjeva od Gradonačelnika i nadležnih službi da bez odlaganja zatraže zvanične informacije od institucija Bosne i Hercegovine o svim planiranim aktivnostima koje se odnose na projekat izgradnje gasnog skladišta na području Tuzle.

- Gradsko vijeće Tuzla zahtjeva od Vijeća ministara Bosne i Hercegovine i Parlamentarne skupštine Bosne i Hercegovine da odmah obustave sve aktivnosti vezane za navedeni projekat kojim se Tuzla pretvara u gasni logor.

- Gradsko vijeće Tuzla poziva sve građane, udruženja i stručnu javnost da iskažu svoj stav i uključe se u odbranu interesa lokalne zajednice, kako bi se spriječila implementacija projekta koji je suprotan javnom interesu i razvojnim ciljevima Grada.

- Gradsko vijeće Tuzla u potpunosti podržava Inicijativu poslanika u Predstavničkom domu Parlamentarne skupštine Bosne i Hercegovine te traži da Zastupnički dom Parlamentarne skupštine Bosne i Hercegovine u skladu sa članom 17. Zakona o Vijeću ministara Bosne i Hercegovine („Službeni glasnik Bosne i Hercegovine“, broj 38/02, 30/03, 42/03, 81/06, 76/07, 81/07, 94/07 i 24/08), zaduži Vijeće ministara Bosne i Hercegovine, da BEZ ODLAGANJA usvoji izmjene i dopune Okvirne energetske strategije u Bosni i Hercegovini („Službeni glasnik Bosne i Hercegovine“, broj 70/18) i eventualno drugih dokumenata donesenih na osnovu Energetske strategije, na način da se iz navedenih dokumenata izostavi tj. izbriše gasovodni projekat „Podzemno skladište gasa Tetima s priključnim gasovodom Kladanj-Tuzla-Tetima“ i da se za namjenu skladištenja prirodnog gasa odabere lokalitet, koji NEĆE ugrožavati živote, zdravlje i imovinu bilo koga u Bosni i Hercegovini.

- Gradsko vijeće Tuzla takođe traži da se zaduži Ministarstvo vanjske trgovine i ekonomskih odnosa Bosne i Hercegovine, da BEZ ODLAGANJA pripremi izmjene i dopune Energetske strategije na gore opisani način i isti dostavi Vijeću ministara Bosne i Hercegovine.

- Gradsko vijeće Tuzla takođe zahtjeva od vlasti Federacije Bosne i Hercegovine i vlasti Tuzlanskog kantona da iz svih strateških dokumenata, bilo da su važeći ili u pripremi, briše gasovodni projekat „Podzemno skladište gasa Tetima s priključnim gasovodom Kladanj – Tuzla – Tetima“ kao opcija skladištenja gasa.

- Gradsko vijeće Tuzla predlaže da se umjesto projekta skladištenja plina aktivnosti usmjere na realizaciju sljedećih projekata: autoput Tuzla-Orašje, elektrifikacija željeznica, brza cesta Tuzla-Zvornik-Tuzla-Doboj, dobijanje ILS CAT III sistema za navigiranje aviona na Međunarodnom aerodromu Tuzla, petlja Šićki Brod, adaptacija i rekonstrukcija magistralnih puteva M18 i M4, produžetak južne magistrale.

- Zaključci Gradskog vijeća Tuzla dostavit će se svim relevantnim institucijama na državnom, entitetskom i kantonalnom nivou, uz zahtjev za momentalno zaustavljanje svih radnji u vezi s projektom gasnog skladišta u Tuzli.

- Zaključci sa današnje sjednice Gradskog vijeća Tuzla će se takođe dostaviti i svim zastupnicima i poslanicima na višim nivoima vlasti koji dolaze iz Tuzle i iz Tuzlanskog kantona (putem Stručnih službi ovih organa).

- Ako se nastave dalje aktivnosti, Gradsko vijeće Tuzla će pokrenuti potpisivanje peticije građana koju će, na prijedlog Gradskog vijeća, predvoditi poslanici i zastupnici koji dolaze iz Tuzle i Tuzlanskog kantona kao i upotrijebiti sva ostala zakonom dozvoljena sredstva.

I uz ove zaključke možda kao prilog zaključke sa sjednice Vijeće 2007. godine i Rezoluciju Gradskog vijeća Tuzla o odbijanju skladištenja prirodnog gasa u iskorištenim komorama Rudnika soli Tetima.

ANA PEJIĆ

Stavljam na izjašnjavanje pročitane zaključke.
Glasanje je okončano.
Evo samo da glasanje...Izvolite.

ŠEFIK HUSIĆ

Znači, molim vas da pozovete sve vijećnike na Poslovnik da moraju prisustvovati u sali, znači, dok donosimo jednu ovakvu bitnu, odnosno dok usvajamo bitne, bitne zaključke.

ANA PEJIĆ

Možete samo Enisa vidjeti ko od vijećnika nije u sali? Omer Berbić. Samo da vidite ako je tamo da uđe. (MIRNES AJANOVIĆ – Poslovnička). Može. Izvolite.

MIRNES AJANOVIĆ

Ma bilo bi, ovaj prijedlog kolege je osnovan da bi dobili jednoglasnost. Jedna stranka ovdje nije prisutna, a koja je inicijator ovog prijedloga da Tuzla bude skladište plina (ANA PEJIĆ - Apsolutno. Evo sad ćemo vidjet). Tako da bi dobro bilo da imamo i stav te stranke, da ne bude sutra mi jednoglasni, a jedni nisu.

ANA PEJIĆ

Nije tu. Možda da nije tu, mislim, evo ne znam.

SLADANA KRAJINA – sekretar Gradskog vijeća Tuzla

Samo malo. Poslovnička obaveza je samo da vijećnici koji su u sali moraju glasati, a mislim ne možemo nikog natjerati da uđe u salu.

ANA PEJIĆ

Glasanje je okončano.
Konstatujem da su pročitani zaključci usvojeni sa,
27 glasova za, nije bilo protiv i nije bilo suzdržanih.

Sada dajem pauzu od 30 minuta. (Pauza).

Nastavljamo sa radom Vijeća. Molim vas samo za tišinu malo.

Tačka tri:

Razmatranje i usvajanje:

a) Regulacionog plana stambeno-poslovne zone „Kreka jug“ – II faza u Tuzli

b) Odluke o provođenju Regulacionog plana stambeno-poslovne zone „Kreka jug“ – II faza u Tuzli

c) Odluke o usvajanju Regulacionog plana stambeno-poslovne zone „Kreka jug“ – II faza u Tuzli

Predlagač: gradonačelnik Grada Tuzla

Obrađivač: Služba za prostorno uređenje i zaštitu okoline i UO Zavod za urbanizam

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija? (Nema).

Otvaram raspravu klubova vijećnika.

Vijećnik Senad Mehmedinović. Izvolite.

SENAD MEHMEDINOVIĆ

Naravno da su regulacioni planovi veoma bitni dokumenti za Grad Tuzlu iz kojih možemo da vidimo šta je planirano da se radi, a naravno imamo regulacionih planova koji su samo ostali na papiru regulacioni planovi nije dakle ništa nije urađeno. Drago mi je što je bila ova javna rasprava i moglo se vidjet da je bio odziv građana po pitanju Regulacionog plana. Međutim, ovdje ja mislim da smo čak imali jednom prijedlog zaključka, a kada je riječ, što često volimo da govorimo o inkluzivnosti grada Tuzle. Nije inkluzivnost grada Tuzle na jednom pješačkom prelazu staviti taktilnu liniju vođenja za slijepa i slabovidna lica, jer to nije onaj estetska uloga, treba da bude funkcionalna uloga. Zašto ovo govorim? Govorim da u ovom dokumentu koji smo dobili da nema jasno naznačene mjere koja se odnosi za pristupačnost za osobe sa invaliditetom, a mislim da smo u nekoj od proteklih sjednica Gradskog vijeća upravo usvojili zaključak, ako se ne varam vezano za usklađivanje pristupačnosti za osobe sa invaliditetom i donošenje određenih akata.

S toga, iako je ovo već pripremljen materijal, evo za ubuduće, ja bi predložio dva zaključka, a to je: da se zadužuju nadležne službe Gradske uprave da prilikom izrade i donošenja svih budućih regulacionih i urbanističkih planova na području grada Tuzle obavezno osiguraju primjenu Uredbe o prostornim standardima, urbanističko - tehničkim uvjetima i normativima za sprječavanje stvaranja arhitektonskih barijera ("Službene novine Federacije, 39/14) i da se u fazi javne rasprave za svaki plan jasno prikažu predviđene mjere pristupačnosti u skladu sa važećom regulativom.

Dakle, ako radimo na inkluzivnosti našeg grada, hajde da ono što će se u budućnosti graditi, da to bude građeno prema principima univerzalnog dizajna. A principi univerzalnog dizajna nam u stvari govore da oni objekti koji budu građeni, da budu pristupačni za osobe različite vrste i stepena invalidnosti i upravo kroz ove bitne akte...kao što je Regulacioni plan i kad se ugradi zaključkom ovo, ubuduće sve što se bude radilo treba da bude bazirano na ovoj Uredbi u kojoj je jasno napisano kako i na koji način se treba šta da prilagodi za, između ostalog, evo neometano kretanje populaciji osoba sa invaliditetom za slijepa, za slabovidna i tako dalje i tako dalje. I s ovim mi potvrđujemo funkcionalnu ulogu inkluzivnosti, a ne estetsku ulogu koja je totalno nebitna kada je u pitanju inkluzivnost grada Tuzle. Hvala ljepo.

ANA PEJIĆ

Zahvaljujem se. Da li se još neko javlja ispred klubova vijećnika?
 Zaključujem raspravu klubova vijećnika.
 Otvaram raspravu vijećnika.
 Vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo ja bih htio postaviti par pitanja, pa da mi se odgovori. Da li dakle, za ovaj prijedlog konkretan postoji saglasnost Rudnika Kreka za građenje, obzirom da se lokacija nalazi na rudnom polju, te da li su riješeni pravno imovinski odnosi sa vlasnicima privatnih parcela? Na trećoj mapi ovdje, dakle, vidimo da nedostaje saglasnost Rudnika Kreka za ove stvari, onda ne vidim na koji način mi možemo jedan ovakav dokument izglasati danas bez da imamo saglasnost onoga čije je zemljište. Može bit dakle dva slučaja da nije navedeno ili da ga ja nisam vidio ovdje ili treći da ga nema. Pa evo volio bi da mi se ovo obrazloži. Ukoliko nema saglasnosti, onda predlažem da povučemo materijal kao nepotpun.

ANA PEJIĆ

Zahvaljujem se. Da li se još neko javlja od vijećnika?
 Zamolit ću gospodina Fahrudina Delića, pomoćnik gradonačelnika za prostorno uređenje i zaštitu okoline, da odgovori samo na pitanja vijećnika Bećirovića.

**FAHRUDIN DELIĆ – pomoćnik gradonačelnika za
 Službu za prostorno uređenje i zaštitu okoline**

Gospodo predsjedavajuća, dame i gospodo vijećnici, poštovane kolege. Što se tiče imovinskog stanja, moram gospodinu Bećiroviću odgovoriti. Nije vlasnik Rudnik na cijeloj površini. Postoje četiri vlasnika na obuhvatu ovog Regulacionog plana. To su INZIO, Servis i remont, čini mi se, Grad Tuzla i Elektroprivreda. Saglasnost Rudnika se prikuplja zbog podzemne eksploatacije, a Rudnik nama...ne daje institucijama tu saglasnost, nego daje privatnicima. Na konkretnoj lokaciji otprilike 60% površine lokacije postoji saglasnost, tako da se ne sikirate što se... (vijećnik Denis Bećirović govori bez uključenog mikrofona op.a.). Nije vlasnik. (ANA PEJIĆ – Samo mikrofoni Denise. Molim vas, samo mikrofoni. Evo sad može).

DENIS BEĆIROVIĆ

Ovako. Dakle, imamo Regulacioni plan, ovdje dakle, treća A3 karta. Dakle, objekti koji su ucrtani na ovom tlocrtu ovdje, dakle, imamo ucrtan plavi kvadratić i crveni trokutić. I kaže ovako. Potrebna saglasnost Rudnika Kreka Tuzla da se može graditi objekat u granicama stam...starog eksploatacionog polja uglja. I drugi je dakle ovaj crveni trougao. Uslov utvrđivanja stanja masiva iznad stranih rudarskih radova sa rudarsko – geološko – geomehaničkog aspekta. Samo da mi to pojasnite i u redu je. I koji su to vlasnici u pitanju? Jel to privatno vlasništvo, jer nije navedeno ili ga ja nisam našao?

**FAHRUDIN DELIĆ – pomoćnik gradonačelnika za
Službu za prostorno uređenje i zaštitu okoline**

Znači, što se tiče imovinskog stanja, to je uglavnom privatno vlasništvo. Jedna parcela gdje je Vatrogasni dom je u vlasništvu Grada Tuzla. Dio lokacije u vlasništvu Elektroprivrede, dio je u vlasništvu Instituta INZIO i jedan dio je Servis i remont Tuzla. Znači, privatno vlasništvo tih firmi.

Što se tiče podzemne eksploatacije, za izdavanje urbanističke saglasnosti, tražit će se posebni elaborati, a to je geomehanika, geofizika, znači, sve i u tom izdavanju urbanističke saglasnosti traži se saglasnost Rudnika za svaki pojedinačni objekat koji se nalazi na tom Regulacionom planu, ako su objekti planirani za gradnju iznad starih rudarskih radova. I to je po Zakonu o rudarstvu obaveza naša. I zato to piše u Regulacionom planu. (vijećnik Denis Bećirović govori bez uključenog mikrofona op.a.).

ANA PEJIĆ

Mikrofon samo molim vas. (MENSUR ALIĆ – Samo da ja. Momenat samo. Poslovnička). Može samo poslovnička. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ja bih vas zamolio ubuduće, ovaj, kada obrađivač izađe, dopustite mu da odgovori na pitanja, a poslije toga ako niste zadovoljni, postavljate mu kontra pitanje. Nemojte ulaziti u dijalog sa ovaj obrađivačem i vijećnici. Ja bi vas zamolio, dosad smo tako radili uvijek i to je poštovanje prema obrađivaču. Hvala.

ANA PEJIĆ

Zahvaljujem se. Denise, jeste vi počeli još jedno pi...(DENIS BEĆIROVIĆ – Odustajem). Odustajete. U redu. Hvala vam gospodine Fahrudine.

Da li se još neko javlja od vijećnika za diskusiju?

Zaključujem diskusiju vijećnika, te stavljam na izjašnjavanje: Regulacioni plan stambeno-poslovne zone „Kreka jug“ – II faza u Tuzli

b) Odluke o provođenju Regulacionog plana stambeno-poslovne zone „Kreka jug“ – II faza u Tuzli

c) Odluke o usvajanju Regulacionog plana stambeno-poslovne zone „Kreka jug“ – II faza u Tuzli, te vas molim da se izjasnite.

Glasanje je okončano.

Konstatujem da su Regulacioni plan i pročitane odluke usvojeni sa,
27 glasova za, 1 protiv i nije bilo suzdržanih.

Imamo, evo, samo zamolit ću sekretara da pročita zaključke koji su proistekli iz diskusije.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od Službe za prostorno uređenje i zaštitu okoline i od Upravne organizacije Zavod za urbanizam da prilikom izrade svih budućih prostornih

regulacionih planova za područje grada Tuzle, obavezno osiguraju primjenu Uredbe o prostornim standardima, urbanističko - tehničkim uvjetima i normativima za sprječavanje stvaranja arhitektonsko - urbanističkih prepreka za osobe sa umanjenim tjelesnim mogućnostima ("Službene novine FBiH", broj 39/14) kao i da se u fazi javne rasprave za svaki plan jasno prikažu predviđene mjere pristupačnosti u skladu sa važećom regulativom.

ANA PEJIĆ

Stavljam na izjašnjavanje pročitane zaključke.
Glasanje je okončano.
Konstatujem da su pročitani zaključci usvojeni sa,
27 glasova za, nije bilo protiv i 1 suzdržani.

Prelazimo na sljedeću tačku dnevnog reda:

a) Razmatranje Informacije o provedenom postupku javne nabavke usluga obavljanja komunalne djelatnosti javnog linijskog prijevoza putnika na području grada Tuzla

b) Razmatranje i usvajanje Odluke o povjeravanju obavljanja komunalne djelatnosti javnog linijskog prevoza na području grada Tuzle

c) Razmatranje i usvajanje Odluke o izmjenama i dopunama Odluke o uslovima i načinu organizovanja komunalnog javnog linijskog prijevoza putnika na području grada Tuzle

d) Razmatranje i usvajanje Odluke o utvrđivanju cjenovnika svih vrsta vozničkih karata za sve kategorije putnika javnog linijskog prijevoza na području grada Tuzle

Predlagач: gradonačelnik Grada Tuzla

Obrađivač: Komisija za javne nabavke (pod a), Služba za komunalne poslove, izgradnju i poslove mjesnih zajednica (pod b), Služba za komunalne poslove, izgradnju i poslove mjesnih zajednica i Radni tim (pod c) i Služba za ekonomski razvoj, poduzetništvo i poljoprivredu i Radni tim (pod d)

Materijal su razmatrali: Komisija za statutarna pitanja i propise (pod b, c i d), Komisija za ekonomske odnose, Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodnim izlaganjem? (Može). Može.

Evo samo da vidimo ko će dat uvodno izlaganje?

Evo gospođa Ivana Hrustić, ispred Službe za komunalne poslove. Izvolite.

**IVANA HRUSTIĆ – ispred Službe za komunalne poslove,
izgradnju i poslove mjesnih zajednica**

Dobar dan. Pozdravljam sve prisutne. Evo ja sam ovdje kao izvjestilac informacije o provedenom postupku javne nabavke usluge obavljanja komunalne djelatnosti javnog linijskog prevoza putnika na području grada Tuzla u svojstvu predsjednika Komisije za javne nabavke. Naime, Komisija za nabavku usluge obavljanja komunalne djelatnosti javnog linijskog prevoza putnika na području grada Tuzla, imenovana je Rješenjem pomoćnika gradonačelnika za Službu za komunalne poslove, izgradnju i poslove mjesnih zajednica 09.04.2025. godine.

Postupak javne nabavke ove usluge proveden je putem otvorenog postupka sa namjerom zaključivanja okvirnog sporazuma u trajanju od četiri godine, na osnovu kojeg će se

zaključivati pojedinačni ugovori za svaku godinu. Datum otvaranja ponuda bio je zakazan za 29.05.2025. godine, u 11,00 sati.

Pristigla je jedna ponuda preduzeća Gradski i prigradski saobraćaj d.o.o. Tuzla. Komisija je izvršila pregled ponude i analizu. Ponuda je bila blagovremena, uredna i ispunjavala je sve uslove iz tenderske dokumentacije. Ukupna cijena ponude za sve četiri godine je 23.377.397,89 Konvertibilnih maraka. Ponuda je koncipirana na način da je ponuđena cijena od 3,56 Konvertibilnih maraka po jednom kilometru za uku...znači, za cijelu, ponuda za čitavu mrežu linija koje su predviđene tenderskom dokumentacijom. Na osnovu provedenog postupka, Komisija je predložila da se zaključi ugovor, odnosno da se ugovor dodijeli Gradskom i prigradskom saobraćaju d.o.o. Tuzla, kao jedinom ponuđaču koji je ispunio sve uslove iz ponude. Cijena ove ponude je bila u okviru procijenjene vrijednosti u tenderskoj dokumentaciji.

ANA PEJIĆ

Zahvaljujem se. Evo ko će podtačke b) i c)?

Gospodin Miralem Mulać, ispred Komunalne službe. Izvolite.

**MIRALEM MULAĆ - pomoćnik gradonačelnika za
Službu za komunalne poslove, izgradnju i
poslove mjesnih zajednica**

Dobar dan. Sve vas srđčano pozdravljam. Evo čuli ste informaciju Komisije za javne nabavke i njihov prijedlog koji je dat za mogućnost potpisivanja ugovora sa izabranim izvođačem. Evo u cilju toga, Služba za komunalne poslove zajedno sa radnim timom, ovdje moram istaći stvarno značajnu ulogu radnog tima koji je imenovan od strane gradonačelnika. Tu je multidisciplinarna grupa bila u cilju što kvalitetnije pripreme svih ovih dokumentacija vezano za gradski linijski prevoz.

Evo mi smo kao na prijedlog komisije pripremili prijedlog odluke, odnosno, Odluku o povjeravanju obavljanja komunalne djelatnosti javnog linijskog prevoza putnika na području grada Tuzle.

Evo kroz ovu odluku mi smo u članu 1. već naveli da obavljanje komunalne djelatnosti javnog linijskog prevoza putnika na području grada Tuzle povjerava se privrednom društvu Gradski i prigradski saobraćaj d.o.o. Tuzla.

Zatim, u članu 2. dali smo zaključenje okvirnog sporazuma, pošto moramo zaključiti okvirni sporazum. Ovdje su data ovlaštenja znači pomoćniku gradonačelnika za Službu za komunalne poslove, izgradnju i poslove mjesnih zajednica, da u roku od sedam dana od dana stupanja na snagu ove odluke i odluke o izboru najpovoljnijeg ponuđača, zaključi okvirni sporazum o nabavci usluga obavljanje komunalne djelatnosti javnog linijskog prevoza putnika na području grada Tuzle. Ovdje je navedeno u stavu 2. da okvirni sporazum iz ovog člana će imati, sadržavati odnosno najmanje sljedeće elemente. Znači, predmet trajanja okvirnog sporazuma, rok izvršenja usluge, način vršenja usluge, cijena i rok i način plaćanja obaveze Grada Tuzle kao naručioca usluga i privrednog društva iz člana 1. ove odluke, kao davaoca usluge. Zatim imamo u okvirnom sporazumu, naravno bit će naveden način kontrole i nadzora nad vršenjem usluga, odredbe u ugovornoj kazni i višoj sili, odredbe o naknadi štete i raskid okvirnog sporazuma, kao i garanciju za uredno izvršenje pojedinačnih ugovora.

Evo već ste čuli da okvirni sporazum se zaključuje na rok od četiri godine, s tim da se u okviru navedenog roka, a u skladu sa potrebama Grada Tuzle, zaključuju pojedinačni ugovori najmanje jednom godišnje, a ovaj prvi pojedinačni ugovor će se zaključiti bez odlaganja po potpisivanju okvirnog sporazuma.

Ovdje se takođe navedeno je da će privredno društvo je obavezno započeti pružanje usluga obavljanja ove komunalne djelatnosti, nakon što se potpiše okvirni sporazum, iz ugovora iz stava 3. ovog člana, a najkasnije 20 dana od dana stupanja na snagu ove odluke, te je u istom roku dužna ispostaviti sistem naplate voznih karata.

Članom 3. je definisano praćenje izvršenja ugovora. Ovdje se zadužuje ponovo pomoćnik gradonačelnika za Službu za komunalne poslove, izgradnju i poslove mjesnih zajednica da imenuje lica ovlaštena za praćenje i izvršenje pojedinačnih ugovora zaključenih na osnovu i u skladu sa okvirnim sporazumom. Takođe ova lica se mogu imenovati iz reda uposlenika drugih gradskih službi za upravu nadležne za poslove saobraćaja, a po potrebi iz reda uposlenika drugih gradskih službi kao javnih preduzeća čiji je osnivač Grad Tuzla.

Evo ovdje stupanja na snagu znači narednog dana nakon objavljivanja u Službenom glasniku. Naravno kad se prifati ova odluka. Evo to je ova tačka 3b. (SLAĐANA KRAJINA – Možete i c). Hoćete vi i c) il će neko drugi?)

Ja ću isto za c), ovaj, vezana je Odluka o izmjenama i dopunama Odluke o uslovima i načinu organizovanja komunalnog javnog linijskog prevoza putnika na području grada Tuzle. Moram reći da ona postojeća Odluka kada smo analizirali određene članove, imalo je detalja gdje se moralo dosta preciznije regulisati uslovi način obavljanja javnog linijskog prevoza putnika na području grada Tuzle. Posebno se to odnosilo na detaljnije regulisanje obaveza prevoznika, te odredbama kojima se reguliše način obavljanja kontrole prodaje voznih karata, imajući u vidu da se cijena vozne karte propisuje odlukom Gradskog vijeća, te da ista predstavlja dio budžeta Grada Tuzle, a posebno je trebalo predvidjeti vršenje nadzora nad provođenjem odredba odluke i prekršaja koji su kažnjivi u slučaju nepoštivanja odredba ove Odluke.

Ovdje su, ja vjerujem da ste dobili u prilogu i postojeću odluku. Ovdje imamo znači detalje gdje smo, gdje je vršeno brisanje, dodavanje određenih dopuna na određenih članova, sve u cilju da bude jasnija i preciznija odluka prilagođena evo ovom trenutnom stanju vezano za ovu komunalnu djelatnost. To je što se tiče tačke c). A kolegica...

ANA PEJIĆ

Evo kolegica Alma Halilović, ispred...pomoćnik gradonačelnika za ekonomski razvoj, poduzetništvo i poljoprivredu, samo da kratko uvodno izlaganje da za podtačku c). d), izvinjavam se.

**ALMA HALILOVIĆ - Pomoćnik gradonačelnika za
Službu za ekonomski razvoj, poduzetništvo i poljoprivredu**

Dobar dan. Sve vas ljepo pozdravljam. Evo u kontekstu svih ovih dokumenata koje je potrebno donijeti da bi se realizovao, odnosno da bi omogućili početak realizacije obavljanja usluga javnog linijskog prevoza. Naravno, kao sljedeća tačka jeste donošenje Odluke o utvrđivanju cjenovnika svih vrsta voznih karata za sve kategorije putnika javnog linijskog prevoza na području grada Tuzla, a koje će se primjenjivati znači sa odmah nakon zaključenja ugovora i nakon otpočinjenja aktivnosti na realizaciji javnog gradskog prevoza na ovaj način kako je sad svim ovim postupcima regulisano.

Prije nego što evo samo kažem koje su to predložene cijene, htjela bih istaći da smo se i mi koji smo radili u ovoj radnoj grupi za definisanje prijedloga cijena, da smo se u stvari rukovodili time da se omogući kontinuirano i kvalitetno korištenje usluga javnog linijskog prevoza za sve građane grada Tuzla, a pod uslovima koji su povoljniji nego što su trenutno bili regulisani.

Takođe, ono o čemu se vodilo računa jeste kontinuitet i opredjeljenje Grada Tuzla je da podrži socijalno ugrožene kategorije, kad je riječ o uslovima koji su vezani za plaćanje cijena usluga prevoza. Isto tako smo definišući i predlažući ove cijene, evo u nadi smo da će ovakav cjenovnik u stvari omogućiti i na neki način unaprijediti korištenje javnog gradskog saobraćaja i da će na taj način uticati evo i na rasterećenje saobraćaja u gradu, pa samim tim da kažemo evo na neki način posredno i na zagađenje, a na ovaj način smo evo i privrednim subjektima na neki način pokušali omogućiti, ovaj, niže troškove za prevoz radnika.

Kada je riječ evo o tom cjenovniku koji se predlaže, znači, rukovodili smo se samo na onaj način kako je i tenderska dokumentacija formulisana. Rukovodili smo se uslovima koji su vezani za gradski prevoz, za gradske linije, kako je definisano u tenderskoj dokumentaciji i za prigradske linije. Pa su predložene cijena, predložena cijena pojedinačne linijske vozne karte za gradske linije iznosi znači marku i po, 1,5 Konvertibilnih maraka. Predložena cijena pojedinačne linijske vozne karte za prigradske linije iznosi 2,5 Konvertibilnih maraka. Predložena cijena mjesečne vozne karte za gradske linije iznosi 60 maraka. Predložena cijena mjesečne prigradske vozne karte je 100 Konvertibilnih maraka. Predložena cijena polumjesečne vozne karte za gradske linije 50 Konvertibilnih maraka. I predložena cijena polumjesečne prigradske vozne karte 70 maraka. A predložena cijena doplatne karte, znači, krate, kada kontrolor ustanovi da neko nije platio kartu, ta doplatna karta iznosi 10 Konvertibilnih maraka.

Ovom Odlukom takođe je predviđeno i pravo na besplatan javni linijski prevoz za sljedeće kategorije stanovništva. To su pnezioneri i to su lica starija od 65 godina i djeca uzrasta do 6 godina, kao i sve osobe u stanju socijalne potrebe, čiji je ukupan prihod po članu porodičnog domaćinstva mjesečno ne prelaze 25% prosječne mjesečne neto plaće isplaćene u Federaciji Bosne i Hercegovine prema posljednjem objavljenom statističkom podatku.

U roku od 7 dana će biti obaveza da se donese Pravilnik o načinu regulisanja ove povlastice, što će znači raditi Gradska uprava, da bi onda korisnici mogli ostvariti ovo pravo na besplatan linijski prevoz.

Evo vidite iz ovih predloženih zaista ovaj cijena da je zaista da kažem u smislu afirmacije i korištenja javnog gradskog prevoza zaista su cijene u odnosu na trenutne uslove, da kažem prilično snižene. U nekom procentualnom iznosu možda između između 40 i 50% po pojedinačnim kategorijama.

Ono kako je planirano u budžetu Grada i kako se to finansijski odražava donošenje ove Odluke jeste to da je na godišnjem nivou za potrebe regulisanja javnog prevoza znači planirano nešto oko 6,8 miliona Konvertibilnih maraka. Našim određenim kalkulacijama i projekcijama očekuje se da bi u prihod budžeta Grada na osnovu prodaje karata mogao se očekivati priliv od 2,4 miliona Konvertibilnih maraka, što znači da je nekakva evo razlika od 4,4 miliona dodatno finansijsko davanje iz budžeta Grada, a za potrebe regulisanja javnog gradskog prevoza u gradu. Eto. Toliko.

ANA PEJIĆ

Zahvaljujem se. Evo otvaram diskusiju klubova vijećnika.

Vijećnik Mirnes Ajanović. Izvolite.

MIRNES AJANOVIĆ

Hvala. 20 godina sam vijećnik. S Mensurom najstariji. Akobogda još dugo. I nisam nikad imao nekorektniji odnos većine prema opoziciji. Nikad, do ove tačke. Svašta je bilo. 20 godina je puno. Evo prije nekoliko dana sam vidio informaciju koja, ne mogu da govorim o ovoj tački bez ovog koja je zaista nekorektna. Nimalo. Brutalno. Evo citiram i naziv.

Objavljeno je to u medijima 5. juna: „Na inicijativu gradonačelnika Zijada Lugavića, a uz punu podršku većine političkih stranaka u Gradskom vijeću Tuzla SDP, Tuzlanska alternativa, Naša stranka, Narod i pravda HDZ BiH, PDA i nezavisni vijećnik Nedžad Jusić planirano je donošenje konkretnog seta mjera koje će građanima olakšati svakodnevnicu i omogućiti pristupačniji javni prevoz. U potpisu, vijećnici i vijećnice većine u Gradskom vijeću“. E sad da vas pitam, jel vas sramota? Neću, treba da vas bude sramota. A gdje smo mi? Gdje smo mi koji ste ismijavali vi iz većine neki pogotovo prijetili da hoćemo da profitiramo kad smo tražili vanrednu sjednicu ovdje? Mi iz opozicije. Pa vas ubjeđivali da moramo. Nemamo kud. Jedva natjerali. Jesmo što smo bukvalno došli u poziciju kada smo imali mogućnost da dobijemo ove dvije i po marke po kilometru, ne tri i po. Bez iskalacije, bez protesta učenika na cesti. Djeca su bila na cesti. Maloljetnici. Nikad nije bio protest djece. Gdje je kad je bio odbijen prijedlog ovaj niže cijene da ne dajemo 7 miliona godišnje, 28 za ovaj mandat? Četri godine. Sve je to opozicija radila. Ja ovdje napravio desetine stranica kompletno svega od do ne znam nadzora, karata, ovog, onog, svega. Sve ovo što sad pišu o svim ovim aktima, to je moje. Sve napisao. Sve imate. Evidentirano. Ni jedan amandman većine. Ništa. Odbili u početku da se raspravlja uopšte sa, pa čak i ovom firmom koja je sad evo izabrana. Što je rezultiralo povećanjem cijene, blokadom, skidanjem linija i svega. Komisija za ljudska prava prva reagovala. Tu su kolege iz SDA. Ima i SDP. BOSS. Nikog nema. Samo većina, pa makar da ste rekli nešto šta. Pa kako se može napisat da ste samo vi to radili? Nema nas. Ne postojimo. Niko od nas. Pogledajte koji smo ovdje. Dvanest nas. Ne postojimo. A mi 90% rasprave vodili o ovome. Ne smeta što i vi kažete zasluga je vaša. Ok. I mi se ne bi bunili nikako. Evo ja danas govorim o prijedlogu jedne tačke. Govorim i SDA je to predložila. I Klub SDP to podržava. A mogu šutit. Ne moram. Al kažem. Zašto to ne bih rekao? Tako je. A vi napravite javnosti ovakvu prezentaciju i kažete vi ćete marku i po dobit. Pa mi ovdje trubili da može bit marka i po. Dokazivali. Analizirali. Računali. Pokazivali šta sve treba da se uradi da bi došli dotle. Mi ove cijene da se spuste pa još i niže. Subvencije. Prijedlog opozicije. Dajte mi bilo šta da je neko od većine bilo kad u ovom više mjeseci periodu išta uradio, a da je to iz većine? Evo sad nek kaže nešto. Ko je išta predložio? Bilo šta? Jednu rečenicu? Amandman, prijedlog, zaključak, bilo šta? Mi. Opozicija. I bukvalno posrani. Nemojte se ljutit. U javnosti. Sramota je to. Ovo Vijeće radi korektno. I mi vas podržavamo. Vadimo kad je problem. Kad pobjegnu neki vaši sa sjednice, vadimo vas mi. I nas nema. Ko je ovo uradio? Gradonačelnik? Većina? Šta hoćete od nas više u budućnosti? Da nas ismijavate u javnosti da mi ne radimo ništa. Vi sve uradili. Pa makar se moglo reći, vijećnici Gradskog vijeća su uradili, biće to i to. Uz većinu i opozicija. Ok. Nego mi, nema nas. Ne postojimo. Uspjeh koji evo sad danas sve je to i opet ćete napraviti mi smo to uradili. Nas nema. Pozdravljam ja ovo sve što ste uradili. I to je uspjeh nas da vas natjeramo. Subvencije i socijalnu osjetljivost. Ovo je pobjeda građana nad građanima, u interesu građana. Ovo je pobjeda građana u stvari. Tačno jest opozicije uz saradnju vijećnika većine. Mi smo to odradili. U interesu svih nas. Bez vas ne bi mogli. Nas nema šesnest. Da nas ima šesnest šta bi sve bilo.

Ne bih dalje o ovome, al ubuduće nemojte bit nekorektni. Kažem, 20 godina iskustva. Nisam naišao na ovakav stav. A u Vijeću koje je najkorektnije nego ikada što je bilo, bilo koje od strane svih nas. Svih ovih stranaka. I DF-a. I Liste Sloboda. I SDA. I mene. Mi smo u opoziciji. Nikad nije bila korektnija opozicija. Trudimo se. Radimo. Ukazujemo. Negdje odšutimo. Manjom kritikom idemo. Ne idemo da gazimo. I onda dobijemo u javnosti, nas nema. Toliko.

ANA PEJIĆ

Zahvaljujem se. Replika. Vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Ja želim Mirnese da se ogradim od ovog saopštenja, jer nisam učestvovalo u tom saopštenju i nisam ni znao, nego sam pročitao samo na portalima. Samo da ti bude jasno da nisam učestvovalo u ovome. A mislim da je bilo korektno, pogotovo da se pomeneš ti, jer smo svi hvalili kada smo donosili ovu odluku, svi smo hvalili tvoje zalaganje i tvoje one ogromne papire koje si pripremio i svi smo ovdje u Vijeću te hvalili. Zbog čega je to urađeno, u ime moje izvini.

ANA PEJIĆ

Zahvaljujem se. Sljedeći za riječ se...Replika. Vijećnik Mirnes Ajanović. Izvolite.

MIRNES AJANOVIĆ

Replika je, svi smo to uradili. I pozicija i opozicija. Zato repliciram. A hvala Mensuru na ovom korektnom stavu. A ovo izvini je puno. Hvala ti.

ANA PEJIĆ

Zahvaljujem se. Sljedeći za riječ se javio vijećnik Jasmin Gavranović. Izvolite. Ispred Kluba vijećnika SDP-a. Izvolite.

JASMIN GAVRANOVIĆ

Zahvaljujem predsjedavajuća. Evo koristim ovu priliku da ispred Kluba vijećnika SDP-a uputim čestitke svima koji su marljivo i odgovorno radili na izradi i provođenju postupka povjeravanja komunalne djelatnosti javnog linijskog prevoza putnika u Tuzli. Prije svega želio bih pohvaliti Grad Tuzla i gradonačelnika koji su prepoznali važnost, stabilno, organizovanu i efikasnost javnog prevoza kao jednog od osnovnih servisa građanima. Takođe iskazujemo zahvalnost Službi koja je provela postupak javne nabavke i obezbijedila transparentnost i zakonitost u svim fazama procesa.

Ova Odluka ima veliki značaj za svakodnevni život naših građana, jer javni prevoz nije samo logistika. On je veza između obrazovanja, zdravstva, tržišta, rada, socijalne povezanosti i urbanog razvoja. Kroz ovaj sporazum naš grad pokazuje strateško razmišljanje odgovornosti i brigu za javni interes. Posebno bi istakli važnost dugoročnog planiranja, jer se okvirni sporazum zaključuje na četiri godine, čime se osigurava stabilnost i kontinuitet u pružanju ove ključne usluge. Time se omogućava i daljnje planiranje unapređenja linija, povećanje frekvencije, prilagođavanje ruta stvarnim potrebama stanovništva i uključivanje modernih tehnologija u sistem naplate praćenja.

Pozdravljamo i činjenicu da je proces proveden uz poštivanje svih zakonskih procedura i uz učešće komisija za nabavke čime se dodatno jača povjerenje građana u raznim institucijama.

Nadam se da će u narednom periodu raditi na poboljšanju pristupačnosti, udobnosti, sigurnosti i komunikacije sa korisnicima uz mogućnosti daljnjeg uvođenja ekološki prihvatljivih vozila.

Zahvaljujem još jedno svima uposlenim koji su učestvovali u ovom procesu i vjerujem da će ovakve odluke ojačati Tuzlu kao grad po mjeri čovjeka. Hvala.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Sljedeći za razgovor Admir.

ADMIR HASANBAŠIĆ – vijećnik Tuzlanske alternative

Hvala mili predsjedniče. Poštovana predsjedavajuća, uvaženi gosti, cijenjeni predstavnici medija, sve vas srdačno pozdravljam i nadam se da će ostatak ove sjednice biti konstruktivan.

Evo napokon, nakon 25 godina, Grad Tuzla će upravljati javnim prevozom, koji je dugi niz godina bio gorući problem. Naime, ovom odlukom Gradsko vijeće određuje visinu cijene javnog prevoza, ali i svakako što je jako bitno, broj linija koje će se provoditi po našem gradu. Trenutno usvojeni red vožnje moći će se korigovati. Jako je bitno. Vršit će se odgovarajuća analiza ukoliko se vidi da je potrebno pojačati neke linije. To će se moći učiniti, ali isto tako ako se vidi da je na nekim pozicijama veći broj linija nego što je potrebno, moći će se smanjiti.

Ovom Odlukom izvršit ćemo i popularizaciju javnog saobraćaja, odnosno javnog prevoza. To je jako bitno, gdje će siguran sam građani sve više koristiti javni prevoz, a samim tim smanjit će korištenje vlastitih automobila i imat ćemo manje gužve u saobraćaju u našem gradu.

Ono što je bitno i što nadležna služba treba da uradi, a to je da pošalje jedan dopis ili da traži od GIPS-a kako treba da se ponašaju njihovi uposlenici, odnosno vozači. Treba prije svega da budu uredno uniformisani, da budu kulturni, edukovani, profesionalni prema našim građanima, jer smo imali situacije da se bahato ponašaju vozači prema građanima. Građanin je korisnik njihovih usluga i tu treba da postoji pravi profesionalizam i u ovom smjeru nadležna služba treba posebno da obrati pažnju i da se ovo riješi kako treba.

Dalje mene interesuje, ko će biti kontrolori voznih karti u javnom prevozu? Znači, ko će pregledat te karte? Dobro. Evo nisam vidio znači, dal će to biti neki inspektori, dal će biti uposlenici Gradske uprave? Ili recimo, ko će vršiti GPS? Dal će to biti neko preduzeće? I tako dalje. Znači, dobro, to sam mislio odgovor na ta pitanja.

I ovdje što je jako bitno, vidimo da cijena je jako pristupačna u odnosu na ovu trenutačnu cijenu i posebno je bitno istaći da se vodilo računa o ovim osjetljivim kategorijama naših građana, a to je da su se obezbijedile besplatne karte za penzionere, zatim za djecu do šest godina i svakako, članove, odnosno osobe u stanju socijalne potrebe.

Zaista ne bih više govorio o ovome, jer puno toga su rekli obrađivači. Puno je rekao Mirnes. Rekao je kolega Gavranović. Ja bih samo čestitao gradonačelniku, radnoj grupi i nadležnim službama, a posebno svim vijećnicima Gradskog vijeća Tuzla koji su uložili mnogo truda da danas donosimo ove odluke koji će napokon obezbijediti jeftin i kvalitetan javni prevoz u gradu Tuzla. I svakako Klub vijećnika Tuzlanske alternative će podržati ove odluke. Hvala.

ANA PEJIĆ

Zahvaljujem se. Sljedeći za riječ javio se vijećnik Omer Berbić. Izvolite.

OMER BERBIĆ

Fala ljepo. Evo napokon mi smo u prošlom sazivu Vijeća prošli jedan puni ciklus od skupljanja potpisa do raznoraznih inicijativa, rasprava, razgovora da smo došli do toga da je

došla na red gradska vlast koja ima sluha za ovu temu i koja više ne govori nije naša nadležnost nego preuzima odgovornost. Meni je to jako drago da vidim. Pogotovo mi je drago jer vidim koliko se smanjuju ovdje cijene i da su to ozbiljna smanjenja cijena, a čak i za neke kategorije i besplatne.

Ovo je možda najozbiljnija tačka koju će ovo Vijeće usvojiti u ove 4 godine mandata. Bar ja to tako mislim. I ja mislim isto tako da to pokazuje ovaj rashod od 6.837.888 maraka koje ćemo mi morat uložiti i evo trenutno gledamo da dobijemo oko 2 i po miliona maraka, 2,4 miliona maraka na, na karte i ja se nadam da će to biti puno više zato što kada ovo riješimo onda će doći i pitanje da će ljudi vjerovatno i češće koristiti ovaj javni gradski prevoz jer ovo je najozbiljnija subvencija koju je Grad Tuzla ja mislim i-kada izdvojio za rješavanje određenog problema.

Da li bi mi bilo draže da je, da smo osnovali svoje preduzeće? Sigurno bi. Po nekim inicijalnim, po nekim inicijalnim procjenama to preduzeće bi koštalo oko 80 miliona maraka i to u ovom trenutku nije realno i mi smo ovo govorili da je ovo jedna kratkoročna mjera koja treba da se evo u iduće čet-ri godine riješi pitanje javnog gradskog saobraćaja koji će biti redovniji, puno jeftiniji i koji će zaista moći da nosi ime Javni gradski i prigradski saobraćaj Grada Tuzle, a ne samo da se vodi kao javni gradski i prigradski saobraćaj da on ne bude kao takav jer su ukinute bile broj-ne linije koje će se evo sada i vratiti ali isto tako bilo je preskupo za bilo koga da to koristi.

I zato kažem da sam ponosan na ovo Odluku jer sam jedan od inicijatora ove Odluke i gurao sam i zajedno sa gradonačelnikom većinom pa evo i dijelom opozicije ovu priču i došlo se do kraja, došlo se do kraja za koji se nadam da će se pokazati kao izuzetno efikasan model gdje će građani biti sretniji i gdje ćemo napokon imati dobar javni gradski i prigradski saobraćaj. Evo govori Mirnes da išćem. Nije problem išćem. Ja išćem al mi smo zaiskali, naiskali i došli do kraja ove priče, došli smo do toga da će karta biti marka i po il dvije i po kao prigradska il gradska, određeni dijelovi će biti džaba i naravno da je to vlast napravila jer vlast je tu da donosi odluke ovaj, naravno da će to i opozicija poz-dravit kada je to nešto tako pozitivno i nije to ni ne...i nije to, nije to ni neka praksa koja, koja nije normalna, jer kad vidimo vlast Kantona nema ljudi su sve završili, nema niđe opozicije i ja ne vidim uopšte šta je, šta je ovaj, šta je sporno i ja pozdravljam naravno da je i opozicija pomogla u, u realizaciji ovog dijela. I nije istina da je to, da je to započeto od strane opozicije. Al evo o tom možemo diskutovati naravno.

Ono što ja želim da kažem jeste da ja bi više volio da nam je ista cijena karte za gradske i za prigradske linije. To je ono što mi je u ovom trenutku ovaj, ne mogu reći da se, da se u potpunosti slažem, ali sigurno ovako jedno sistemsko rješenje jeste plod izuzetnog rada gradonačelnika, Službi, uhvatit se u koštac sa ovako nečim mogu samo po meni izuzetno sposobni ljudi što on i jeste i evo nadam se da će građani to znati cijeniti i da će redovnije koristiti ovaj javni gradski i prigradski saobraćaj jer evo od kada to izađe u službenom listu mi ćemo biti ti koji će prihodovali, odnosno Grad Tuzla će prihodovali kar-te. Ali isto tako jako je bitno naglasiti da ovdje ima i odgovornost za postupke ukoliko se preduzeće koje je dobilo ovo na, na rad ne bude držalo onog što je potpisano i onog ugovora koji su oni potpisali.

Tako da mislim da je ovo, da je ovo dobar put naprijed i nadam se da će to građani prepoznati i više koristiti i nadam se da će ovaj, da ćemo svi zajedno znati, znati cijeniti ovakvu jednu Odluku. Fala lijepo.

ANA PEJIĆ

Replika vijećnik Mirnes Ajanović. Izvolite.

MIRNES AJANOVIĆ

Nisam htio da reagujem a svi smo konkudentno reagovali dok je iz-lagao Omer Berbić (Smijeh.) Ja. Jesam rekao išće. Ali je obaveza moja da kažem da je neistina, da je neistina da smo mi iz opozicije ovo inicirali toj njegovoj izjavom. A mi se nismo hvalili time. Mi to nismo ni-gdje ni prezentirali. Niko od ovih stranaka nas evo Demokratske fronte, Nezavisne liste „Sloboda“, SDA, BOSS, nismo to rekli: mi-to napravili. Gradsko vijeće je radilo. Nismo mi mi. Ne odvajamo se. Pogotovo kad su ovakvi projekti. I onda je meni apsurdno to da Omer i dalje insistira vla-st, ja sam vlast, mi smo vlast ko vi ste ne-bi-tni. Ružno je. Ja sam si-guran. Evo dajte me demantujte ako nisam u pravu da je i ovo saopštenje inicirao Omer. Evo kako reće Mensur nije ni učestvovao. Dakle, neko je to napravio. Poturio. Siguran sam. Evo demantujte me vi i recite iz ostalih stranaka da nije to inicirano od Omera. (vijećnik Mirza Malkočević dobacuje sa mjesta op.a.) Sramota jest. (ANA PEJIĆ – Molim vas bez dobacivanja. Nastavite Mirnese.) Ja. I ako iko ima evo isti stav ko i Omer javite se. Recite da bar znamo. Ako nemate isti stav, ako odšutite onda je ovo što Omer govori nekorektno. Hvala.

ANA PEJIĆ

Zahvaljujem se. Sljedeći. Replika vijećnik Omer Berbić. Izvolite.

OMER BERBIĆ

Evo po istom ovom oprobanom da kažem Mir-nese jer govoriti da laže da je opozicija inicirala mislim da je krajnje nekorektno. Ako smo svi bili upoznati da je u toku izrada bila one kompletne dokumentacije koja je upravo dovela do ovog gdje je Služba to analizirala, gdje je opozicija faktički onda tražila da se napravi jedna vanredna sjednica za koju sam ja kasnije tražio naravno da se ukinu prisustvo sjednice 250 maraka pa sam ovaj, odbijen i evo sada svaka ta sjednica košta 10.000 imali smo tri to je 30.000. Do kraja ove godine ćemo imat vjerovatno još sedam, osam to će na kraju biti 100, 120.000 maraka, al nebitno, neću u to ulaziti, nego samo hoću da kažem ovdje činjenično stanje. Ja sam reko da ću svaki put kada to bude i tada sam se odrekao tog dijela.

To je inicirano od strane gradonačelnika. Inicirano je od strane i Naše stranke. Inicirano je i od strane stranaka i u proš-lom sazivu Gradskog vijeća kada se to i krenulo rješavati. Ja sam rekao da je i opozicija naravno pomogla i tu nema ništa, ništa sporno. I to je bio jedan proces koji se rješavao 2 godine. Nije to proces koji se rješavao mjesec il dva kao što se to pokušava predstaviti. Isto košto vodu nismo dobili za godinu dana. Isto košto nismo riješili ni jedno pitanje veliko sistemsko pitanje za mjesec, dva, tri il za, za, za šest, nego je za svaki projekat trebala godina il dvije. I to je činjenica da je to inicirano od strane vla-sti i da je opozicija pomagala i to nije ništa sporno i ovaj, i mislim da je, da je to put kojim se treba ići ali sada to nešto prebacivati jer ovaj, sada to prebacivati zato što, što je, što, što vlast govori evo mi se hvalimo rezultatima ove vlasti mislim da je to nekorektno.

Ali evo svakom svoje pa tako i kolegi Ajanoviću s kojim sarađujem naravno u određenim tačkama u određenim se ne slažemo i to je sasvim korektno i sasvim normalno. Ja samo želim evo da kažem da mi je drago da smo ko god je to inicirao na kraju krajeva da mi je drago da smo došli do ovog da će bit ovoliko smanjene karte i da će se ovo sistemski riješiti.

ANA PEJIĆ

Zahvaljujem se. Replika vijećnik Mensur Alić. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Replika svima. Ja sam očekivo današnju sjednicu Gradskog vijeća pogotovu na ovoj tački jer je ovo istorijski, istorijska Odluka za grad Tuzlu da idemo u jednom normalnom razgovoru da iznese svako svoj stav. Ali da trebamo svi danas da budemo ponosni svi članovi Gradskog vijeća. Ponosni na ovo što je urađeno. Svi smo mi ovdje doprinjeli. Neko je manje, neko više, al smo doprinjeli da danas donesemo istorijsku odluku za ovaj grad i za građane Tuzle. I zato vas molim nemojte puno replika. Hajmo se nahvalit s-vi da smo sve ovo uradili. To je najbolje. Jer smo svi uradili. Zahvaljujem.

ANA PEJIĆ

Samo malo. Imamo replike. Evo vijećnik Šefik Husić, pa Denis Bećirović, a onda vijećnik Mensur Mujezinović. Replike redom. Izvolite. Šefik Husić vi ste rekli Omeru Berbiću replika jelde? Izvolite.

ŠEFIK HUSIĆ

Dobro je kolega Omer Berbić rekao stari ustaljeni modalitet još od prošlog Saziva samo sad što on ne znam u jednom momentu je opozicija u jednom pozicija itd.

Ja se slažem sa Mensurom znači, da nije trebalo repli...nije trebalo zapravo otvoriti diskusiju na, na, na ovakav način, al ste trebali prije znači, na većini onaj, smirit malo strasti. Ovo je laž i neistina. Znači, laž onaj, u punom obimu.

Jutro osam sati znači zimski period, smrzlo sve. Svi vijećnici opozicije su se izašli znači, napolje, dogovorili, potpisali inicijativu za sazivanje vanredne sjednice da se hitno rješava onaj, pitanje gradskog linijskog saobraćaja. Tad smo znači, dobili sva oružja usmjerena pod navodnicima znači, na sebe onaj, zašto mi to iniciramo ne treba to dizat prašinu itd. A danas to su neki drugi ljudi odradili, nešto uradili. Naravno u prošlom sazivu Vijeća bili smo nas nekolicina u tom Sazivu znači, Omer Berbić je na tome plivo, plivo, plivo. Naravno kad su poremećeni tamo neki odnosi iz pret-hodnih znači, godina njegovog đede i onda je on plju-vo po tom prevozniku znači, isto tako pred samu znači sjednicu reko je da nema razgovora s tim prijevoznikom uopšte. A danas on je postigo nešto. Gdje su sadaka autobusi? Išlo se po Osjeku tam dogovaralo itd. Isti taj vijećnik hvalio se da je išo. Gdje su ti autobusi? Ugovoreno oko 30 autobusa, 60, 120 itd. Znači, ovo dobro da je riješeno. Al ovakvi narativi znači, ka-d god budu ovdje nećemo izać znači, do posle pola noći jer ćemo o tome diskutovat. Znači, ovo je la-ž notorna koju je on izgovorio i to je radio i prošli Saziv i radi evo ovaj Saziv. Znači, to nećemo dozvolit.

ANA PEJIĆ

Jeste završili? Završeno je. Poslovnička vijećnik Omer Berbić. Izvolite.

OMER BERBIĆ

Molim vas Slađana ako možete pomoć samo. Koji je član Poslovnika vrijeđanje porodice itd.? Znači, nazivati Selima Bešlagića đe-dom našta god da se ovdje aludira ja to smatram da je to uplitanje u privatni ži-vot i da je to vrijeđanje vijećnika.

On da je govorio o načelniku Selimu Bešlagiću nemam ništa protiv, al nazivat ga dedom aludirajući na moj privatni život ja hoću da se ovdje izrekne opomena. (SLAĐANA KRAJINA - Član 70. stav 4.) Član 70. stav 4. (MIRNES AJANOVIĆ – Poslovnička.)

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Izvoli Mirnese.

MIRNES AJANOVIĆ

A prvo ja mislim da bi trebao da pročita taj dio Poslovnika Omer prije nego što se javi pa onda kad već kaže da ne znam šta je pa makar da zna o čemu priča jer kolega što je rekao dedo po čemu je to uvreda? To djeca govore nekoga, nekome koga vole. To je iz milja rečeno. Nije rekao nešto ružno. Drugo: Nije ni pomenuo Selima. Sa-m Omer je naveo Selima Bešlagića. Identifikovao ga s nečim što je po njemu ružno. Za mene nije. Nije nikakvo pominjanje porodice. Radi se o aktuelnom bivšem gradonačelniku koji je prodao Javno gradsko Saobraćajno preduzeće za 800.000 maraka, a mi ćemo za 27 miliona platiti 4 godine što će nas vozat po Tuzli. Tačno je to. Šta je pogriješio kolega? Samo što nije identifikovao i rekao ko. Selim Bešlagić kao gradonačelnik učestvovao u prodaji javnog gradskog preduzeća za 700.000 maraka i ne-ma osnova da se radi o povredi Poslovnika od stra...De nek šuti malo.

ANA PEJIĆ

Molim vas samo...Molim vas samo malo. Bez dobacivanja. Molim vas bez dobacivanja. Dajem pauzu od 10 minuta. (MENSUR ALIĆ – 10 minuta.)

(Pauza.)

Pozivam vijećnike u salu kako bismo nastavili s radom.

Nastavljamo sa radom.

Za riječ se javio vijećnik Mensur Alić.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Pošto sam ja predložio pauzu od 10 minuta uspjeli smo se malo nešto dogovoriti. Smirit malo strasti. I sve ovaj, replike koje su do sad prijavljene neće ni jedna biti. Samo redovne diskusije od ovih što je do sad prijavljeno, a vidite koliko je prijavljeno. Prema tome nema, nema replika samo...Mensure ako jednu...(vijećnik Mensur Mujezinović govori bez uključenog mikrofona op.a.)

ANA PEJIĆ

Molim vas bez dobacivanja. Replika vijećnik Mensur Mujezinović. Izvolite. Bez dobacivanja molim vas. (MENSUR ALIĆ – Evo samo tebi ćemo dozvoliti.) Bez dobacivanja molim vas. (MENSUR MUJEZINOVIĆ – Dobro evo.) (MENSUR ALIĆ – Vjeruj nema više.)

Bez dobacivanja. Izvolite Mensure. Replika kome? Omeru Berbiću je li? (MENSUR MUJEZINOVIĆ – I Omeru i Mensuru je replika.) Dobro. Izvolite.

MENSUR MUJEZINOVIĆ

Ja se slažem s vama što ste rekli, al treba istinu iznositi. Ko je iznio la-ž nek ustane i nek kaže ja stojim iza toga jer mi smo pokretači ovoga svega. Vi ste nas svi bili ovdje okarakterisali da mi hoćemo da uzimamo pare od Grada i sve. I nemojte iznositi... Mi vas podržavamo u svemu i svemu što je u cilju i interesu građana i nemojte da mi budemo uvijek izostavljeni iz svega. Mislim da je dosta više.

MENSUR ALIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Jesi završio Mensure? (Jesam.) Hvala ti lijepo onda.

ANA PEJIĆ

Replika vijećnik Omer Berbić. Izvolite.

OMER BERBIĆ

Ja ne znam jel se ovdje pet puta stvari trebaju ponavljati? Ovo nije pokrenuto uopšte u ovom Sazivu ljudi. Jeste po-mognuto, nije pokrenuto. Ovo hoću da se u stenogram upiše. Neću više replike koristiti nizašta. Ja sam reko šta sam imo da kažem. Smirili smo se. Tamo smo se jednu stvar dogovorili, a ovdje idemo na druge stvari. I ukoliko nastavimo da znate meni nije problem ovdje ostati do dvanest i da se...(ANA PEJIĆ – Molim vas bez dobacivanja.) Ostat ćemo 3 dana nije sporno. Znači, ako smo...I ni-ste vi ovo pokrenuli. Ovo je pokrenuto ima dvije, tri, četiri godine u onom prošlom sazivu Gradskog vijeća. Istina je potpomogli ste. Tu vam priznajem i nemojte da idemo više...(MENSUR MUJEZINOVIĆ – A što niste objavili?) (ANA PEJIĆ – Bez dobacivanja molim vas.) Ama što...? Hoćemo malo pričati što vi niste objavili? (ANA PEJIĆ – Molim vas bez dobacivanja.) Što si ti...? (MENSUR MUJEZINOVIĆ – A što si ti objavio...?) (ANA PEJIĆ – Dajem pauzu od 10 minuta.) A isto djeca. Isto djeca od dvije godine ba.

ANA PEJIĆ

Pauza 10 minuta.

(Pauza.)

MENSUR ALIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Molim Senada da uđe u salu on je na redu za diskusiju. Senad?

ANA PEJIĆ

Nema ga. Diskusija vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo obzirom da je tema bitna izgleda da su i strasti uzavrele. Dobro ja ću odustat od jednog pitanja dakle, htio sam postaviti pitanje koliko je cijena ponuđena po pređenom kilometru? Po ovim odlukama odstupa od cijene u pređenom kilometru studija jel mislim da su tu one trenutno sad 3 i po KM-a sa PDV-om jako blizu tako da odustajem.

Međutim, ono što me brine i volio bih da nam se razjasni:

Na koji način će se vršiti adekvatna kontrola pređenih kilometara obzirom dakle, da mi finansiramo pređeni, pređeni kilometar?

Ovdje dakle, prvi zaključak bi dakle, bio, odnosno prvo pitanje bi bilo:

Na koji način će se vršiti adekvatna kontrola pređenih, pređenih kilometara?

Jednostavno moramo imati informaciju o tome koliko je kilometara pređeno, obzirom da je izdvojeno za svaki kilometar 3,56 KM i hvala gospođi Almi na ovom objašnjenju.

Dakle, drugi, drugo pitanje:

Na koji način se može kontrolisati broj prodatih karti?

Dakle, svatamo mi povjerenje ruka ruci ali na koji način mi možemo, možemo pratiti koliko prodatih karti, jel te prodate karte su u principu povrat u, povrat u, u Budžet i to su sredstva s kojima trebamo raditi ekonomske operacije i unaprijediti ovu oblast.

S toga predlažem prvi zaključak:

Dakle, ovdje da se dopuni odluka da se na mjesečnom nivou dostavljaju izvještaji o utrošku sredstava prihodu i rashodu te broju pređenih kilometara. Dakle, da na svakom Vi-jeću imamo informaciju dakle, da primimo informaciju k znanju o ovim elementima. Kolko je kilometara se prešlo? Kolko smo sredstava od-vojili i kolko je sredstava prikupljeno, prikupljeno nazad, odnosno broj, broj pređenih kilometara i način na koji se to utvrdilo?

Zatim da se: Izmjeni Odluka o povjeravanju obavljanja komunalne djelatnosti javnog linijskog prevoza putnika na području grada Tuzla.

Nije mi jasan član 2. Nije mi jasan član 2. Iz kojeg razloga mi dajemo ovlaštenje pomoćniku gradonačelnika za Službu za komunalne poslove, izgradnju i poslove mjesnih zajednica da potpiše ovakav jedan dokument a imamo gradonačelnika? I ovdje je potencija cijelo vrijeme gradonačelnik i i svi ostali. Mislim da bi ovdje gradonačelnik trebao potpisati. Ipak se radi o nečemu što je kako ste evo i sami rekli Mensure nešto najznačajnije, najznačajnije za naš grad.

Zatim: Imamol izlaznu strategiju?

Šta ljudi ako se desi...Ovo se mora probat. Hajde da se ne lažemo. Ovo se mora probat. Ali da li ovo znači da ćemo mi ovim odlukama mo-rati sve četiri godine...Ponovo vas pitam. Prošli put sam pitao nisam dobio 100% meni jasan odgovor.

Da li ovim odlukama znači, da ćemo sva-ke godine morat potpisivati ovaj tender, ovaj program bez obzira što se on kao takav neće pokazati, neće pokazati dobrim? Dakle, to je pitanje.

I ja bi se još referisao na jednu odluku a koji se izuzetnosti tiče ovaj, mojih sugrađana dakle, mjesta odakle dolazim to je obrazlagala gospođa Halilović.

Dakle, Odluka o utvrđivanju cjenovnika svih vrsta vozni karata za sve kategorije putnika javnog linijskog prevoza na području grada Tuzle.

Dakle, kad ulazimo u Tuzlu iz Lukavca dole u Podšićima stoji grad, grad Tuzla i prvo što se vidi je Termoelektrana. Bio HAK. Industrijska zona. A HAK industrijska HAK vuče sa sobom živu, ostatke žive dakle, jako opasna materija. Trinaest puta gušća nego voda. Onda 38 miliona kubnih metara šljake 2019-te. Govorim o egzaktnim podacima koliko ima sad nisam siguran ali šljaka čine dakle, teški radio aktivni materijali na lokaciji Plane i Divkovići jedan i

Divkovići dva. Divkovići jedan i Divkovići dva dobili grijanje. Plane nisu dobili grijanje, a sad je, su plan...odnosno linija broj 8 izbačena iz gradske linije. U prijevodu građani Mjesne zajednice Šićki Brod, Plane, Bukinje će plaćati skuplji gradski prevoz a zaista su se ljudi da budemo iskreni žrtvovali za sve ovdje. Dakle, bu-ka, prašina, zdravstveni problemi, respiratorni problemi, kancerogene materije, slab pristup i povezanost. Dakle, ova naselja su i u transportnom smi-slu obilaznica kada se nešto desi na magistralnom putu i onda hajde da im nametnemo i skuplje, skuplje ovaj, skuplji gradski prevoz.

Predlažem da linija broj 8...Dakle, zaključak i volio bi da se vijećnici izjasne o ovom zaključku danas.

Dakle: Da se linija broj 8 linija Plane – Dom zdravlja – Ekonomska škola – Križani uvrsti u gradsku, gradsku ovaj, jezgru obzirom da je tabla grad Tuzla dole na tom lokalitetu da je udaljeno samo par kilometara i ne vidim razloga da ne bude gradska.

S druge strane građani ove mjesne zajednice su uradili jedan veliki posao za čitav grad još jednom. Neću se ja referisati na neke druge stvari. Ali ona primarna dakle, odbrana Jezera Kop Šićki Brod. Dakle, kada je elektroprivreda imala i neku ideju da skladišti šlja-ku na Jezeru Kop Šićki Brod mi smo dole bili glas protiv toga. Ja sam 2019-te bio jedan od onih koji je obarao tu studiju i hvala Bogu oborili je. E novo iz Sarajeva. I onda sad opet ćemo kazniti te ljude i rećemo: Ne može dobit jeftinije javni prevoz. Hajte molim vas dakle, ovo da se izjasnimo o ovom zaključku dakle, da vratimo liniju 8 u gradski prevoz.

I još jedan zaključak dakle:

Da se od ovih prihodovnih sredstava. Konkretno gospođa Alma što je rekla 2 miliona i 400 hiljada KM-ova izdvoje odmah, odnosno da se ta sredstva troše kao namjenska sredstva za osposobljavanje vlastitog preduzeća posebno dakle, s aspekta na dvije ove, dva autobusa koje imamo za osposobljavanje kružnih linija za transport putnika unutar gradske jezgre grada Tuzla. Dakle, govorim gore Brčanska Malta dole do, do do Siporeksa i dalje ukoliko, odnosno kružne linije košto su nekad bile.

Dakle, 2020. godine pred lokalne izbore na, na jednoj temi sam razgovarao tako, odnosno na jednoj debati sa kolegom Omerom, bivšom vijećnicom Čatibušić i još nekim kolegama i tad smo predlagali jedan vid dešavanja gradskog prevoza i tad sam rekao sistem kružnih linija sa stanicama na Siporeksu. Evo izvjesno je dakle, da će danas ove odluke proći, da će ovo preduzeće preuzeti, preuzeti i nastaviti, odnosno nastaviti ovaj posao raditi, ali imamo mi mogućnost da svake godine ovo ne bude šest, sedam miliona maraka nego da smanjimo sa ovim kružnim linijama a da te kružne linije isplaćujemo na osnovu ove dobiti od projekcije dobiti koju nam je prezentovala Alma Halilović. Hvala.

ANA PEJIĆ

Zahvaljujem se. Evo prije replike vijećnika Mirze Malkočevića sekretar Slađana Krajina izrazila samo kratko.

SLAĐANA KRAJINA – sekretar Gradskog vijeća Tuzla

Ma samo kratko. Znači, kad se radi o prvom i četvrtom zaključku o tome se može izjašnjavati, a vaš prijedlog drugi i treći to ne može bit zaključak zato što bi se mijenjala odluka. Odluka se može mijenjati samo amandmanom. Danas na sjednici se ne može podnijeti amandman.

Jel razumijete? Znači, ovaj drugi zaključak da se izmjeni Odluka o povjeravanju na način da se...da ko daje se ovlaštenja pomoćniku. U odluci stoji tako. Znači, mogao je biti samo amandman, al ste ga morali najkasnije 3 dana prije sjednice. To ne može. (DENIS BEĆIROVIĆ – Mogul ja pitanje postaviti?) Pitanje će vam odgovoriti pomoćnik. A isto ova linija Plane ona

je isto u odluci već naznačena kao prigradska znači, samo bi se amandmanom moglo to mijenjat. Znači, zaključak to je dva i tri...

ANA PEJIĆ

U redu. Izvolite evo samo vijećnik Denis Bećirović. Izvolite. Samo mikrofona Slađana.

DENIS BEĆIROVIĆ

Dakle, onda evo da postavim pitanje:

Zašto se u članu 2. ovlašćuje pomoćnik gradonačelnika a ne ovlašćuje se sam gradonačelnik?

I na osnovu čega evo linija broj 8, odnosno zašto su građani, građani Plana i Šićkog Broda koji su sve ovo podnijeli što sam malo prije naveo izuzeti iz povoljnijih uslova i prebačeni u ovu drugu kategoriju? Hvala.

ANA PEJIĆ

U redu. Replika vijećnik Mirza Malkočević.

MIRZA MALKOČEVIĆ

Evo replika kolegi Denisu. Slažem se ovo vezano za građane na liniji broj 8, ali isto tako da tu tablu i ne Mjesna zajednica Dobrnja i oni su pored te table grad Tuzla, tako da i Ljubače to nema veze s tim. Grad Tuzla je samo jel gradska il prigradska mjesna zajednica.

ANA PEJIĆ

Ispravka krivog navoda, vijećnik Denis Bećirović. Izvolite.

DENIS BEĆIROVIĆ

Kolega možda se nismo razumjeli? Ja sam htio reći opisat. Dakle, kad idete od Lukavca prvo vidite grad Tuzla onda termoelektranu. Dakle, to mi je sinonim bio metafora za grad Tuzla i naselje koje se tu nalazi šta je prvo uočljivo na tome. Jedan energetska, odnosno kogeneracijski sistem od koga benefite imaju svi osim onih koji žive tu jer oni nemaju grijanja. I oni plaćaju ja-ko skupo grijanje, a sad će plaćati skuplje, sad će plaćati skuplje javni prijevoz. To nije u redu. To nije u redu. I drago mi je da se slažete. Evo nema problema.

ANA PEJIĆ

U redu. Sljedeći za riječ se javio vijećnik Emir Šahović. Izvolite.

EMIR ŠAHOVIĆ

Hvala predsjedavajuća. Hvala opoziciji što je inicirala vanrednu sjednicu. Hvala gradonačelniku Zijadu Lugaviću. Hvala stručnim službama. Hvala radnom timu. Hvala svim vijećnicima i vijećnicima koji su doprinjeli. Eto svi smo doprinjeli da danas imamo ove odluke na dnevnom redu i da možemo od danas reći da je grad Tuzla grad sa najjeftinijim kartama javnog prevoza u Tuzlanskom kantonu.

Meni je drago što evo cijena ovih karata će sa 3 i po marke u gradskim linijama biti marka i po i što će dvije i po marke biti za prigradske linije. Uvijek će biti neko ko će se osjetiti tu diskriminisanim onaj, s obzirom na ovo što je kolega Denis rekao znači, imaju gradske i prigradske linije. I ja sam pitao. Ima i linija za Simin Han koja je po nekim mojim saznanjima bila gradska linija, a sada je prigradska. To ne znam. To sam dobio od, od stanovnika Simin Hana onaj, kao informa-ciju. Ali opet kada uzmemo u obzir da je loko karta bila 3 i po marke a sada je marka i po i da je razlika marka između gradske i prigradske linije nije to neka velika razlika po pojedinačnoj karti i mislim da je ova odluka stvarno jedna naša zajednička pobjeda za znači, bolje uređen sistem javnog prevoza i pružanja usluga.

Ono što se ja nadam iskreno da će linije biti redovne. Da će red vožnje se poštovati. Da narod vrati povjerenje u javni prevoz i da se što više počne koristiti tako da nam i ovi mogući prihodi budu veći od ovih već predviđenih 2 i po miliona. I nije mala cifra skoro 7 miliona maraka godišnje Grad izdvaja za ovo i ja se nadam i da će i druge opštine i gradovi u Tuzlanskom kantonu prepisati ovaj, ovaj model rješavanja problema i evo imamo znači, odličan dio ove odluke koji se odnosi na penzionere, na socijalno ugrožene, na djecu do šest godina koji će imati besplatan prevoz i mislim da...Ima malo sam vidio i u komentarima šta je sa učenicima. I to da kažem. Učenici već imaju odluku Vlade Tuzlanskog kantona o umanjenju od 30, odnosno refundaciji 30% od ukupne karte i ja smatram i pozdravljam ovu odluku i smatram da je grad Tuzla od, od, od narednog per...u narednom periodu riješio problem javnog prevoza. Hvala.

ANA PEJIĆ

Zahvaljujem se. Sljedeći za riječ se javio vijećnik Senad Mehmedinović. Izvolite.

SENAD MEHMEDINOVIĆ

Eh hvala lijepo. Ja dođoh na red kad je ovaj elektricitet se smanjio. Prvo prije svega hvala Emiru na lijepim riječima. Hvala ti. Drugo moguće je biti i politički pragmatičan, moguće bez obzira što se radi o politici i legitimno pravo ima ko god se zove većina da prezentuje što misli da prezentuje a i legitimno je pra-vo onih koji su opozicija da odreaguju. I tu nema ljutnje i ja tu ne vidim problem niti vidim bi-lo kakvu vrstu ljutnje da je neophodna i naravno ne treba lično ulaziti u bilo šta.

Mi kao Klub vijećnika smo i ja moram to da kažem radi javnosti odma na tekst koji je objavljen nije možda prošlo pola sata napisali demant i rekli smo zbog čega se ne slažemo sa tim što je napisano ne-stavljajući sebe ili bilo koga drugog u prvi plan, jer nama u prvom planu trebaju da budu, nama svima trebaju da budu građani.

Mensure velike su riječi što ste Vi izgovorili na početku a čime ste i potvrdili da stvarno sa pravom mi možemo da govorimo tzv. većina.

Treba bit dosljedan u svojim pravcima djelovanja kao što se bilo dosljedno u povećavanju cijena grijanja. I to je politički stav, to su politički procesi koji se vode i mi znamo šta je, šta je većina.

Kada je u pitanju ova tačka dnevnog reda koja stva-rno bi trebala da bude svečanog čina ja želi da čestitam Službi za komunalne poslove kojoj mislim da najveći broj i pitanja i inicijativa prosljedjujem jer znam da u proteklom periodu u kojem se radilo da se radilo poprilično pod pritiskom zato što smo preko ove Službe imali velikih problema od upotrebnih dozvola, rješavanja javnog linijskog prevoza, tako da čestitam na urađenom poslu i znam da je to bio posao pod pritiskom.

Da postoje interesantne stvari oko izbora ponuđača postoje po mom mišljenju jer znam šta se na početku govorilo i znam šta je se rezultiralo i pored toga što smo mi svi zaslužni,

pored toga što smo mi svi zaslužni prije nas su zaslužna sva ona djeca koja su se podigla i koja su napravila pritisak za rješavanje ne javnog linijskog prevoza samo grada Tuzle nego na cijelom području Tuzlanskog kantona i svaka njima čast, a bogami i do-bro je GIPS odradio posao ako mogu tako da kažem jer njihovim odlukama je sve ovo prouzrokovano dakle, imali smo nešto što se naziva domino efekat i na kraju smo došli do tog rješenja da Grad Tuzla mora da na nivou godine izdvaja oko 7 miliona konvertibilnih maraka za javni linijski prevoz. I vidjet ćemo ako Bog da sledeće godine kolika će biti prihodovna strana a koliko ćemo mi morati iz Budžeta da izdvajamo sredstava.

Ovo su sredstva svih građana Tuzle. Mi smo ti koji glasamo za Budžet i mi smo ti koji trebamo da radimo u interesu građana Tuzle i ako na nešto mogu da budem ponosan mogu da budem ponosan da je ovaj saziv Vi-jeća donjio Odluku o javnom linijskom prevozu gdje mi prvi put u historiji ako se ne varam imamo to da osobe treće životne dobi znači, penzioneri i osobe treće životne dobi ne-će morati plaćati karte. Da je pokazna mjesečna za prigradske stotinu konvertibilnih maraka, gradske 60, cijene da su od marku i po do dvije i po. Mislim da je to skroz prihvatljivo za građane Tuzle i da ne govorim o 25% prosječne plate u Federaciji ko nema da će isto biti da neće morati plaćati ove karte.

Dakle, čestitam još jednom na odrađenom poslu. Naravno da će Klub vijećnika podržati ovo i da ponovo se ne vraćam na priču bila vanredna sjednica kako smo organizovali ne želim da pričam o tome, ali sam morao samo da kažem da imamo legitimno pra-vo da odreagujemo na nešto sa čime se ne slažemo a i druga strana ima pravo da suprotno misli. Hvala ljepo.

ANA PEJIĆ

Zahvaljujem se. Sljedeća za riječ javila se vijećnica Berisa Ahmetović. Izvolite.

BERISA AHMETOVIĆ

Valjda i ja nekad dobijem svoj mikrofoni. Evo ovako. U pogledu ove tačke dnevnog reda nekako ne znam vjerujte ni kako da krenem ali osjećam ovaj, potrebu da to trebam i evo ovaj, izraziti ću se na ovaj način kako sam, kako sam planirala. Naime, znam ja vjerovatno da to neće ničim rezultirati onaj, ali eto ostavili mi pravo da govorim pa evo iskoristiti ću svoje pra-vo pa evo nek se čuje i glas evo ispred Kluba i mene lično.

Najprije izražavam zadovoljstvo što evo ovaj, na inicijativu jel opozicije evo da dođemo jelde do zaključka da je bilo na inicijativu opozicije do-šlo je li do realizacije, odnosno evo do današnjih akata i što je proveden je li postupak Javne nabavke. Po mom mišljenju osoba koja radi je li na tim poslovima jedanaest, dvanaest godina korektno provedeno. Cijena da. U okvirima procjenjene vrijednosti u fening dostavljena ista od istog ponuđača. Okej. Nije bilo žalbi. Nema pravo ništa da govorim u tom kontekstu.

Međutim, ono što meni ostavlja nekakav prostor za govor jeste da danas pred sobom imamo prijedlog o novoj visini cijene karata u javnom prijevozu a to je jedna i po konvertibilna maraka za gradske a dvije i po za prigradske karte. Pardon.

Na prvi pogled ta razlika jelde djeluje logično kao neka refleksija kilometraže. Međutim, ako dublje sagledamo ovaj model jasno je, jasno se uočava u stvari diskriminacija po osnovu mjesta stanovanja a to je nešto što mi kao predstavnici svih građana Tuzle bi morali izbjeći. Tako građani iz Gornje Tuzle, Lipnice, Husina trebalo bi da su punopravni građani ovog grada. Jednako plaćaju poreze. Jednako učestvuju na izborima. Koriste gradske usluge i ne smiju biti finansijski kažnjeni zato što žive pet ili deset kilometara više od grada. Dovoljno im je što ne mogu pješke otići. Mjesto stanovanja ne smije određivati cijenu pristupa ovoj osnovnoj usluzi kao što je javni prevoz, ali ako dozvolimo ovakvu razliku ostaje nam i pitanje:

Hoćemo li mi sutra naplaćivati i školu, zdravstvo, administrativne usluge različito u zavisnosti od toga da li mi dolazimo iz Soline, Husina, Brčanske Malte i slično?

Dalje, nedostatak karata za učenike- studente. Koliko god ja u prethodnim diskusijama čula da je to riješeno je li od strane ministarstva, da je to već onaj...Evo prvo da kažem ono da se vratim na sami početak u stvari. Ne smatram da su visoke ove cijene. Međutim, nepravedne su u pogledu podjele kategorija. Grad ne bi smio unaprijed znači, razmišljati o tome da učenici imaju subvencije ili sufinansiranje od strane kantona. Hajmo sad to ostaviti na stranu. Zar da nam učenici, zar da dijete koje je četvrti, peti razred osnovne škole plaća jednako kartu kao ja koja imam možda 2 hiljade platu ili neko od nas ovdje? Mislim da je za-ista neprihvatljivo i da, da se od ono što bi rekli po-stanja ta cijena razlikovala i mora se i sad napraviti nekakva kategorizacija. To su upravo zaista one grupe koje najviše koriste javni prevoz i koje najteže mogu izdržat cijene. U mnogim gradovima u Bosni i Hercegovini upravo je ovo uređeno na drugačiji način. Očekivano je da će neko reći da je ovo nadležnost Ministarstva obrazovanja. Da tačno je da je obrazovanje u nadležnosti ministarstva, odnosno Vlade Tuzlanskog kantona ali ako, ali to ne oslobađa Grad od odgovornosti da u startu postavi pravednu tarifnu politku, a od ministarstva ćemo dalje tražiti ono što, što, što njih pripada. Grad određuje osnovne cijene i strukturu karata i ne može se prebacit sve na kanton.

Na koncu šta predlažem? Kažem u startu sam rekla vjerujem da neće biti prostora da se to usvoji ali evo moje je da predložim pa vi ovaj, razmislite, da razmislimo svi koji danas usvajamo ove odluke:

Da se cijene karata ujednače za sve mjesne zajednice na području grada Tuzla.

Zar nije bolje da to bude 2 marke za sve? Zar nije pravednije? Da ne pravimo podjela na gradske i prigradske.

Da se uvedu školske i studentske karte sa umanjenom cijenom.

Javni prevoz nije luksuz. On je osnovno javno dobro. Ako mi želimo jednak grad, jednak tretman građana i održivu mobilnost onda ova odluka mora biti zaista drugačija.

Zato vas pozivam da u interesu svih građana bez obzira na to gdje ko od nas živi glasamo protiv ovakve nejednake cijene i da zahtjevamo ravnopravnost. Da još jednom razmislimo zaista da li je ovo pravedno da se dijelimo na kate-gorije da moje dijete koje živi na Ceriku mora platiti 5 maraka u odnosu na nečije koje mora platiti 3 marke? Mislim da zaista nije pravedno.

I na kraju ako nemate sluha za navedeno, ako nemamo onaj, prostora da o navedenom razgovaramo ja moram da istaknem da će, da je Klub SDA i evo ja lično da smo ipak zadovoljni što je provedeno, što je cjelokupna procedura provedena i što će evo građani istina nejednako, nejednako tretirani ipak imat povoljnije uslove i lakše moći slati svoju djecu u školu, na treninge itd. Hvala puno još jednom.

ANA PEJIĆ

Zahvaljujem se. Sljedeći za riječ javio se vijećnik Dejan Kovačević. Izvolite.

**DEJAN KOVAČEVIĆ – vijećnik HDZ – BIH Hrvatske demokratske zajednice
Bosne i Hercegovine**

Hvala predsjedavajuća. Evo moje prvo javljanje. Prije svega evo veliki pozdrav za predsjedavajuću, dopredsjedavajući, sekretara, kolegice i kolege vijećnice i vijećnike, predstavnike službi, medije i sve ostale koji su prisutni.

Evo onaj, obično kažu da se ne ponavljamo a evo pošto je ovo kroz ove sve diskusije, informacije do sad povijesni trenutak za grad Tuzlu gdje konačno imamo mogućnost upravljanja javnim gradskim i prigradskim ovaj, prevozom treba se ponavljat i treba pohvalit.

Prije svega iskrene zahvale u svoje ime i ispred Kluba vijećnika HDZ-a Bosne i Hercegovine, ogromne zahvale prije svega gradonačelniku Grada Zijadu Lugaviću, radnom timu koje je učestvovalo u kompletnom ovom procesu, predstavnike gradskih službi koje su učestvovala tu, svim kolegicama i kolegama vijećnicama i vijećnicima koji su učestvovali od diskusija na sjednicama bilo one redovne ili vanredne i svima nama koji su doprinjeli da evo danas možemo ovaj, glasovat da evo konačno Tuzla može upravljat svojim javnim prevozom.

Dopunio bih samo jedno. Evo složio bih se sa većinom izlaganja kolega koji su ovdje u pozitivnom kontekstu, evo prije mene je i kolegica ova iz Kluba SDA komentirala. Moj također stav je da evo nekad u dogledno vrijeme ovaj, trebamo razmišljati o ujednačavanju cijene karte na svim, napodručju svih mjesnih zajednica grada Tuzla. Smatram da je ovo sve danas ovaj, prijedlog karte marka i po i dvije i po marke. Marka i po za gradske i dvije i po marke za prigradski ovaj, prevoz je kao neki start s kojim bi mi počeli, ali evo nadam se da u neko dogledno vrijeme nakon godinu dana kad napravimo evo reviziju svega ovoga i kad budemo novi ugovor potpisivali sa pružiocem usluga da ćemo evo mo-ći razmišljati o tome da cijena prevoza u svih 40 mjesnih zajednica i na svim linijama bude ista.

Vratio bi se evo i na vanrednu sjednicu i jedno od redovnih i na zaključke koje smo donjeli tada da potpisivanje ugovora sa evo po, ponudiocem usluga koji bude na ovom javnom natječaju za gradski i prigradski prevoz je jedan prelazni period. Ja koliko se sjećam da je ovo kratko, kratkoročno rješenje, a naše dugoročno rješenje i naš za-datak je da mi osnujemo svoje ovaj, da grad Tuzla ima da osnuje svoje javno poduzeće javni gradski i prigradski saobraćaj.

Tako da evo vraćamo se ponovo. Ovo je kažem i evo onaj, ponukan zaključcima od nekih prijašnjih sjednica ovo je kratkoročno rješenje po meni za sada i u ovoj situaciji i u ovim ekonomskim uvjetima idealno i na kraju ovaj, nadam se da će građa-ni i ovaj, biti za-dovoljni ovim i da će evo znači, da će se nakon nekog vremena onaj, pokazat da je ovo stvarno jedan dobar potez svih nas. I još jednom na kraju iskrene zahvale svima koji su učestvovali da se ovaj projekat dovede danas do kraja. Hvala vam.

ANA PEJIĆ

Zahvaljujem se. Sljedeći za riječ javio se vijećnik Nedžad Jusić. Izvolite.

NEDŽAD JUSIĆ

Hvala predsjedavajuća. Mnogo su toga rekli kolege kolegice. Ja bih prije nego nešto kažem o ovim odlukama želim da napomenem da je parlamentarna demokratija komplikovana i treba je razumit. Neko je razumije, neko ne. Tu imamo mnogo štošta. Sad ne bih o tome otvarao nikakve diskusije, ali moramo na kraj krajeva i oko toga se malo pozabaviti kad smo već tu šta u stvari znači parlamentarna demokratija.

Želim...Zbog čega sam se u stvari javio najviše? Najviše zbog zbog stenograma i ovog zapisa da ostanem negdje tam zapisan, da ostane tam negdje zapisano da sam glasao za današnju odluku i za današnje ove akte koje ćemo ja se nadam jednoglasno usvojiti i velika mi je čast i zadovoljstvo bilo nekad davno 2003-će ja mislim, četvrte, kada se trebala donjeti Odluka o otvaranju „Pannonice“ i tada sam bio jedno kratko vrijeme vijećnik al sam tad baš bio u tom periodu kada smo usvajali Odluku i tada mi je velika čast i zadovoljstvo bilo što sam bio jedan od tih koji je glasao da imamo danas Panonska jezera u gradu Tuzla.

Takođe ću se osvrnuti...Kolege su dosta toga rekle. Evo možda i jedno pitanje za milion dolara: Ko je u stvari zaslužan za ovo sve?

Za ovo sve su zaslužni građani. Oni su zaslužni za ovo sve. Mi smo samo ovdje da ispoštujemo njihove potre-be jel je njihova potreba da him mi obezbjedimo taj prevoz, a s druge strane ta-ko-đe velka je oba-veza gradonačelnika i Službi u gradu da se obezbjede finansijska

sredstva. Ni-je malo. Razlika je nekih 4 koma 4 miliona maraka treba se obezbjediti, što znači sa nekih drugih Budžetskih linija treba se skinuti preraspodijeliti da bi zadovoljili potrebe građana grada Tuzle.

Vrlo je važno. Ovo je kolega Dejan rekao al ja ću jo-š jednom da podcrtam da imamo penzionere i djecu do 6 godina koji će imati besplatan prevoz u gradu Tuzla kao i ona lica koja ne-ma-ju primanja veća od 25% od prosječne plate, a prosječna plata je negdje oko hiljadu i po maraka što znači po jednom članu domaćinstva negdje oko 400 maraka ukoliko nemaju primanja i oni će imati besplatan prevoz. I zbog toga je vrlo važna ova odluka.

I još jednom želim na kraj krajeva da se i ja zahvalim gradonačelniku na hra-broستی između ostalog na ovim odlukama jel ipak nije malo. Ponovo se vraćam na tome. Otprilike tih nekih 4 koma 4 miliona treba se nado-mi-riti iz postojećeg Budžeta i nek nam je svima Bog na pomoći da ovaj, obezbjedimo ta finansijska sredstva i da naši građani grada Tuzle imaju adekvatan prevoz. I normalno da ću glasat za ove sve odluke. Hvala.

ANA PEJIĆ

Zahvaljujem se. Sljedeći za riječ javio se vijećnik Mirza Malkočević. Izvolite.

MIRZA MALKOČEVIĆ

Evo tu sam ja. Jel sad ide ono teško je govorit posle Jusića? Evo prije svega da se zahvalim svima koji su učestvovali u ovako velikom projektu posebno gradonačelniku i njegovom ti-mu.

Ja ću samo par stvari evo koje su se hvala Bogu posložile pogotovo vezano za ovaj, besplatne karte za naše penzionere. Samim tim pokretanjem dnevnog centra u Domu penzionera naši penzioneri koji ni-su bili u mogućnosti da plate sebi kartu i da dođu do Doma penzionera sad će imat besplatnu kartu, tako da ćemo i samim tim pokazujemo da i dalje Gradsko vijeće misli na naše penzionere i penzionerke i da ćemo zatvorit taj jedan krug gdje će svi građani imati jednaka pra-va.

Slažem se i sa Dejanom i sa kolegicom vezano za, za cijenu karte, al mislim da trebamo dati vremena da vidimo kako funkcioniše sistem da li ima neke nedostatke pa da nakon toga možemo da korigujemo i cije-ne.

Vidim bitno je, ponovo ću naglasiti da je bitno da napravimo da pogotovo vikendima prigradske linije moraju imat kasne linije tj. u 23 sata, jel zaslužuju studenti i djeca da mogu da izađu da ne bi bilo da moramo u devet sati da se vraćamo kući. I još jednom sve pohvale i prijatno.

ANA PEJIĆ

Zaključujem diskusiju Klubova vijećnika.

Otvaram raspravu vjećnika. Vijećnica Svjetlana Kakeš. Izvolite.

SVJETLANA KAKEŠ

Hvala predsjedavajuća. Evo ja ću nastojat bit kratka jer zaista su kolege i kolegice dosta toga rekle. Naravno morat će se nešto i ponovit.

Svi smo svjesni da je i Gradska administracija i Gradsko vijeće se s ovim problemom suočilo sa jednim od najvećih izazova u zadnjih nekoliko godina i evo izrazili su mnogi zadovoljstvo da se zaista na, na zaista vrlo, vrlo brz i efikasan način evo došlo do zadovoljavajućeg rješenja. Čak smo imali i jedan pokušaj koji nije, jedan model koji nije uspio

i evo ovaj, ovaj drugi se nadamo da će uspjeti. I to ne samo da smo došli do rješenja o uređenju ovaj, gradskog javnog prevoza nego smo čak i došli do rješenja koje je znatno i jeftinije i znatno uređenje od onog kojeg smo imali prije nego što se sve ovo pokrenulo. Ovim aktivnostima i kroz ove dokumente koji su danas ovdje pred nama i koje treba da usvojimo o kojima danas odlučujemo utvrđene su znatno povoljnije cijene i znatno bolje se vrši i nadzor nad obavljanjem ove usluge i kontrola.

Ono što možda nije, nije pomenuto očekivanja su ja mislim od svih nas a koliko znam i od Gradske administracije pogotovo što se dio sredstava izdvaja iz Budžeta i što se očekuje da se prodajom karata ostvari određeni prihod, odnosno da se namire određena sredstva cilj je i da se ovim cijenama potaknu naši građani da što više koriste javni prevoz kako bi evo i ova očekivanja ispunili a i znamo da korištenje javnog prevoza ima i druge benefite smanjenje ovih saobraćanih gužvi kojima smo svjedoci, smanjenje zagađenja i ostalo sve što, što to nosi sa sobom.

Ja bih samo još ovaj, voljela evo da skrenem pažnju, mada mislim da su nadležne gradske službe već i razmišljale o tome i sigurna sam jer znam način na koji razmišljaju da će na tome i raditi. Ali smatram da treba na što jednostavniji način organizovati, odnosno osmisliti kupovinu ovih mjesečnih ovih karata za, za ove kategorije kako bi i na taj način potencirali i omogućili građanima da na što jednostavniji način dođu do ostvarenja tih povlastica.

Pored toga da bi ovaj prevoz bio što atraktivniji i privukao što više korisnika. Ne znam da li je to planirano? Al svakako bi bilo poželjno, jer znamo iz iskustva dosadašnjeg da su bile i neredovne i nepouzđane autobuske linije. Mislim da bi trebala ako je u skladu sa mogućnosti Služba za komunalne ili da zato zaduži ovog prevoznika da učini što dostupnijim redove vožnji, da objave ih kako na web stranici prevoznika možda i na web stranici Grada i na ostalim portalima koje izraze volju da to objave. Ali isto tako bilo bi dobro i da se postave oglasne table na autobuska stajališta sa približno tačnim redom vožnje dolaska autobusa na određeno stajalište kako bi se animiralo što više građana da pouzdaniji prevoz koriste i da ovo zaživi što bolje. Eto.

I izvinjavam se. Ja zaista osjećam dug. Mnogi su ovaj, pohvalili, al zaista ovakva vrsta odluke i ovakva vrsta rješenja za ovu problematiku je moguće i jedinstvena možda i u našoj državi i zaista sve pohvale zaslužuju i radni tim i nadležne gradske službe a naravno i gradonačelnik za ovo kako su iznašli ova rješenja. Ovdje smo pričali nije ni bitno ko je inicirao, šta je, ali ipak ovo je trebalo dovest do realizacije i osmislit i sve to uklopit u zakonske okvire.

Zaista smatram da sve pohvale za angažman i za efikasnost za ovako brzo nalaženje rješenja zaslužuju Službe i radni tim. (MENSUR ALIĆ – I Gradsko vijeće.) I Gradsko vijeće. Da.

ANA PEJIĆ

Zahvaljujem se. Sljedeća za riječ javila se vijećnica Ajla Kuluglić. Izvolite.

AJLA KULUGLIĆ

Eh evo ovako. Ja ću biti brza ovaj, i evo trudit ću se da budem i kratka pa ću preskočit sve ove, ove zahvale. Ja se...I pohvale.

Ja se slažem znači sto procentno sa kolegicom Berisom sve, sve što je ona navela i mislim da zaista nije u redu da nemamo odvojeno džačku, odvojeno radničku, radničku kartu obzirom na, na to da je različiti izvor, izvor finansiranja itd. Ali evo ona je sve rekla što se toga tiče ne bi ja više duljila.

Mene zanima konkret-no vezano...Odnosno odluka je li ova o utvrđivanju cjenovnika tačnije član 4. Korisnici besplatnog javnog linijskog prijevoza tačka c)?

U kontekstu te tačke zanima me samo da li je se vodilo računa o tome da učenici evo imaju određene subvencije od ministarstva?

I kako je tehnički planirano da se, da se to izvede?

Evo možda sam ja nešto propustila. Izvinjavam se ako jesam.

Znači, ovdje kaže: Da sve osobe u stanju socijalne potrebe čiji ukupan prihod po članu porodičnog domaćinstva mjesečno ne prelazi 25% prosječne mjesečne neto plaće.

To bi bilo negdje tristo, tristo Azra, 390 konvertibilnih maraka po, po članu domaćinstva. Nažalost smatram da je evo u našem gradu ovaj, veliki broj porodica koje bi se uklopile u ovaj, u ovu tačku c) nažalost i u tim porodicama imamo onako i dva i tri učenika.

Mene sad zanima: Da li to znači, da cijela porodica evo recimo ako broji 5 članova da svi oni ostvaruju pravo na besplatnu mjesečnu kartu i u kontekstu evo vezano za subvencije koje imamo od, od ministarstva?

Samo ta tehnička priroda. Ovo ostalo evo slažem se sa svime (ANA PEJIĆ – Molim vas bez dobacivanja.) sa svime što je ovaj, Berisa rekla. Et. Samo, samo član 4.

ANA PEJIĆ

Zahvaljujem se. Zahvaljujem se vijećnici Ajli Kuluglić. Obzirom da ne...Evo vijećnik Mensur Alić još javlja se. (MENSUR ALIĆ - Nema više prijavljenih za diskusiju.) (SLAĐANA KRAJINA – Ima vijećnica Azra Feukić se javila.)

ANA PEJIĆ

Nema veze. Evo Mensur Alić, pa Azra Feukić. U redu.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Evo ja ću na, na na tragu diskusija mnogih vijećnika i prijedloga kad je u pitanju cijena ovaj, i ja sam i prije nego što će se ova uredba i donjeti ja sam govorio i predlago da bude ista cijena za sve mjesne zajednice i grad.

I sad ću predložiti u ime svih onih koj su pominjali ovo pitanje jedan zaključak ili preporuku:

Da se u narednom periodu razmotri mogućnost da se izmjeni, pošto se danas ne može mijenjat cijena zato što se amandmanski mora djelovati, da se ovaj, da se razmotri mogućnosti, mogućnost da budu cijene iste dvije marke i za grad i prigradske mjesne zajednice.

Ne bi se...Sad Denis je predložio ovo za određene mjesne zajednice. Mislim da bi ovo bilo najbolje u paketu da riješimo s-ve i onda bi bili svi zadovoljni.

Zbog toga evo i na tragu tvog, tvoje diskusije i na tragu ovaj, Berise, pa na tragu Mirze, pa svih ostalih vijećnika koji su ovdje da ne pominjem više, al u ime svih pogotovo Damjana. U ime svih ovih vijećnika (Smijeh.) (ANA PEJIĆ - Molim vas bez dobacivanja.) predlažem ovaj zaključak na kraju da se ovaj, glasat ćemo o njemu naravno. A ja predlažem taj zaključak. (AZRA FEUKIĆ – Evo mogul ja?)

ANA PEJIĆ

Zahvaljujem se. Samo malo molim vas. Replika vijećnica Berisa Ahmetović. Denise Bećiroviću i vi ste replika? Okej, Okej.

BERISA AHMETOVIĆ

Ja ću kratko samo onaj. Hvala kolegi Mensuru ovaj, apsolutno se slažem da trebamo makar evo u najmanju ruku to zaključkom precizirati na način ovaj, kako je on rekao ali da to bude sa malom izmjenom.

Da preciziramo tačno vrije-me ka-da ćemo o tome razmatrati.

Da to ne bude u dogledno vrijeme ili ne znam ni ja tako neodređen period, nego evo da bude nekih možda 90 da-na od momenta usvajanja i stupanja na snagu u stvari same odluke i pravila koja ona precizira pa da vidimo koji su to pokazatelji. U tom kontekstu se slažem sa navedenim. Hvala.

ANA PEJIĆ

Zahvaljujem se. Replika vijećnik Denis Bećirović. Izvolite.

DENIS BEĆIROVIĆ

Hvala predsjedavajuća. Evo ja bih pozdravio ovaj zaključak kolege Alića. I evo možemol kolega spojiti nekako zaključke obzirom da sam i ja tražio tu mjesečnu kon-trolu? Pa na tom presjeku da vidimo da pripremimo jedan prijedlog odluke za poravnanje cijena i da možda s time evo idemo i prema javnosti i da javnost bude upoznata da evo da tražimo neko optimalno rješe-nje u doglednom, doglednom vremenu kako je koleginica rekla 90 da-na. Mislim da može sve bit u jednom zaključku obuhvaćeno i da bude zajednički prijedlog. (MENSUR ALIĆ – Može.)

ANA PEJIĆ

U redu. Zahvaljujem se. Diskusija vijećnica Azra Feukić. Izvolite.

AZRA FEUKIĆ – vijećnik SDA – Stranke demokratske akcije

Evo i ja ovaj, pozdravljam sve prisutne. Pa ništa evo ovaj, sve su, sve su kolegice rekle. Mene interesuje samo ovdje vrsta linije ne vidimo nigdje Simin Han obzirom da se ne pripada ovdje nigdje u, u ovoj vrsti linije pa da li nam može neko reći ovaj, da li, da li je uvršteno u koju kategoriju prigradsku ili gradsku?

I evo ovaj, obzirom da je Mensur nas sve saslušao i predložio ovaj amandman dobro bi bilo jel da se košto je Berisa kolegica rekla (ANA PEJIĆ – Zaključak.) da neki rok u narednom periodu kad, kad će taj amandman bit. Zaključak u stvari bit. Kad, kad će bit ovaj, amandman kad će bit u, u, u svojen. (ANA PEJIĆ – Zaključak, zaključak je u pitanju nije amandman.) Jest. Dobro zaključak.

I zanima me gdje je...Da li Simin Han pripada prigradskom dijelu ili gradskom obzirom ovaj, da se Gornja Tuzla nalazi evo zna Mensur ni 2 kilometra nije sad od Simin Hana i ne bi bilo fer jel da, da, da karta, ni pošteno do Simin Hana iznosi marku i po a do Gornje Tuzle dvije, 2 i po konvertibilne marke? Ja. U tom, u tom smijeru evo sam se i ja javila.

I evo ako nam neko može odgovoriti kojoj vrsti linije ovaj, tj. kategoriji pripada Simin Han?

ANA PEJIĆ

Zahvaljujem se. Da li se još neko javlja za diskusiju? (MENSUR ALIĆ – Danijele jesi se javio ti?) (Dejan sam ja.) Dejan Kovačević. (MENSUR ALIĆ – Dejan ja hajde.) DeJane jeste vi se javili? (DEJAN KOVAČEVIĆ – Replika.) Replika. Dejan Kovačević. Kome replika? (MENSUR ALIĆ – Meni.) (DEJAN KOVAČEVIĆ – Kolegama koji su prije mene replicirali.) Izvolite. Izvolite.

DEJAN KOVAČEVIĆ

Hvala predsjedavajuća. Ja ne znam trebam onaj, navodit imena kolegama? (ANA PEJIĆ – Ne.) Netrebam. Pozitivna je replika.

Evo ovaj, pohvalio bih evo od kolege Mensura ovaj zaključak i dodao bih, dodao bih još evo i nadovezao bih se na zaključke kolegica koja su ovaj, prije mene predlagale.

Međutim, evo samo bi nešto dodao u smislu vremenskog ograničenja.

U svom izlaganju sam ja već naveo da se zalažem da se izjednači karta gradskog i prigradskog sviju 40 mjesnih zajednica gdje god ide ovaj, i to će nam dugoročno kad budemo mi imali svoje kao grad Tuzla imali svoje preduzeće to će nam biti evo na, na ovaj, na primjer i na uzor nekih drugih Evropskih gradova kako to oni rade.

Međutim, što se tiče vremenskog okvira ka-da da mijenjamo to, evo pošto sada ne možemo mijenjat. Ne bi možda bilo ni korektno ovaj, po meni neki kraći vremenski period bi ne bi bio relevantan evo po pitanju i ovih rebalansa Budžeta i svega ovog što slijedi usled ovih odluka.

Ja bi evo kroz zaključke dosadašnje koji će već ići samo da taj vremenski okvir bude godinu dana pošto nakon evo kroz ove odluke ovamo da se ne vraćam. Nakon godine da-na ponovno potpisujemo tj. obnavljamo ugovor sa pružaocem usluga pa mislim da je godina dana jedan referentan vremenski period kroz koji mi možemo vidjeti i prihode i rashode i sve ono što se događa onaj. I mi ne znamo ni kako će ići ni cijene goriva ni svega ostalog.

Evo ubrzat ću. Samo da nam evo ako se slažete da nam taj vremenski period za odlučivanje promjeni karti bude onaj, na osnovu ovog godinu dana tako da ćemo imat malo bolji uvid. Hvala.

ANA PEJIĆ

Zahvaljujem se. Evo replika vijećnik Mensur Alić. Izvolite.

MENSUR ALIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Pa mislim da je ovaj, Berisa htjela replicirat ali na istom smo putu sigurno ovaj, ja mislim Damja...(DeJane.) DeJane da se ovaj, ne, ne obuhvata godinu dana ovo što smo mi, što sam ja predložio zaključak u ime vas svih. Ovo može biti najviše 90 dana jer se, ovdje se samo vrši dopuna odluke, izmjena odluke će se vršiti a tvrdim i garantujem finansijski da će bit bolji rezultati kada bude ista karta i za grad i za mjesne zajednice. I lakše...I bit će lakše svima, a mislim da će finansijski rezultat bit daleko bolji. Hvala.

ANA PEJIĆ

Zahvaljujem se. Replika...Samo malo. Replika vijećnica Berisa Ahmetović, pa vijećnik Dejan Kovačević. Izvolite.

BERISA AHMETOVIĆ

Hvala predsjedavajuća. Replika je kolegi Dejanu također. U pravu je bio kolega Mensur. Slažem se apsolutno da je predugo godina dana. Da je 90 dana ono što bi rekli kako se kaže 100 dana da vidimo kako radite pa tako i ovo ovaj, da je dovoljan vremenski period koji će nam pokazat šta možemo šta ne možemo. Također ne znači da ćemo mi imat potrebu da više izdvajamo sredstava. Možda to čak bude i manje samo drugačije formulisano ovom odlukom. U tom smislu i dalje sam na tom tragu da je 90 dana sasvim okej i mislim da trebamo ići u tom pravcu.

A kad je u pitanju samo potpisivanje pojedinačnih ugovora u skladu sa Zakonom o javnim nabavkama ništa se neće promijeniti. Taj ugovor se mora potpisat u skladu sa okvirnim sporazumom i neće apsolutno ništa uticati na, na ovu činjenicu. Tako da nema potrebe vezivat se za navedeno. Hvala.

ANA PEJIĆ

Zahvaljujem se. Replika vijećnik Dejan Kovačević. Izvolite.

DEJAN KOVAČEVIĆ

Ništa samo hvala. Replika kolegici, kolegi Mensuru. Ovaj, na tragu smo istog slažem se s vama u potpunosti. Ja sam samo mislio da se uzme jedan relevantan vremenski okvir al ako se vremenski okvir smatra da je referentan od 90 dana slažem se u potpunosti ovaj, i ključna je stvar da izjednačimo, u konačnici da izjednačimo karte da se od Ljubača do Gornje Obodnice i od Par Sela do Čanića može doći za dvije marke tako da evo. Hvala vam.

ANA PEJIĆ

Zahvaljujem.

S obzirom da nema više prijavljenih vijećnika za diskusiju ja ću samo pozvati obrađivača da odgovori na pitanja koja su proistekla iz diskusija, a evo bilo je nekoliko pitanja pa samo ne znam ko će odgovoriti?

Evo pomoćnik gradonačelnika iz Službe za komunalne poslove gospodin Miralem Mulać.

**MIRALEM MULAĆ - pomoćnik gradonačelnika za Službu za komunalne poslove,
izgradnju i poslove mjesnih zajednica**

Evo ja ću samo par pojašnjenja da bude možda i jasnije bit će možda kroz to objašnjenje i dat odgovor na ova, na ova pitanja.

Što se tiče ovog okvirni znači, zato se i zove okvirni sporazum. Mi potpisujemo nakon okvirnog sporazuma ugovor koji će biti potpisan u periodu do kraja, kraja ove godine. Znači, na-ma je ci-lj, evo pošto je sada u prvoj fazi da besplatne karte budu penzioneri i sve ove kategorije da u narednom periodu znači, kad mi dobijemo određene, određene podatke od prodaje karata i svih ovih kontrola koji...Tek nama sad veliki poso predstoji i pred Službom i

pred svim ovaj, ostalim službama Grada Tuzle. Mi ćemo u narednom periodu težiti da još određene kategorije smanjimo. Znači, cilj je da bude što više besplatnih karata, a takođe da povećavamo broj polazaka kroz red vožnje.

Mi sada smo u ovom trenutku znači, uzeli iz postojeće studije, studije, saobraćajne studije podatke vezano od ovih 15 linija i razgraničene na gradske i prigradske, prigradske linije i ovo je sada nama kako da kažemo jedan početak ra-da, a znamo krajnji cilj...Evo mi znamo neki gradovi imaju besplatno za sve određene karte, ali naravno moramo, moramo voditi računa jer se radi o Budžetskim sredstvima vidićemo kroz ove kontrole koliko će biti priliv od ovih karata.

Moram reći znači, u tenderskoj dokumentaciji je strogo navedeno i evo znači, ovaj ponuđač koji je zadovoljio sve ove, sve uslove tendera je navedeno da mora imati taj digitalizovani softverski sistem koji će biti ustupljen. Evo po našim vjerovatno slede sledeće određene odluke, pravilnici koje treba sve dovesti u pravom smjeru da naše Javno preduzeće Saobraćaj i komunikacije preuzme taj softver koji, tako da će se pratiti linije preko GPS-a, pratiti, pratiti polasci, odlasci itd. Evo tu ima u izmjeni odluke kako će se vršiti kontrola. Ko sve vrši kontrolu. Takođe će se formirati jedan operativni tim koji će raditi na svim ovim stvarima od kontrole, nadzora i svega toga, pa evo i kontrole provođenja ovoga, ovoga ugovora.

A u Službi za komunalne poslove znači, morat će se otvoriti i plan je već kroz sistematizaciju da kao jedno trajnije rješenje znači, da jedno odjeljenje, jedan sektor koji će imati saobraćajni aspekt koji će nastaviti rad i na kontroli i na svemu ostalom.

ANA PEJIĆ

Zahvaljujem se gospodinu Miralemu Mulaću. Aha evo ima još jedno pitanje.

MIRALEM MULAĆ - pomoćnik gradonačelnika za Službu za komunalne poslove, izgradnju i poslove mjesnih zajednica

Zaključak oko cijene. Ja mislim, jer mi zaključujemo ugovor do kraja godine i mi na osnovu tih analiza bilo bi dobro znači da taj zaključak bude vezan za kraj ove godine, odnosno realizacije ovog prvog ugovora koji ćemo potpisati sa, sa davaocem usluga.

Znači, mi sledeće godine znači, od 1. januara potpisujemo no-vi ugovor i onda mi imamo sve ove elemente da mijenjamo odluku o jedinstvenoj cijeni na svim prigradskim i gradskim linijama.

Morate shvati da smo mo-rali krenuti sa nekom polaznom osnovom, a ta polazna osnova je bila ta studija i evo postojeće neko stanje sa redom vožnje i sa definisanim gradskim i prigradskim linijama.

ANA PEJIĆ

Zahvaljujem se. Evo vijećnik Denis Bećirović. Izvolite.

DENIS BEĆIROVIĆ

Hvala. Miraleme definitivno jedini put koji ste imali njim ste i prošli i svatam količinu posla koji ste uradili, svatam pritisak koji ste imali.

Mene dakle, samo zanima da li je ovo sad što ste mi rekli dakle, realno praćenje?

Vi, odnosno mi i Gradska služba ima mogućnost da u realnom vremenu u svakom trenutku vidi gdje se koji autobus nalazi i gdje se koji autobus kreće i u realnom vremenu kad

neko uplati kartu i onaj službenik u autobusu isporuči kartu putniku mi znamo da je karta kupljena. O tome, o tome pričam. Ja sam vas tako razumio. Rekli ste onaj, imate softver.

Dakle, da li to znači da mi u svakom trenutku...Jer pazite. Kako da mi vjerujemo nekome ko je ovaj, ko, ko nije iz ove strukture dakle, kome mi dajemo na povjerenje novac be-z da imamo elemente i (nerazgovjetno izgovorena riječ op.a.) kojima možemo pratit?

To je opet problem vama. Znae zašto?

I drugo pitanje niste mi odgovorili dakle, član 2:

Zašto se nije gradonačelnik potpisao?

Tu nemam problem bogami da budete vi. Stvarno nemam ništa protiv. Samo me zanima taj aspekt i aspekt dakle:

Da li moramo potpisat taj drugi, treći enti ugovor dakle, cijeli ciklus od 4 godine, da li postoji dakle, izlazna strategija?

Ukoliko kaemo okej ljudi ovo ne-ide ovako neki poremećaj na tržištu se može desit negativan po, po, po čitav, čitav, čitav geopolitički svijet dakle, imamo mi (nerazgovjetno izgovorena riječ op.a.) da kaemo okej do ove mjere smo poslovali dalje u minus nećemo ići, ne možemo, zatvorit ćemo, pro-ba-li smo i dobro je što smo probali i treba probat dakle, mi moramo to je komunalna djelatnost moramo ići to je odlaganje.

Dakle, imal mogućnost da se to ograniči i da se kaže: Okej nećemo više ako nam ne odgovara ili mijenjamo uslov i otvaramo novi tender ili nešto slično od toga.

MIRALEM MULAĆ - pomoćnik gradonačelnika za Službu za komunalne poslove, izgradnju i poslove mjesnih zajednica

Znači, mi najveći aspekt posle ovoga sada potpisivanja evo okvirnog sporazuma i novog ugovora je ba-š bačen na detalj kontrole. Znači, ovdje će tačno biti imenovano znači, u sledećoj fazi će biti imenovana lica i segmenti javnih preduzeća koji će se uključiti u kontrolu.

Znači, ova firma će dostaviti softver za kretanje vozila sa GPS-om koji će biti na raspolaganju našem javnom preduzeću naravno zajedno sa Službom za komunalne poslove i druga stručna lica koja će pratit. Takođe sistem naplate karata će biti takođe kroz digitalizaciju vezan za provjeru. Naravno imat ćemo i kako da kaemo onu operativnu kontrolu ulaska u autobus gdje će komunalna inspekcija ulaziti i provjeravati. Imamo i kaznene odredbe po tom pitanju.

Naravno ovaj okvirni sporazum i ovi ugovori znači, mi možemo u bilo kojem trenutku raskinuti ugovor ako ne dođe i to je tačno i navedeno i bit će navedeno kako u okvirnom sporazumu tako i u ovim, ovim ugovorima pojedinačnim i vjerujte da je bolje što budemo više ugovora pojedinačnih pisali, jer ćemo tada imati vremena da mijenjamo evo određeno cijene da stavljamo, stavljamo neke kategorije u besplatan prevoz itd.

Vjerujte evo mogu reći onako nezvanično ali evo da znate. Znači, premijer Tuzlanskog kantona i iz ministarstva su kontaktirali nas, našu Službu u smislu da vide ovaj urnek kako smo mi odradili i že-le na sličan način da odrade, odrade na području kantona sa nekim određenim specifičnostima. Što, znači, evo ovdje moram stvarno za vrlo kratak period...Evo mnogi vijećnici su uvidili da za vrlo kratak period je odradeno dosta posla naravno evo kroz radne timove i stručne analize a te-k nam sad možemo reći 10% smo posla odradili veliki dio posla predstoji i u narednom periodu da ovo implementiramo.

ANA PEJIĆ

Zahvaljujem se gospodinu Miralemu Mulaću.

Zaključujem diskusiju vijećnika.

Te stavljam na izjašnjavanje informac...(SLAĐANA KRAJINA – Samo malo. Konstatuj, konstatuj.) Samo malo.

Konstatujem da je Gradsko vijeće Tuzla primilo k znanju INFORMACIJU O PROVEDENOM POSTUPKU JAVNE NABAVKE USLUGA OBAVLJANJA KOMUNALNE DJELATNOSTI JAVNOG LINIJSKOG PRIJEVOZA PUTNIKA NA PODRUČJU GRADA TUZLA.

Stavljam na izjašnjavanje Odluku o povjeravanju obavljanja komunalne djelatnosti javnog linijskog prijevoza na području grada Tuzle,

Odluku o izmjenama i dopunama Odluke o uslovima i načinu organizovanja komunalnog javnog linijskog prijevoza putnika na području grada Tuzle i

Odluku o utvrđivanju cjenovnika svih vrsta vozničkih karata za sve kategorije putnika javnog linijskog prijevoza na području grada Tuzle, te vas molim da se izjasnite. Molim vas samo za tišinu. Glasanje je okončano.

Konstatujem da su pročitane odluke usvojene sa,
25 glasova za, nije bilo protiv i nije bilo suzdržanih.

Dajem pauzu od 10 minuta.

(Pauza.)

Pozivam vijećnike da uđu u salu kako bismo nastavili sa radom.

Pozivam vijećnike da uđu u salu kako bismo nastavili sa radom.

Zamoliti ću sekretara da pročita zaključke proistekle iz diskusije.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se na mjesečnom nivou izvještava o utrošku sredstava, prihodu i rashodu i broju pređenih kilometara kao i o načinu na koji se to utvrdilo.

- Gradsko vijeće Tuzla sugerše da se razmotri mogućnost da se, najkasnije za 90 dana, ukoliko to ekonomski pokazatelji budu dozvolili, pripremi izmjena Odluke o utvrđivanju cjenovnika svih vrsta vozničkih karata za sve kategorije putnika javnog linijskog prijevoza na području grada Tuzle na način da se cijene karata ujednače za sve mjesne zajednice na području grada Tuzla odnosno da se ukine razlika na gradske i prigradske linije te da cijena karte pojedinačne linijske vozne karte za sve linije iznosi 2 konvertibilne marke.

- Gradsko vijeće Tuzla sugerše da se razmotri mogućnost uvođenja školske i studentske karte sa umanjenom cijenom.

- Gradsko vijeće Tuzla traži da se prihodovna sredstva od 2.400.000 konvertibilnih maraka troše kao namjenska za osposobljavanje vlastitog preduzeća odnosno za stavljanje u funkciju postojeća 2 autobusa koja bi vozila kružne linije.

ANA PEJIĆ

Stavljam na izjašnjavanje pročitane zaključke. Glasanje je okončano.

Konstatujem da su pročitani zaključci usvojeni sa,
25 glasova za, nije bilo protiv i 1 suzdržani.

Prelazimo na sljedeću tačku dnevnog reda:

RAZMATRANJE I USVAJANJE ODLUKE O IZMJENAMA ODLUKE O JAVNIM PARKIRALIŠTIMA NA PODRUČJU OPĆINE TUZLA.

Predlagач: gradonačelnik Grada Tuzla.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalne poslove i pitanja mjesnih zajednica kao i klubovi vijećnika.

Amandman na prijedlog Odluke o izmjenama Odluke o javnim parkiralištima na području Tuzle podnio je vijećnik Mirnes Ajanović. Amandman vijećnika Ajanovića ste dobili putem e-maila kao i u materijalu podijeljenom pred sam početak današnje sjednice.

Da li ima potrebe da se, uvodnim izlaganjem? (Nema.)

Da li ima potrebe da se pročitaju izvještaji Komsija? (Nema.)

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika. Vijećnik Ibeljić Anel. Izvolite.

ANEL IBELJIĆ – vijećnik SDP - Socijaldemokratske partije Bosne i Hercegovine

Hvala predsjedavajuća. Nisam ovaj, mogao da se ne javim po ovoj tački današnjeg dnevnog reda. Prije svega želio bih da se zahvalim Službi za komunalne poslove ali i svakako i direktoru Javnog komunalnog preduzeća Saobraćaj i komunikacije koji su u proteklom periodu stvarno bili angažovani na pripremi i izradi ove današnje Odluke koja je plod, rezultat djelovanja svih nas ovde. Većina nas je podnosila i inicijative, mnogobrojne diskusije smo imali povodom ove tačke dnevnog reda i evo sve je to rezultiralo plodom, odnosno na način da imamo po meni sada mnogo prave-dniji odnos prema našim građanima.

Ono što je veoma važno istaći to je da se ovom izmjenom Odluke o javnim parkiralištima ukida blokada vozila koji nisu platili parking, a umjesto toga se izdaje ili doplatna karta ili prekršajni nalozi.

Ono što treba istaći i napomenuti jeste da će se ova Odluka početi primjenjivati tek onda kada Javno komunalno preduzeće Saobraćaj i komunikacije dobije sve potrebne saglasnosti i odobrenja da bi moglo obavljati tu vrstu poslova, odnosno da bi im bila povjerena mogućnost da izdaju prekršajne naloge, te ću ja ovaj, predložiti jedan zaključak:

Da se po usvajanju ove Odluke zaduži Javno komunalno preduzeće Saobraćaj i komunikacije d.o.o. Tuzla da u što skorijem roku po usvajanju Odluke krene u proceduru pribavljanja svih potrebnih saglasnosti radi realizacije ove odluke.

Pored toga ne mogu se dotaći i činjenice koja je veoma aktuelan u posljednje vrijeme, a to su parking mjesta. Moram naglasiti da Javno komunalno preduzeće Saobraćaj i komunikacije stvarno veoma aktivno radi na rješavanju saobraćaja u mirovanju, kreiranju novih parking zona, te ću predložiti jedan zaključak:

Da se zaduži Javno komunalno preduzeće Saobraćaj i komunikacije da u što skorijem roku krene sa realizacijom izgradnje parking garaže na Slatini i kod UKC-e Tuzla iz razloga što su to dva mjesta u gradu gdje nam je trenutno parking ne-op-ho-dan, potreban, odnosno potrebni su novi kapaciteti i veliki broj no-vih parking mjesta jer je očigledno nezadovoljstvo građana na području naselja Slatina, ali svakako i svih onih korisnika UKC Tuzla.

Neposredno prije ove sjednice u materijalima sam vidio da je kolega Dejan ovaj, podnio jednu inicijativu za postavljanje odbrajivača vremena na semaforima u Tuzli koja je evo nije

stvarno kolega mogao ni znati još u prošlom mandatu smo mi to pokrenuli, ali evo nek to bude jedan naš zajednički prijedlog:

Da se u narednom periodu ovaj, pokušaju pronaći određena novčana sredstva za realizaciju te inicijative za koju evo smatramo nas dvojica da je u stvari to jedna ko-risna stvar kako za vozače al svakako isto tako i za pješake, odnosno za sve učesnike u saobraćaju.

I još jedna stvar koje se želim dotaći ovdje, iskoristiti tu priliku jeste semafor na Paša Bunaru.

Tokom prošlog mandata sam možda dva ili tri puta insistirao na tome da se provede određena analiza ili neka studija da se vidi da li je nama stvarno potreban saobraćaj na Paša Bunaru jer taj semafor više ne radi nego što radi? Taj semafor kad ne radi nema gužve. Taj semafor kad radi imamo gužvu. Mislim da je krajnje po meni nepotrebno ovaj, postojanje tog semafora i ja predložiti zaključak:

Da se zaduži Služba za komunalne poslove ili Saobraćaj i komunikacije da provede analizu neophodnosti postojanja tog semafora, odnosno mogućnost izmjene semaforne signalizacije na raskrsnici kod Paša Bunara. Hvala.

ANA PEJIĆ

Zahvaljujem se. Replika vijećnik Admir Hasanbašić. Izvolite.

ADMIR HASANBAŠIĆ

Hvala. Replika se odnosi na ovaj dio da se izvrši analiza, odnosno da dođe do gašenja semafora na izlazu sa Paša Bunara. Pošto stanujem gore i svakodnevno znači, građani izlaze autima a i pješaci. Veliki je problem. Samo želi skrenuti pažnju da u prethodnom periodu je bilo nekoliko saobraćajnih nesreća i to sa smrtnim ishodom upravo na onom pravcu i zbog toga su ti semafori i postavljeni.

Druga stvar: Kad su isključeni a vozači treba da izađu odozgo vjerujte da se čeka po 20 minuta da se uključi. I to su sve rizični izlasci znači, sa Paša Bunara tako da po meni postavljanje semafora na Paša Bunaru ima potpunu, potpunu opravdanost pogotovo sada. Zašto kažem? Tek kada su se bili postavili bilo je problema jer nisu bili dobro usklađeni i puno se, puno se čekalo hajde da kažem za izlazak, za izlazak, odnosno za izlazak s Paša Bunara međutim, sad je to puno, puno kraće vrijeme. Znači dovoljno je nekih desetak sekundi da se sa Paša Bunara izađe na glavnu magistralu i hvala Bogu što je najvažnije ne-ma-mo dole nikakvih saobraćajnih udesa, nemamo stradanja pješaka, a da bi pješak prešao vjerujte mi tu se čeka po i po 20 minuta pogotovo dole na onom izdignutom pješačkom prelazu kod pekare Sloboda. Tako da ja neću podržati prijedlog zaključka kolege i mislim da semafore na paša Bunaru ni u kojem slučaju ne treba dirati, treba ih ostaviti u funkciji. Hvala.

ANA PEJIĆ

Samo malo. Replika prvo vijećnik Mirel Mišković, pa Jasmin Gavranović, pa vijećnik Anel Ibeljić. Izvolite.

MIREL MIŠKOVIĆ – vijećnik Demokratske fronte – DF

Evo replika mom kolegi Alenu Ibeljiću radi semafora na Paša Bunaru. Znači, ovi semafori su potpuno opravdani. Znači, ja i kolega Hasanbašić se za njih smo se borili skoro desetak godina i treba proć kroz Paša Bunar pa vidit koliko sada gore ima novih zgrada, da je se jedno novo naselje gore malte ne u Šljivicama napravilo koji je broj stanovnika, a treba imati

i u vidu da djeca koja idu u osnovnu školu „Tušanj“ ne-mo-gu preći nigdje bezbjedno saobraćajnicu na semaforima nego samo na tim semaforima tu. Ne-ma-te nigdje ni crveno ni zeleno svjetlo za prelazak preko pješačkog prelaza a djeca idu iz obdaništa, idu iz super bloka sa Irca i znači da su vo-zači sa Slatine kako treba pa da sačekaju, da sta-nu da se i ovi uključe ja bi bio prvi da se ti semafori ovaj, ukinu.

Međutim, međutim tu nema saobraćajne kulture ni 1% i ja ti odgovorno kažem da malte ne nema dijeta na Paša Bunaru da nije nastradalo na toj raskrsnici. Da li ga je udarilo auto, da li je ono bilo u autu i vjeruj kako su semafori postavljeni mi možemo kolko tolko normalno da funkcionišemo. Eto toliko.

ANA PEJIĆ

Zahvaljujem se. Replika vijećnik Jasmin Gavranović, pa vijećnik Anel Ibeljić. Izvolite poslovnička. Vijećnica Berisa Ahmetović. Izvinjavam se Jasmine poslovnička prvo.

BERISA AHMETOVIĆ

Ne znam stvarno na koji tačno onaj, onaj član al molim vas il ja nisam dobro razumjela il sad pričamo o inicijativama. Molim vas da ako nije problem da prekinete, a da ovo pitanje koje ne smatram uopšte neznačajnim bude tema po nekoj drugoj tački a da raspravljamo ono što je sad. Hvala.

ANA PEJIĆ

Ovo je bio prijedlog zaključka. Vjerovatno zbog tog. Prijedlog zaključka je bio. (BERISA AHMETOVIĆ – E izvinite ne može biti prijedlog zaključka semafor a vezano je za Odluku o javnim parkiralištima) Ja samo govorim da nije u pitanju inicijativa nego zaključak pa zbog tog ja. (BERISA AHMETOVIĆ – Okej, okej al usput se spomenulo. Ako možete molim vas da reagujete i to je to?) OK. Vijećnik...Povlačite diskusiju. Repliku. Ostaje mi replika...Vijećnik Anel Ibeljić evo on je od ranije replika. Izvolite.

ANEL IBELJIĆ

Ja sam na-glasio na početku da taj semafor vi-še ne radi nego što radi. Ja svaki dan prolazim isto tom relacijom i taj semafor ra-di četiri do pet mjeseci a šest do sedam mjeseci ne radi. Ja ni-sam predložio da se taj semafor ukine. Vi očigledno mene niste shvatili. Ja sam predložio da se sačini neka a-na-li-za da se vidi koliko taj semafor eventualno treba da traje zeleno svjetlo za jedan smjer za drugi smjer.

Da li postoji neka druga mogućnost? Da se uvede npr. obavezno skretanje samo de-sno da se ide sa Paša Bunara da se pravi na neki drugi način da se uopšte izbjegne mogućnost da skrene direktno lijevo znači, postoji više opcija na koji se taj problem po meni može riješiti. Ja sam zbog toga predložio da se provede a-na-liza a ne da mi donesemo zaključak da se taj semafor ukloni, skloni, ugasi. Et.

ANA PEJIĆ

Molim vas samo malo, samo malo. Evo prije svega nego što svi dobijete riječ da vas napomenem.

Tač-ka dne-vnog reda je:

Razmatranje i usvajanje Odluke o izmjenama Odluke o javnim parkiralištima na području općine Tuzla.

Molim vas da se držite tačke dnevnog reda.

Ispravka krivog navoda. Samo malo. Molim vas. Još jednom ponavljam. Držite se tačke dnevnog reda. Izvolite. Vijećnik Admir Hasanbašić.

ADMIR HASANBAŠIĆ

Hvala. Moram ovdje da ispravim krive navode jer kažem još jednom stanujem na Paša Bunaru i ti semafori su hvala Bogu non stop u funkciji i je-di-ni period kad se isključe semafori jesu za vrijeme praznika. Moram znači, ovdje da, da ispravim...(ANA PEJIĆ – U redu ali sam malo prije rekla da se držite svi tačke dnevnog reda.) Znači, moram znači, jedino su tada isključeni semafori. Ne zbog kvara, nego da bi se smanjile gužve u tom periodu kada dođe dijaspora, kada su znači, novogodišnji praznici i bajramski jedino tada.

I još jedna stvar kolega. Vi ste rekli u svojoj diskusiji da su, da mislite da su ti semafori nepotrebni. Hvala.

ANA PEJIĆ

Diskusija vijećnik Denis Beć...(MENSUR ALIĆ – Nema replika. Nema replika više.) (SLAĐANA KRAJINA – Još jedna replika...) Samo malo. Diskusija vijećnik Denis Bećirović.

DENIS BEĆIROVIĆ

Pripremit ću za narednu sjednicu u pisanoj formi. Odustajem od replike.

ANA PEJIĆ

U redu. Da li se još neko od vijećnika javlja za diskusiju?

Zaključujem diskusiju vijećnika.

I stavljam na izjašnjavanje Odluku o izmjenama Odluke o javnim parkiralištima na području općine Tuzla, te vas molim da se izjasnite. (SLAĐANA KRAJINA – Uz amandman, uz amandman.)

I molit ću sa...Zamolit ću evo samo...Ja se izvinjavam. Zamolit ću samo pomoćnika gradonačelnika...(SLAĐANA KRAJINA – Poništite, poništite rezultate glasanja Enisa.) Poništite samo rezultate glasanja.

Zamolit ću samo pomoćnika gradonačelnika gospodina Miralema Mulaća kao predlagača Odluke da se izjasni o prihvatljivosti amandmana vijećnika Mirnesa Ajanovića. A zamolit ću onda i sekretara Vijeća da pročita amandman. (SLAĐANA KRAJINA – Evo onda ću ja prvo pročitati amandman.) Može.

SLAĐANA KRAJINA – sekretar Gradskog vijeća Tuzla

Gospodin Mulać je se kao obrađivač u ime predlagača izjasnio o prihvatljivosti.

Predloženi amandman vijećnika Ajanovića glasi:

U odluci o izmjenama Odluke o javnim parkiralištima na području općine Tuzla iza člana 1. dodaje se novi član 2. koji glasi:

“Član 2. stav 1. Odluke mijenja se i glasi: „Javnim parkiralištem smatra se javna površina namijenjena za zaustavljanje i parkiranje vozila i za ostale namjene.“

Dosadašnji članovi 2., 3., 4., 5., 6., 7., 8., 9., 10., 11. i 12. postaju članovi 3., 4., 5., 6., 7., 8., 9., 10., 11., 12. i 13.”

ANA PEJIĆ

Izvolite.

MIRALEM MULAĆ - pomoćnik gradonačelnika za Službu za komunalne poslove, izgradnju i poslove mjesnih zajednica

Pa evo u ime predlagača prihvatamo ovaj amandman.

ANA PEJIĆ

Zahvaljujem se.

Stavljam na izjašnjavanje Odluku o izmjenama Odluke o javnim parkiralištima na području općine Tuzla, te vas molim da se izjasnite. (SLAĐANA KRAJINA – Uz amandman koji je postao sad sastavni dio Odluke.) Uz amandman. Glasanje je okončano.

Konstatujem da je ODLUKA O IZMJENAMA ODLUKE O JAVNIM PARKIRALIŠTIMA NA PODRUČJU OPĆINE TUZLA sa amandmanom koji je postao sastavni dio Odluke usvojena sa,

27 glasova za, nije bilo protiv i nije bilo suzdržanih.

Dajem pauzu od 10 minuta. Moramo pauzu zbog zaključaka a i Omer je tražio pauzu da vidimo posle ove tačke su tražili da...(MENSUR ALIĆ – Ni-je, nije, nije.) Moramo za zaključke žena treba... (MENSUR ALIĆ – Pa ima samo jedan zaključak.) (SLAĐANA KRAJINA – Tri imaju zaključka.) (MENSUR ALIĆ – Tri?) (SLAĐANA KRAJINA – Pa ne. Hoćete da pročitam? Ne,ne ja mogu ih pročitati ako hoćete?) Okej. U redu. Evo nastavljamo.

SLAĐANA KRAJINA – sekretar Gradskog vijeća Tuzla

Hoćete jedan po jedan ili? (Jedan po jedan.) Jedan po jedan dobro. (ANA PEJIĆ – Jedan po jedan zaključak.)

Prvi prijedlog zaključka:

- Gradsko vijeće Tuzla traži od menadžmenta Javnog komunalnog preduzeća Saobraćaj i komunikacije Tuzla da u što skorijem roku krenu u proceduru pribavljanja svih potrebnih saglasnosti za realizaciju Odluke o izmjenama Odluke o javnim parkiralištima na području općine Tuzla.

ANA PEJIĆ

Molim vas da se izjasnite o pročitanoj zaključku. Glasanje je okončano.

Konstatujem da je pročitani zaključak usvojen sa,

26 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Prijedlog drugog zaključka:

- Gradsko vijeće Tuzla traži od menadžmenta Javnog komunalnog preduzeća Saobraćaj i komunikacije Tuzla da u što skorijem roku krenu sa izgradnjom parking garaže na Slatini i kod Univerzitetskog kliničkog centra Tuzla.

ANA PEJIĆ

Stavljam na izjašnjavanje. Glasanje je okončano.
Konstatujem da je pročitani zaključak usvojen sa,
26 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Prijedlog trećeg zaključka:

- Gradsko vijeće Tuzla zadužuje Službu za komunalne poslove, izgradnju i poslove mjesnih zajednica i Javno komunalno preduzeće Saobraćaj i komunikacije Tuzla da provedu analizu prohodnosti semafora, odnosno mogućnost izmjene semaforske signalizacije kod raskrsnice na izlazu sa Paša Bunara.

ANA PEJIĆ

Stavljam na izjašnjavanje. Glasanje je okončano. (SLAĐANA KRAJINA – Svi vijećnici u sali se moraju izjasnit. Ko ne želi da glasa zamolila bi da, da izađe napolje. Pa ne može stajat i ne glasat.) Glasanje je okončano.

Konstatujem da je pročitani zaključak dobio potrebnu većinu. (SLAĐANA KRAJINA – Nije.) Nije dobio potrebnu većinu, (SLAĐANA KRAJINA – Nije.)

12 je bilo za, 4 protiv i 6 suzdržanih. (MENSUR ALIĆ – Hajmo dalje.)

RAZMATRANJE I USVAJANJE ODLUKE O DAVANJU PRETHODNE SAGLASNOSTI NA PRAVILA O IZMJENAMA I DOPUNAMA PRAVILA JAVNE USTANOVE CENTAR ZA SOCIJALNI RAD TUZLA

Predlagač je gradonačelnik Grada Tuzla.

Obrađivač je Javna ustanova Centar za socijalni rad i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarne pitanja i propise, molim vas za tišinu malo, Komisija za ekonomske odnose i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe za izvještajima Komisija? (Nema.)

Otvaram raspravu Klubova vijećnika. (Nema.)

Zatvaram raspravu Klubova vijećnika.

Otvaram raspravu vijećnika. (Nema niko.)

Zatvaram raspravu vijećnika.

I stavljam na izjašnjavanje Odluku o davanju prethodne saglasnosti na Pravila o izmjenama i dopunama Pravila Javne ustanove Centar za socijalni rad Tuzla. Glasanje je okončano.

Konstatujem da je pročitana Odluka usvojena sa,
27 glasova za, nije bilo protiv i nije bilo suzdržanih.

Prelazimo na sljedeću tačku dnevnika...Molim vas samo za tišinu.

Prelazimo na sljedeću tačku dnevnog reda:

RAZMATRANJE I USVAJANJE ODLUKE O OBAVEZI DOSTAVLJANJA INFORMACIJE O NAMJERI POKRETANJA POSTUPKA PRIJEMA NOVIH ZAPOSLENIKA U JAVNIM PREDUZEĆIMA I JAVNIM USTANOVAMA, ČIJI JE OSNIVAČ ILI SUOSNIVAČ GRAD TUZLA

Predlagač je gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu Klubova vijećnika. (Nema.)

Zatvaram raspravu Klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Te stavljam na izjašnjavanje Odluku o obavezi dostavljanja informacije o namjeri pokretanja postupka prijema novih zaposlenika u javnim preduzećima i javnim ustanovama, čiji je osnivač ili suosnivač Grad Tuzla. Misure glasajte vi. (MENSUR ALIĆ – Pa što neće?) Glasanje je okončano.

Konstatujem da je pročitana Odluka usvojena sa,

27 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

Razmatranje i usvajanje pod:

a) Odluke o davanju saglasnosti na zaključenje ugovora o zakupu poslovne prostorije sa Udruženjem HO „Merhamet” MDD Sarajevo – Regionalni odbor Tuzla, pod

b) Odluke o dodjeli u zakup poslovne prostorije neposrednom pogodbom - Karate klub „SLOBODA” Tuzla, pod

c) Odluke o dodjeli u zakup poslovne prostorije neposrednom pogodbom Udruženju Forum građana Tuzle, pod

d) Odluke o davanju saglasnosti na zaključenje ugovora o zakupu poslovne prostorije sa Javnim preduzećem SKPC „Mejdan“ d.o.o. Tuzla, pod

e) Odluke o davanju saglasnosti na zaključenje ugovora o zakupu poslovne prostorije sa Javnom ustanovom „Centar za kulturu“ Tuzla.

Predlagač je gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu Klubova vijećnika. (Nema.)

Zatvaram raspravu Klubova vijećnika.

Otvaram raspravu vijećnika. (Nema niko.)

Zatvaram raspravu vijećnika.

Da li ste zato da glasamo u paketu o svim odlukama? (U paketu.)

Stavljam na izjašnjavanje Odluku o davanju saglasnosti na zaključenje ugovora o zakupu poslovne prostorije sa Udruženjem HO „Merhamet” MDD Sarajevo – Regionalni odbor Tuzla, pod

b) Odluke o dodjeli u zakup poslovne prostorije neposrednom pogodbom - Karate klub „SLOBODA” Tuzla,

Odluku o dodjeli u zakup poslovne prostorije neposrednom pogodbom Udruženju Forum građana Tuzle, pod

d) Odluku o davanju saglasnosti na zaključenje ugovora o zakupu poslovne prostorije sa Javnim preduzećem SKPC „Mejdan“ d.o.o. Tuzla i pod

e) Odluku o davanju saglasnosti na zaključenje ugovora o zakupu poslovne prostorije sa Javnom ustanovom „Centar za kulturu“ Tuzla, te vas molim da se izjasnite. Glasanje je okončano.

Konstatujem da su pročitane Odluke usvojene sa,
27 glasova za, nije bilo protiv i nije bilo suzdržanih.

Prelazimo na sljedeću tačku dnevnog reda:

Razmatranje i usvajanje Izvještaja o radu i poslovanju javnih i drugih preduzeća, čiji je osnivač ili suosnivač Grad Tuzla za 2024. godinu pod

a) Jav...Izvolite Admir. (ADMIR HASANBAŠIĆ – Poslovnička.) Izvolite.

ADMIR HASANBAŠIĆ

Tražim pauzu od 10 minuta.

ANA PEJIĆ

Može. U redu. Pauza 10 minuta.

(Pauza.)

Pozivam vijećnike da uđu u salu kako bismo nastavili sa radom.

Pozivam vijećnike da uđu u salu kako bismo nastavili sa radom.

Nastavljamo sa radom.

Razmatranje i usvajanje Izvještaja o radu i poslovanju javnih i drugih preduzeća...Molim vas za tišinu. Nastavljamo sa radom. Zamolit ću samo vijećnike da...Nastavljamo sa radom.

Razmatranje i usvajanje Izvještaja o radu i poslovanju javnih i drugih preduzeća, čiji je osnivač ili suosnivač Grad Tuzla za 2024. godinu

a) JP „Pannonica“ d.o.o.Tuzla

b) JKP Saobraćaj i komunikacije Tuzla

Predlagач: skupština preduzeća

Obrađivač: menadžment preduzeća

Materijal su razmatrali: Komisija za ekonomske odnose, Komisija za poduzetništvo, Komisija za komunalne poslove, izgradnju i poslove mjesnih zajednica i klubovi vijećnika

Da li ima potrebe za uvodnim izlaganjem? (Nema).

Da li ima potrebe da se pročitaju izvještaji komisija? (Nema).

Otvaram raspravu klubova vijećnika. Vijećnik Mirnes Aja...Samo malo. Samo malo.

Otvaram raspravu klubova vijećnika. Vijećnica Nataša Perić, pa vijećnik Mirnes Ajanović. Upisat ću ostale redom kako ste se javili.

NATAŠA PERIĆ – vijećnik SDP – Socijaldemokratske partije Bosne i Hercegovine

Hvala predsjedavajuća. Pozdravljam još jednom sve kolegice i kolege vijećnike.

Što se tiče izvještaja o radu JAVNOG PREDUZEĆA PANNONICA, Klub vijećnika SDP-a je razmatrao ovaj izvještaj i naravno prihvatit će pomenuti izvještaj. Uvidom u izvještaj može se konstatovati da je u proteklom izvještajnom periodu, dakle, u protekloj 2024. godini, Javno preduzeće „Pannonica“ ostvarilo rekordne posjete i najbolji finansijski rezultat od svog osnivanja.

Ovdje se navode posjete Panonskim jezerima, tokom dakle ljetne sezone i gradskom klizalištu tokom zimskog perioda. Kako se može vidjeti u izvještaju u ljetnoj sezoni 2024., ostvaren je rekord od ukupno 534.000 posjeta, gdje nije bilo kako navode u ovom izvještaju ni jednog incidenta koji sa aspek...sigurnosnog, zdravstvenog i ekološkog aspekta.

Takođe u izvještaju se može vidjeti da je plan prodaje dnevnih uzlaznica ostvaren 100%, kao i sezonskih ulaznica 100%. Takođe prošle sezone zadržani su standardi praćenja kvaliteta jezerske vode, a pored navedenog može se vidjeti da je bilo dosta sadržaja muzičkog, sportskog i kulturnog karaktera.

Što se tiče finansijskog poslovanja, obzirom da je prošle godine, obzirom da Pannonica zavisi od vremenskih uslova, pa je prošla godina protekla uglavnom u sunčanim danima sa veoma malo kišnih dana. Može se vidjeti da je poslovala pozitivno sa ostvarenom dobiti u iznosu od 618.896,00 Konvertibilnih maraka, te da su plaćene sve zakonske obaveze koje se između ostalog odnose na ugovore o djelu vezano i za ove koji su angažovani sezonske radnike tokom ljetne sezone, što je veoma neophodno. I evo iz svega, obzirom da je izvještaj stvarno sadržajan, obiman, ovaj, ne bi sad išla u detalje, al evo iz svega navedenog što se tiče Kluba SDP-a mi ćemo podržati rad. Hvala.

ANA PEJIĆ

Sljedeći za riječ se javio vijećnik Mirnes Ajanović, a neka se pripremi vijećnica Azra Feukić. Izvolite.

MIRNES AJANOVIĆ

Hvala. Ja neću o Pannonici. Imam napisano sve, al pošto je već rečeno, štedim vaše vrijeme, ja ću u ovom prvom dijelu o SIK-u.

SAOBRAĆAJ I KOMUNIKACIJE. Više puta sam bio s jednim bivšim vijećnikom i kaže on meni niko mi nije napravio problema više neg ti. Što reko? Pa dok sam bio u prošlom mandatu onom vijećnik, više puta sam bio u sukobu sa vladajućom strankom, a onda kažem, od vas jedino što valja ovdje je taj. I kaže meni valja kasnije vatru kaže pojest, svi me napadaju, što to tebe Mirnes hvali. Haj nećemo reć da je to naš dragi kolega Elvir. Dobar momak stvarno. I dan danas. A što je uvod ovakav? Pa ja sam ovo napisao jer sam bio na Skupštini Advokatske komore. Morao sam biti. Disciplinske prijave se pokreću. Ko ne dođe, nije ih čak ni briga jel imate opravdano ili ne, pa sam ovih sat, sat i po bio van opravdano odsutan i dobio sam opravdanje. Al uspjeli smo to nešto završit prije. Nismo mi ko Vijeće. U nas je to malo bilo kraće. I ostavio sam to da se pročita. Pa evo sad sam tu. I sad imam dilemu pričati il pročitati. Al evo kad govorimo o funkcionisanju preduzeća, možemo hvalit, kritikovat direktore, menadžment. Ima ih ovakvih, onakvih. Većinom su dobri. Trude se. Neki su jedno vrijeme bili

ono baš nas briga za Vijeće, pa smo malo održali lekciju, rekli im da to ne smije biti stav direktora, menadžmenta, bilo koga, jer ovo Vijeće malo drugačije radi. Znamo biti malo oštiri. Malo više. Pa i tražit ono što nekome ne bi ni na um palo, a što je u okviru našeg prava.

Ali ja imam obavezu ovdje sad ovog direktora Nedžada Malikića prozvat. Ja sam to vidio tako. Ako neko ima protiv, naljuti se, bude mu krivo što ga nisam više prozvao, to je njegov problem, a ja imam svoj stav. Ovo je primjer jednog od, skinut ću to jednog od, najaktivnijeg direktora u preduzećima. Nije to ni foskula, nego je to činjenica. To sam ja vidio više puta na terenu. Odem s djetom malo negdje da obiđemo zelene površine, da nije u stanu, i tam gledam bukvalno direktora NK radnik. Radi poslove one, kuca, zakucava, mjeri, pravi one kućice kad su nekakve ove manifestacije il bilo šta. Bukvalno, ne možeš vidjet direktora u njemu. Vidiš običnog radnika. A direktor je. U svakakvoj nekakvoj maici. Zajedno s tim svojim uposlenicima na terenu. Nema veze jel to bilo tad ta trava, te kućice. Trebal snijeg očistit, postaviti rasvjetu, intervenirat u saobraćaju. Napisao sam, Nedžad radi, organizuje, nadzire i učestvuje. I to se osjeti na svakom koraku. Svi drugi nek se ne ljute. To sam vidio. Možda nisam imao priliku da vidim druge. Njega jesam. Njega jesam na cesti. Ne namjerno da ja idem pa da gledam šta radi direktor. Nego ga vidim na ulici. Narodski rečeno nije mu mrsko radit. Pa i kad je na odmoru. Evo neki dan bili protesti. Eto ti ga među te ljude. S njima, objašnjavaj. Nije to baš ugodno. Dođu i mediji. Svako hoće nešto reć. Neko nahuška. Neko ne zna. Neko ne razumije. Neko onako. Nekom dosadno. Neko iskoristit će, eno nekog direktora, hajmo mi na njega paljbu. Nedžad je tu.

Ovaj drugi dio oko dobiti. Imamo rekordnu dobit. Povećan broj aktivnih parkirališta. Zalaže se i za ono što sam i ja stalno govorio prije, pa evo inicirali, pa kako da bude na Gradini, pa evo garaža treba da bude ovdje kod ovih na Stupinama, pa neki građani kažu, nećemo mi tu garažu, tu to nama smeta. Pa onda opet zajedno razgovaramo, kaže Nedžad, ako smeta ide ona na neko drugo mjesto gdje neće smetat, gdje će ljudi tražit. Sarađuje se s ljudima. Razgovara se sa ljudima. Održava se evo, nešto sam malo evidentirao. 1914 komada LED svetiljki. Redovno se čisti. Održava. Farba. 24 hiljade metara horizontalne signalizacije. Negdje treba malo i obrisat. Evo onaj dio kružnog toka kod MUP-a. Ljudi idu po onom starom obilježenom pješačkom prelazu direktno preko sredine kružnog toka. Ako se može malo ono izdržljat il bilo šta da ne čekamo da vrijeme učini svoje. Jeste to malo problem. Ne idu preko žuto označenog pješačkog prelaza. Direktno blokiraju prolaz vozila. Idu onako pravo ljudi. Vide pješački. A to je ostalo prije dok su bili semafori. Servisira se dakle javna rasvjeta, turistički vozić, fontane, dekoracije, dao odgovore na sva vijećnička pitanja. Investira se od vlastitih sredstava. I ovo što sam rekao ne ignoriše građane na terenu. Mogo je nedoć. Nije tu. Eto ga. Tu je.

Dakle, SIK je preduzeće koje je odgovorilo na sva vijećnička pitanja i inicijative u roku. To nije slučajno. To je način djelovanja. Dakle, direktor prati naš rad. Njemu je stalo do toga šta mi mislimo i šta mi hoćemo i da taj odgovor dobijemo. To je odgovoran način rada. I drugi direktori to rade. Ako neko ne radi, da zna da treba da tako radi. Evo, ako neko smatra da ne trebam ja odgovorit kao što recimo ima Služba za inspekcijske poslove, pa ignoriše čak mislim i urgencije predsjedavajuće i neće da dostavi odgovor, onda je to bezobrazno. A ovamo s druge strane imamo ovo vrlo pozitivno. Evo dvadeset godina sam vijećnik. I ja sam na terenu. I ja sam otrcao cipele hodajući, snimajući sve ono što ne valja u Tuzli i gledajući, pokazujući, pričajući da se realizuje i to se dosta realizuje, vidio sam. Sad bi trebalo mi prilično vremena da napišem sve, da objavim šta se sve uradilo. Dakle, i to je pozitivan potez evo Gradske uprave. Ali ovakav evo konkretno direktorski pristup, treba bit standard. Dakle, Nedžad ne pozira. Radi. Ima zato moje uvažavanje. Ta razlika mora da se vidi. Ne dolazi po funkciji, nego da odradi posao. Ne sjedi u kancelariji. Ne čeka da mu padne papir na sto da ga potpiše kao ovlašteno lice i odgovorno. Rukovodi s baze. S terena. Uz ekipu. Svojim prisustvom podiže odgovornost efikasnost čitavog sistema.

I ovo sam napisao za kraj. Evo. Zato je direktor Nedžad Malikić primjer kako se treba voditi javno preduzeće u interesu građana. I to je poruka svima koji dobiju šansu da upravljaju. Da su dužni biti na terenu među ljudima u akciji, a ne zatvoreni u kancelarijama. Dakle, ovo je moja evo priča o ovom izvještaju. Primjer drugima. Ovo je ono što sam vidio. Ovi još jednom nek se ne ljute drugi. Ali mi je zadovoljstvo da učestvujem u radu ovog Vijeća gdje imamo ovakvu mogućnost da možemo ovo reći, a da mi niko ne može kontraargumentovati da kaže, nije tako. Ovako je. I ovako treba da bude u svakom preduzeću. Malo više angažmana. Truda. I grad će biti mnogo bolji. Hvala.

ANA PEJIĆ

Zahvaljujem se. Sljedeća za riječ javila se vijećnica Azra Feukić. A neka se pripremi vijećnik Omer Berbić. Izvolite.

AZRA FEUKIĆ

E ovako, ja po drugi put pozdravljam prisutne.

Ja ću evo ispred Kluba SDA da se, javila sam se jer se evo mi ne slažemo sa trenutnim izvještajem JAVNOG PREDUZEĆA PANNONICA, jer kolegica ispred SDP-a rekla je da je obiman. Jest obiman, ali, ovaj, detaljnije kad se uđe u analizu evo i naredna pitanja koja ja budem postavljala džaba ovaj sve ovo ako nemamo odgovore u ovom izvještaju na sljedeća pitanja.

Zapravo nas interesuje, na primjer, koliko je ljudi posjetilo manifestacije i koncerte u protekloj godini? Koliko je priliva sredstava evidentirano za svaki pojedinačni događaj? Prihod od sponzora po događaju? To ne piše u izvještaju. Koliko gratis robe je dobiveno od brendova pića i tako dalje? Da li Pannonica ima ugovore sa izvođačima? Sa suorganizatorima o obavezama u poslovnom odnosu? Na primjer, Moto klub koji znamo da se organizuje motorijada na Pannonici, da li je Pannonica suorganizator? Ako nije, ako je Moto klub udruženje, on ne može se baviti komercijalnim poslom. Da li imaju ugovori i fakture za prodate ulaznice preko posrednika gdje se ulaznice prodaju jel preko posrednika za na primjer neke koncerte? To ne stoji u izvještaju. Evo mi smo ovaj zaista detaljno pregledali izvještaj i ne vidimo da se nalaze, ovaj, ni ugovori, ni fakture za sve prodate ulaznice, a znamo da se ulaznice prodaju preko posrednika i da nemaju fiskalni izvještaj u realnom vremenu za prodaju ulaznica za manifestacije u pred prodaji. Evo trenutno sad imamo ulaznice u pred prodaji za Pannonicu. Da li se sprovode javni pozivi za nabavku tehnike, bine, svjetla, za svaku manifestaciju? Trebali bi da se sprovode jel tako javni pozivi za nabavku sve te opreme koja se nalazi na Pannonici prilikom održavanja koncerata. Da li imaju svi ugovori o ponuđačima? Napominjem, izvještaj jest obiman, ali nemam odgovore na ova ključna pitanja. Da li ulaznice ulaze u fiskalni sistem u Pannonici po nazivu, datumu i vremenu i cjenovnom razredu? Ni to nisam našla nigdje u izvještaju. Dnevni izvještaj od fiskalne prodaje na ulazima Pannonice za manifestacije, da li imamo u realnom vremenu? Znači, dnevni izvještaj, ponavljam, od fiskalne prodaje, da li imamo u realnom vremenu ako se prodaje poslije lupam 21 sat? Prihod od ugostiteljstva za vrijeme manifestacija, da li to imamo u realnom vremenu, na primjer poslije 21 sat? Da li ima evidencija dodatnih sati uposlenika i isplata naknada za prekovremeni rad? Da li imate ugovore sa sezonskim radnicima? Dalje me interesuje dodatni ugovori sa službama obezbjeđenja. Da li imate fakture za na primjer prvu hitnu pomoć, policiju i tako dalje? Izvještaj jest obiman ali ništa ovo ne sadrži u izvještaju i sad mi ispred...ja ovakav...pozivam evo ja sve vijećnike, obzirom da se, da smo jel mi ispred Grada Tuzle, da treba da radimo u skladu sa zakonom, mi smo upravljačka struktura i samim tim mi snosimo odgovornost.

Ja ću evo predložiti sljedeća dva zaključka da se izvještaj Javnog preduzeća Pannonica vrati na dopunu sa svim odgovorima na ova postavljena pitanja, jer su bitna za poslovanje Pannonice u skladu sa zakonom. Mi smo upravljačka struktura ispred Grada Tuzle i mi snosimo odgovornost. Da bi podržali ovaj izvještaj potrebni su nam odgovori na sve ove elemente koje sam navela.

Da se Javno preduzeće uz naknadu otvori svim zainteresovanim građanima koji obavljaju djelatnost (ANA PEJIĆ – Može samo malo sporije). (SLAĐANA KRAJINA – Vi čitate, ne mogu stići napisati). (ANA PEJIĆ – Malo sporije samo, obzirom, jesu to zaključci ili?). Tako je. Rekla sam. Predlažem dva zaključka. (ANA PEJIĆ - Aj samo molim vas samo malo sporije kako bi mogla Slađana da stigne da zapiše. Izvolite).

Da se izvještaj Javnog preduzeća Pannonica vrati na dopunu sa svim odgovorima na postavljena pitanja, jer su bitni za poslovanje Pannonice u skladu sa zakonom. Mi smo upravljačka struktura ispred Grada, te snosimo tu odgovornost. I evo da bi podržali taj izvještaj, potrebni su nam odgovori na sva ova postavljena pitanja.

Da se Javno preduzeće uz naknadu otvori svim zainteresovanim građanima koji obavljaju djelatnost i mogu poboljšati prateće usluge Javnog preduzeća Pannonica.

I drugi zaključak da se prostor (ANA PEJIĆ – Samo malo, da sustigne samo ovaj). (SLAĐANA KRAJINA – Hajde dajte mi to što je napisao. Nema veze. Da ne gubite vrijeme, pa ću ja prepisati kad završim). Nema napisano. Sve je tako da vam ne mogu dati. Eto polako pišite. Da se Javno preduzeće Pannonica uz naknadu otvori svim zainteresovanim građanima koji obavljaju djelatnost i mogu poboljšati prateće usluge Javnog preduzeća Pannonica.

Drugi zaključak. Da se prostor Vrtića stavi na rentanje svim zainteresovanim građanima čime će se ostvariti dodatni prihod, a poboljšati ponuda manifestacijama za vrijeme ljeta.

Ja ću još samo jednu...ovdje sam se vratila. Ja ne znam dal se direktor Pannonice nalazi tu, al evo, ovaj, voljela bih i da nam objasni prihod na primjer od marketinga ovdje realizacija za 2023. godinu je bila 91.797 Konvertibilnih maraka. Sada je 66.006 Konvertibilnih maraka. Da nam se obrazloži na primjer trošak za manifestacije, da je u 2023. godini bio 127.000, a da je sada 43.211 maraka. Zašto je to tako?

Evo zaista pozivam većinu da radimo u skladu sa zakonom, jer znamo svi koliko Gradu Tuzla znači Pannonica i znamo svi da bi trebali da radimo u skladu sa zakonom i zaista molim da se ovaj izvještaj vrati na dopunu i da se odgovori na ova pitanja kako bi mogli usvojiti izvještaj Javnog preduzeća Pannonica. Hvala.

ANA PEJIĆ

U redu. Replika. Vijećnica Nataša Perić, pa, jeste vi se za repliku... Evo samo Nataša da završi repliku. Izvolite.

NATAŠA PERIĆ

Hvala predsjedavajuća. Evo samo kolegici pošto vidim da ima nekih nedoumica u vezi poslovanja navedenog preduzeća. Evo preduzeće je u svom izvještaju navelo između ostalog da je u oktobru, citiram, u oktobru 2022., u martu 23-e, Društvo bilo predmet revizije Ureda za reviziju institucija Federacije Bosne i Hercegovine, predmet kontrole je bila 2022. Izvještaj je objavljen krajem septembra 2023., na izvještaje o finansijskoj reviziji Društvo je dobilo pozitivno mišljenje, a na izvještaje o reviziji je usklađenost i mišljenje sa rezervom. Od Ureda za reviziju dato je 17 preporuka za otklanjanje nedostataka, a shodno izrađenom planu aktivnosti za otklanjanje preporuka tokom 2023., realizovano 5 preporuka, a tokom 2024., realizovano je dodatnih 7 preporuka od 17, što znači da ipak preduzeće obzirom na izvještaj

ove revizije ipak radi u skladu sa ovaj, finansijskim, ovaj, propisima. Eto, samo sam to htjela da kažem.

ANA PEJIĆ

Replika. Vijećnica Azra Feukić. Izvolite. Nataša, možete samo mikrofonski isključiti? Izvolite.

AZRA FEUKIĆ

Ja ne želim uopšte ni pomisliti ni dovesti u sumnju da se radi o nekakvim ne znam nezakonitim radnjama, ali ova pitanja koja sam ja postavila su jasna, koncizna i smatram da jedan izvještaj treba da sadrži odgovore na ova postavljena pitanja. Ne znam šta je sporno da se vrati izvještaj na dopunu i da na sljedećoj sjednici dobijemo odgovore na postavljena pitanja, a pitanja su jasna i potrebna su za usvajanje izvještaja. Pitanja ne bi ponavljala, mislim da su jako bitna i smatram da izvještaj treba da ima odgovore na postavljena pitanja, a nalaze, revizije, odlično da je tako. I kažem uopšte ne ulazim u to da li preduzeće, Javno preduzeće Pannonica, da li zakonski posluje, al želimo da znamo odgovore na trenutna pitanja koja sam ja postavila kako bi mogli usvojiti naredni jel izvještaj.

ANA PEJIĆ

Zahvaljujem se. Evo, riječ dajem vijećniku Mensuru Aliću. Izvolite.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Gospođo Azra, dal vi želite odmah da dobijete odgovor od direktora Komunalca ili želite u pismenoj Pannonica ili u pismenoj formi? Pa se izjasnite ako želite jedno i drugo?

AZRA FEUKIĆ

I jedno i drugo. Ja bi više, evo ako je direktor tu, direktor Pannonice, voljela bih da nam da odgovore svim vijećnicima tu kako bi mogli usvojiti izvještaj, a voljela bih evo i u pisanoj formi da dobijem odgovore. Hvala.

ANA PEJIĆ

U redu. Možete samo Maide da sačekamo da diskutujemo...(SLAĐANA KRAJINA – Mogu li ja poslovničku?). Može. Izvolite. Slađana Krajina.

SLAĐANA KRAJINA – sekretar Gradskog vijeća Tuzla

Znači, vijećnica je postavila pitanja. Direktor može odgovoriti sad na ta pitanja, naravno ukoliko ona pristaje. Ukoliko ne, onda se mora Vijeće prvo izjasniti kao prethodno pitanje, faktički o prijedlogu vijećnice da se izvještaj odloži za narednu sjednicu. Ukoliko se to prihvati, izvještaj se odlaže. Ukoliko se ne prihvati ovaj zaključak, tek se onda ide dalje. Znači, mora se Vijeće izjasniti o prijedlogu vijećnice da se odloži razmatranje izvještaja. Ili da se odgovara na pitanja.

ANA PEJIĆ

Hajde odmah onda da se izjasnimo o tom zaključku. Možete li pročitati Slađana onda taj zaključak?

SLAĐANA KRAJINA – sekretar Gradskog vijeća Tuzla

Evo možda vijećnica hoće da dobije odgovore na pitanja. Nek znači samo se izjasni da li...Nek samo se izjasni šta želi.

ANA PEJIĆ

Azra, možete molim vas uključiti mikrofon i da se izjasnite da li...

AZRA FEUKIĆ

Da stavite na izjašnjavanje jel za odlaganje za narednu sjednicu izvještaja?

ANA PEJIĆ

Možete Slađana pročitati onda zaključak, pa da stavimo na izjašnjavanje odmah onda. Možete samo mikrofon Azra isključiti.

SLAĐANA KRAJINA – sekretar Gradskog vijeća Tuzla

Prijedlog zaključka vijećnice da se izvještaj o radu i poslovanju Javnog preduzeća Pannonica Tuzla vrati na dopunu sa svim odgovorima na postavljena pitanja koja su bitna za poslovanje ovog preduzeća u skladu sa zakonom, a imajući u vidu da je Gradsko vijeće upravljački organ i odgovorno za poslovanje ovog preduzeća.

ANA PEJIĆ

Stavljam na izjašnjavanje pročitani zaključak.

Glasanje je okončano.

Konstatujem da pročitani zaključak nije dobio...(MENSUR ALIĆ – Nije Denis). Možete samo ponoviti glasanje. Nije...Molim vas da se ponovo izjasnite, obzirom da evo...(MENSUR ALIĆ – Nije Denis glasao. Jel otišla ti baterija Denise?).

Glasanje je okončano.

Konstatujem da pročitani zaključak nije dobio potrebnu većinu sa, 6 glasova za, 12 protiv i 10 suzdržanih.

Nastavljamo dalje.

Za diskusiju se javio vijećnik Omer Berbić, a neka se pripremi vijećnik Dejan Kovačević. Izvolite.

OMER BERBIĆ

Hvala lijepo. Što se tiče JAVNOG PREDUZEĆA SAOBRAĆAJ I KOMUNIKACIJE, mislim da je tu dosta rečeno i sve rečeno što se tiče samog menadžmenta i rada i ono što ja zaista skidam kapu jeste činjenica da direktor ne bježi od problema, odnosno kada dođe problem, ne sakriva se iza raznih čata u firmi, nego dođe direktno da se suoči sa onim stvarima

koje građani žele. Ja tu skidam kapu i nadam se da će nastaviti tako da radi i iz tog razloga, ovaj, nadam se i hoće, dogovorili smo da se napravi jedna javna rasprava na Stupinama vezano za samu garažu koja bi trebala da se radi ili da se ne radi i mislim da je to jedini put naprijed. Direktni kontakt sa građanima i da je to jedan način na koji direktor treba da se ophodi i kada imate takvog jednog direktora, onda mislim da rezultati ne mogu da ne dođu. S tim u vezi, nadam se da će se ovdje opet razmotriti, znači, ponavljam po ko zna koji puta, a jedna inicijativa i znam da se ona i razmatra, koju je uputila kolegica Dragana zajedno sa mnom. Ja sam uputio par puta u prošlom sazivu i sada i vjerovatno još određeni broj vijećnika da se uvedu brzi parkinzi, što bi značilo da se ispred mjesta gdje se vadi CIPS, gdje se vadi...gdje je Pošta, gdje je Telecom, tamo gdje se plaća, da se uvede desetominutni parking sa onim satom gdje bi ljudi označili kad su došli. Tako da, to je neka samo kratki osvrt na ovaj izvještaj. Mislim da je izvještaj ono, da, da, uz jedan takav rad direktora i samog preduzeća gdje se umjesto samo saobraćaj i komunikacija natovarila faktički na leđa i stvari koje nisu u njihovoj nadležnosti, kao što su održavanja, ovaj, raznoraznih fontana, saobraćajne signalizacije, svjetla, xy stvari. Mislim da je to zaista za pohvaliti. Ali opet kažem, evo i način na koji se rješavaju ovi problemi o kojima smo vidjeli i kroz medije u zadnje vrijeme, naravno, ovdje sa fokusom na Stupine i dio građana. Direktor me je izvjestio. Volio bi da tu kaže i ovaj kada bude je li odgovarao, da kaže da je bio tu sa građanima opet juče, prekjuče, kad je već bilo i da se kontinuirano rješava taj problem i samo se nadam da će građani Stupina na kraju imati kvalitetnija parking mjesta i da će ovaj generalno u gradu se nastaviti sa jednom praksom da, da ćemo praviti što veći broj parking mjesta.

Ovdje se moram složiti sa kolegom Ibeljićem. Volio bi tu garažu na Slatini i volio bi tu garažu gore na UKC-u.

Što se tiče same PANNONICE, ja ovdje neću puno trošiti vrijeme za sebe. Ja sam u zadnjih pet godina sigurno uvijek diskutovao na temu same Pannonice, jer mislim da je to jedan potencijal koji mi kao Gradsko vijeće trebamo da damo upute menadžmentu, direktoru kako da ga u potpunosti ostvari. A što se tiče tog potencijala, mislim da se on može ostvariti kroz poduzetništvo, jer sadašnja usluga na Pannonici je što se mene tiče dosta oskudna. Imamo ono, daj malo pečenog filea, malo pomfrita, Tuzlansko točeno i to je to. Mislim da se, evo ima i kestenje. Mislim da je to usluga koja se može ovaj proširiti, ali kako se može proširiti, naravno kroz uvođenje poduzetnika, odnosno ljudi koji su dokazani u svom, u svom radu u ugostiteljstvu, a naravno poštujući sve one standarde koje Grad Tuzla treba da poštuje da se to napravi za mene u jednom stilu koji priliči centru grada, koji priliči Pannonici.

I ja tu moram isto da kažem, Bagi tu sjedi. On je jedan od ljudi čiju bi ja eventualno nekada, nekada mogao. Ne govorim o Bagiju. Ja govorim i o Vintorijusu, govorim o MamaMia-i, govorim o Just Pub-u, govorim o Slobodi, govorim o...za mene deset, petnaest vrhunskih lokala gdje bi zaista evo nakon možda radnog vremena, nakon tri sata sa tim ljudima mogli upotpuniti tu ponudu i da onaj neiskorišteni biser u potpunosti iskoristimo.

I zato bi ja ovdje da predložim jedan zaključak da sugerišemo menadžmentu da u jednom skorijem roku razmotri modalitete i načine kako da se poduzetnici...kako da se poduzetnici uključe u rast i razvoj Pannonice, te da se napravi prijedlog u kojem ćemo dobiti kvalitetniju ugostiteljsku ponudu upravo kroz poduzetništvo na Panonskim jezerima. Ja ovdje govorim o tome da zaista ne bi išli da nikako oštetimo Panonska jezera koja evo da se vratim na izvještaj imaju zaista visok prihod od ugostiteljstva, ali moramo naći model da se Panonska jezera otvore prema, prema poduzetnicima i da zajedno napravimo jedan malo bolji, malo bolji kompleks nego što je to sada.

E sada, neću ja previše dužiti. Ja hoću ovdje da pročitam određene stvari koja me je zamolila kolegica Dragana, koja je trenutno odsutna. Opravdano, naravno. I ona je isto zamolila da se vidi da zaključkom obavežemo Javno preduzeće Pannonica da se za sve zainteresirane građane otvori najam uz korektnu cijenu prostora Vrtića. To je prostor u kojem se trenutno

obavljaju razni koncerti koje organizuje Pannonica, ali da to bude bez uslovljavanja da je Pannonica suorganizator, nego da se to iznajmi za recimo dvije il tri il četiri hiljade maraka za noć.

Ona također tvrdi i kaže da su koncerti posebna djelatnost koja treba nositi kompletan izvještaj. Zanima je koliko je ulaznica prodato od događaja s koncerata? Zanimaju je ugovori sa izvođačima, sponzorima, suorganizatorima, ukoliko se naravno oni mogu dostaviti, a ne vidim zašto ne bi mogli. Ulaz od ugostiteljstva, odnosno gratisi od brendova koji dođu kao takvi? I ona traži da se dostavi jedna dopuna izvještaja za ovu vrstu djelatnosti, odnosno prihod od ulaznica, prihod od ugostiteljstva, prihod od sponzora, dodatni ugovori od obezbjeđenja, dodatni radnici koji rade nakon zvaničnog radnog vremena Pannonice i eksterni radnici? Zanima je da li su raspisani tenderi za najam tehničke opreme i ugovori na uvid? Želi ugovore na uvid od toga. I koja je podrška od strane Turističke zajednice Grada Tuzle za manifestacije? I ona tvrdi da je ovaj izvještaj nepotpun i evo jednostavno da ne može bit dobit od 600.000 na 540 posjetitelja.

Ja sam ovo imao kao jednu obavezu da iščitam, da pitam. Volio bi da se direktor oko ovih pitanja izjasni pismeno. Pismeno. Ne na samoj sjednici nego pismeno i da eventualno dostavi ugovore od ovih stvari koje je kolegica Dragana tražila.

A što se mene tiče, ja bih volio evo ovaj zaključak, odnosno sad su to već dva zaključka, ali prvenstveno jedan zaključak gdje bi mi razmotrili načine kako da se Pannonica otvori prema poduzetnicima. To govorim recimo o modelu gdje bi Pannonica do tri il četiri sata radila sa svojim inventarom, s onim koji oni sad to nude, a od četiri sata gdje bi poduzetnici naravno u svim onim normama koji centar grada zadovoljava bez kojekakvih trange frange kombinacija, gdje bi poduzetnici imali na ustupanje taj prostor, uz stroge naravno higijenske mjere kao i to da se ne bi recimo, da ne bi koristili staklo, nego bi koristili plastiku, koristili bi mjere koje bi dopustile Pannonici da ujutro radi bez ikakvih problema, al da iskoristimo taj potencijal, jer evo ako ovdje svi govore da je grad Tuzla turistički grad, gdje sam ja par put na tu temu diskutovao nešto otvoriti, mislim da imamo jedan neiskorišteni potencijal, neiskorišteni biser i da bi to bio zaista jedan ozbiljan prostor za mlade ljude kako da rade stvari, tako i da imaju gdje da se dobro provedu. Tako da, što se mene tiče, toliko. Fala ljepo.

ANA PEJIĆ

Zahvaljujem se. Replika. Vijećnica Azra Feukić. Izvolite.

AZRA FEUKIĆ

Evo meni je drago da se kolege u većini slažu zajedno sa mnom i da postavljamo evo ista pitanja, obzirom da su pitanja ista i da su nedoumice u vezi izvještaja Javnog preduzeća Pannonica i da su kolege u većini nezadovoljne izvještajem. Ne znam, jedino imam objašnjenje zato što sam ja u opoziciji i vijećnica ispred Stranke demokratske akcije da se iz tog razloga moj zaključak nije usvojio. Ne znam drugi razlog, jer kažem postavljaju se ista pitanja i iste su nedoumice. Nisu zadovoljni izvještajem i onda se kao izvještaj usvaja. U čemu je problem da se izvještaj vrati na dopunu i da se ovaj na sljedećoj sjednici u potpunosti izvještaj usvoji?

ANA PEJIĆ

U redu. Ispravka krivog navoda. Vijećnik Admir Hasanbašić. Izvolite. Pa replika. Vijećnik Omer Berbić. Izvolite. Možete samo Azra mikrofon isključit. Izvolite Admire.

ADMIR HASANBAŠIĆ

E hvala. Pa ništa, ispravka krivih navoda se odnosi na ovaj dio da svi vijećnici većine misle isto kao i kolegica Azra, da postavljaju ista pitanja, a poslije glasaju za izvještaj. To se ne odnosi na sve. Kolega Omer je iznio svoj stav, a ostali vijećnici većine suprotno razmišljaju. Hvala.

ANA PEJIĆ

Replika. Vijećnik Omer Berbić. Izvolite.

OMER BERBIĆ

Fala ljepo. Vidite, mi kada uđemo u praksu prebacivanja izvještaja na iduće sjednice, mi ćemo doći u jedan od dva problema. Prošli puta smo imali problem, u prošlom sazivu, mislim da smo i u ovom donijeli te zaključke da ne uzimamo više od, u prošlom je to bio problem, pogotovo da ne uzimamo više od dva izvještaja po sjednici. A ukoliko sada otkažemo izvještaj za jednu od narednih sjednica, dolazimo u problem da možda nećemo ni doći do tog izvještaja, jer to se isto dešavalo. Tako da ja ne želim da upadnem u tu zamku, nego želim evo direktne odgovore i zato sam tražio pismeno da se direktor povodom ovoga očita i ukoliko to ne dobijemo sada, ja ću isto to tražiti na idućem izvještaju, odnosno idući izvještaj nećemo podržati ukoliko ne dobijem odgovore na ova pitanja. Mislim da je to put na kojem treba da se ide, a ne nikako da se prebacuju izvještaji, jer prebacivanje izvještaja dolazi u potpuno druge probleme koje vi možda evo razumijem prvi, prvi je mandat i to je sasvim ono prirodno i ja sam tako razmišljao, a onda se dođe do situacije da imamo neka preduzeća gdje se izvještaji nisu usvojili unazad dvije godine, jer su se ovako pomjerali. Tako da mislim da je korektnije da ovdje sad svi imaju šansu da prodiskutuju, a onda da dobijemo pismene odgovore. Do sada su pismeni odgovori bili korektni. Ukoliko ne budu pismeni odgovori korektni, ja ću vjerujte burnije od vas odreagovati, ali eto u svakom slučaju mislim da je objašnjenje korektno i da nema to ništa sporno. Fala ljepo.

ANA PEJIĆ

Ispravka krivog navoda. Vijećnica Azra Feukić. Izvolite.

AZRA FEUKIĆ

Evo ja ću još sad vezano za Pannonicu. Samo da kažem kolegi Berbiću, ja se nalazim u prvom mandatu, ali imam svoje jasne stavove i imam jasna mišljenja. Nema potrebe kolega da vi meni govorite da me učite kako da se ponašam u prvom mandatu. Ja ću sada da vam kažem, vi ste bili i protiv povećanja grijanja, sami ste to rekli, a morali ste glasati drugačije. Ako nešto, vi uporno obrazlažete nešto zbog čega vam se ne sviđa, a kažete, ja moram to tako. Pa nemojte obrazlagati da vam se to ne sviđa. Ovaj, ne sviđa vam se znači izvještaj, al morate za njega glasati. I nemojte mi govoriti da sam u prvom mandatu. Ja u prvom mandatu itekako znam šta želim i imam svoje jasne stavove. Vi očito nemate, jer ono što vi pričate kontradiktorno je sa onim što glasate.

ANA PEJIĆ

Poslovnička. Vijećnik Omer Berbić. Izvolite.

OMER BERBIĆ

Može mikrofona? Mislim pošto ste u prvom mandatu, neću vam to zamjeriti, al naučite Poslovnika ako ispravljate krivi navod, morate reći navod koji ispravljate, a ne da mi ovdje držite lekcije. Što se tiče lekcija, ja vam mogu puno lekcija održati o samom radu te vaše političke organizacije, al ovo nije ni mjesto ni vrijeme. Ovo je izvještaj Pannonice. Opravao vam se, iako to ne trebam da radim. Rekao sam zbog čega, ovaj, nisam glasao za vaš zaključak, a to stav kako ću ja glasati za izvještaj Pannonice, jel hoću il neću, to nije na vama gospodo, to je na meni, tako da molim vas ako ispravljate krivi navod, direktno ga ispravljajte, ovaj puta vam to ne zamjerim, jer vam je prvi mandat, naravno da ćete naučiti. Fala lijepo.

ANA PEJIĆ

Nastavljamo sa diskusijama. Vijećnik Dejan Kovačević, pa neka se pripremi vijećnik Senad Mehmedinović. Izvolite.

DEJAN KOVAČEVIĆ

Hvala predsjedavajuća. Evo krenut ću redom.

Što se tiče JAVNOG KOMUNALNOG PREDUZEĆA PANNONICA d.o.o. TUZLA, nešto lijepo da se kaže danas, ovaj, ima nas svakakvih bogami. Nije bolest sve što boli. (MENSUR ALIĆ – Hajde nastavi da pričaš). A hvala uvaženi dopredsjedavajući Mensure što ste mi uvažili priliku da se obratim. Dejan Kovačević, ispred Kluba vijećnika HDZ-a Bosne i Hercegovine.

Pannonica pored Slobode i Rudnika soli, Pannonica je ikona Tuzle i ne treba je kudit. Znači, jedno od preduzeća koje posluje u plusu i na osnovu toga je Tuzla, na osnovu Pannonice je Tuzla postala prepoznatljiv turistički grad. Znači, pored ljudi iz Bosne i Hercegovine, Pannonicom su privukli turiste pored susjednih zemalja iz Srbije, Hrvatske, pa evo uvrštena je i na destinacije kad ljudi putuju iz Češke, Slovačke, prema Jadranu da svraćaju, da svraćaju u Tuzlu, da vide Pannonicu da se okupaju, evo i da uživaju u sadržajima koja ona nudi. Rijetki su gradovi, znači, evo i u Bosni i Hercegovini i u regiji gdje dnevno na jednom mjestu prometuje preko deset hiljada ljudi. To u Bosni i Hercegovini možemo reći za Međugorje i za Tuzlu. Ni u jednom gradu se neće dogoditi da u kontinuitetu dnevno prometuje više od pet, deset hiljada ljudi. Nemojte kudit. Ljudi rade, onaj, pozitivno. Naravno, evo kroz vrijeme da se svi mi trebamo, evo sva poduzeća se trebaju širiti kapacitete, sadržaje, sve to stoji. Al nemojte da kudimo. Ljudi super rade i Tuzla je prepoznata po njima.

Tako da ću evo ispred Kluba HDZ-a Bosne i Hercegovine, mi ćemo...ja ću podržati ovaj izvještaj.

Što se tiče JAVNOG KOMUNALNOG PODUZEĆA SAOBRAĆAJ I KOMUNIKACIJE, evo i što se tiče osobno direktora gospodina Nedžada Malikića i svih uposlenika ovog poduzeća, jedni od rijetkih koji odmah reaguju i koji osluškuju puls Tuzle. Kad kažem puls Tuzle, sve potrebe građana. To je sve riječi hvale. Evo, ovaj, od izvještaja koji je decidno napravljen, predložen od poslovanja, javnih nabavki. Evo i za jedno i za drugo poduzeće, onaj, kroz izvještaj mogu pohvaliti da su to poduzeća koja apliciraju, ovaj, na javni natječaj, na projekte, na grantove, koji rade mogu reći rade evo i poboljšanju grada Tuzle i proširivanju svojih kapaciteta.

Tako evo što se tiče Kluba HDZ-a Bosne i Hercegovine, ovaj, ja ću podržati oba ova izvješća u ovom obliku. Hvala.

ANA PEJIĆ

Zahvaljujem se. Sljedeća diskusija. Vijećnik Senad Mehmedinović. Neka se pripremi vijećnik Mirza Malkočević. Izvolite.

SENAD MEHMEDINOVIĆ

E hvala lijepo. Dobro. Kada je u pitanju PANNONICA, da nema Pannonice da Tuzla nije administrativni centar Tuzlanskog kantona, da nemamo studente, bilo bi upitno šta bi bilo s Tuzlom, tako da hvala i Pannonici, hvala i poziciji Tuzle u smislu administrativne podjele i naravno studentima, jer Tuzla je studentski grad.

Kada je riječ o izvještaju, naravno da on ima uvijek svoje prednosti i ima slabosti i ove slabosti koje se iznose, to uopšte ništa nije lično. Znači, vijećnici iznose svoje prijedloge i žele da unaprijede rad Pannonice. Ukupan prihod je iznosio 5 miliona Konvertibilnih maraka i dobit je od 600.000, što je u stvari pokazatelj stabilnog poslovanja i faktor koji utiče na profit Pannonice je faktor na koji niko od nas ne može ovdje da utiče, a to je vrijeme. Dakle, dobro prihodovna strana Pannonice ovisi od vremena.

Prošle godine je bio veći prihod zato što se iz sezona ako se ne varam pomakla malo duže. Prihodi su za 28% veći u odnosu na 2023. godinu. I ono što je dobro jest da su realizovani investicijski projekti i evo ja mogu da govorim iz ličnog iskustva za projekte koje smo mi imali da realizujemo sa djecom različite vrste stepena invalidnosti, a naročito jedan projekat koji je izuzetno popularan, atraktivan i koristan za djecu, a to je ronjenje za osobe sa invaliditetom, što smo mogli da radimo u sklopu Pannonice i to moram da naglasim, da pohvalim. Međutim, to ne znači da Pannonica ne treba da ima dodatne sadržaje za van sezonsko poslovanje. Rekao sam da ovisi od vremena. Međutim, nakon sezone može se nekako kapaciteti Pannonice da se iskoriste za neke druge stvari, kao na primjer, jel postoji izgradnja mogućnost izgradnje zatvorenog Wellness prostora sa saunom, parnim kupatilom, il ne znam. Dakle, da Pannonica živi tokom cijele godine, pored ovog što bude u zimskom periodu, klizalište i tako dalje.

Takođe, prijedlozi direktoru, menadžmentu da ubuduće razmišljaju, ako nisu, možda i jesu. Korištenje postojećih tehničkih resursa u smislu izgradnje manjeg zatvorenog bazena da li ima prostornih mogućnosti tamo na području gdje su Panonska jezera da se to uradi.

Predložio bih jedan zaključak kada je u pitanju Pannonica i mislim da bi to bilo dobro u smislu sa povećanim brojem korisnika, odnosno, gostiju, a to je da se predlaže ako nije, mislim da nema to je iz izvještaja, da se uvede sistem lojalnosti i da se unaprijedi digitalni marketing u Pannonici, na način da postoji takozvana digitalna kartica lojalnosti i na primjer da građani skupljaju bodove određenim dolaskom i nakon određenog broja bodova imaju gratis posjetu. Dakle, moramo se malo otvoriti prema građanima, na način da što više dolaze, ne samo iz Tuzle, nego naravno i drugi. Zatim personalizovane ponude. Registrovani korisnici mogu dobiti poruku neku putem SMS-a, sa posebnim ponudama, na primjer, ko je korisnik ove kartice lojalnosti, sutra, prekosutra, ne znam, imaju 50% popusta. I pogodnosti posebno za porodice i određene grupe, gdje mogu porodice koje su korisnici ovih kartica imati porodične karte po povoljnim cijenama. I možda da se razmišlja u budućem periodu o ovim stvarima.

Kada je u pitanju izvještaj koji će moj kolega vjerujem Adnan lijepo da iznese u svom, Admir, pardon, u svom, nešto nas ne ide s imenima, u svom javljanju. Meni je žao što nisam bio na tački kad se govorilo o ovim parkinzima. Dakle, puna podrška i drago mi je da su se konačno uklonile ove kandže, a kada je u pitanju one što su ostale za građane koji dolaze iz EU, možda su samo kandže trebale da budu sa zastavom Evropske Unije. Bojim se samo kako će, znači, podržavam to, izuzetno mi je drago. Samo se bojim kako će ići sa naplatom, a hajde to ćemo da vidimo na sljedećim izvještajima, da vidimo kako to ide.

Što se tiče direktora, puna podrška. Naročito me je pozitivno iznenadio na ovaj problem kada je bio na Stupinama. Znači, kada su se građani okupili, direktor je otišao gore među građane, razgovarao, slušao pitanja građana. On odgovarao. Tako da je to stvarno za svaku pohvalu da direktor jedne, jednog preduzeća ide i direktno razgovara sa građanima o njihovim problemima. Dakle, ne krije se. Nema blindirana vrata da se dođe do njega. Kad vidim bilo šta da se radi u gradu pored radnika, uvijek bude i direktor i stvarno on može samo motivirajuće podsticajno da djeluje na svoje zaposlenike.

Pozitivan finansijski rezultat bez gubitaka. Vidimo da postoji ulaganje u tehničku opremljenost. E, šta mislim da bi bilo dobro da sva javna preduzeća i ustanove imaju, a što nemaju u svojim izvještajima. A to je veoma dobro i to je korektivni faktor javnim preduzećima i ustanovama. A to je izvještavanje o korisničkom iskustvu i kvaliteti usluga. Dakle, da postoji to da građani mogu da ocijene da se vide građani šta uoče, da li imaju neki problemi da oni na osnovu toga se, to da bude sastavni dio izvještaja i da na osnovu tih primjedbi možda direktori, onaj, poboljšaju neke stvari za koje građani smatraju da dobro ne funkcionišu.

I samo jednu sugestiju imam. U budućnosti bilo bi dobro uvijek se prijavljivati na što veći broj javnih poziva za realizaciju različitih projekata i namicanje sredstava u javnim preduzećima i javnim ustanovama.

U svakom slučaju podrška što se tiče Kluba vijećnika NL „Sloboda” za izvještaj. Hvala.

ANA PEJIĆ

Zahvaljujem se. Sljedeći za riječ se javio vijećnik Mirza Malkočević, a neka se pripremi vijećnik Emir Šahović. Izvolite Mirza.

MIRZA MALKOČEVIĆ

Hvala. Evo ovako. Što se tiče jednog i drugog izvještaja Klub Naroda i pravde će podržati jedan i drugi izvještaj. Sve pohvale jednom i drugom direktoru, al ja se posebno moram osvrnut na našeg Nedžada. Jesam dobro reko? Al ne na vas kolega. Na vas ću kasnije, ovaj, stvarno je po meni zasigurno jedan od najboljih direktora što se tiče javnih preduzeća. Sama pristupačnost i rad na terenu i komunikacija kako s nama vijećnicima, tako i sa građanima. Ja dugo, dugo nisam vidio bolji pristup i evo samo ko što je kolega Senad rekao kad smo ga vidili gore na protestima, na Stupinama. To je samo dokaz koliko posvećeno obavlja svoj posao i volio bi stvarno da i ostali direktori i direktorice se ugledaju na njega i njegov rad. Eto toliko. Hvala.

ANA PEJIĆ

Zahvaljujem se. Sljedeći za riječ se javio vijećnik Emir Šahović, a neka se pripremi vijećnik Admir Hasanbašić. Izvolite Emire.

EMIR ŠAHOVIĆ

Hvala. Ja ću oba izvještaja, onaj, prokomentarisati. Prošlu sjednicu sam samo ja bio ekonomski analitičar, sad ih imamo malo više. (ANA PEJIĆ – I nutricionista). A dobro. Ne možemo nutricionista bit onaj ovdje.

Kada je u pitanju Pannonica, generalno oba izvještaja, ono što je posebno za ova dva izvještaja je da pokazuju kako zapravo treba da se vodi jedno javno preduzeće. To su dva javna preduzeća koja donose toliko toga, javnog dobra gradu Tuzla, a ne terete budžet. To je izuzetno

bitno da se spomene. Saobraćaj i komunikacije ima prihode iz budžeta, ali oni te prihode zarade. Znači, ništa ne dobijaju tek tako i sve poslove koje obave, oni to fakturišu je li i naplate.

Kada je u pitanju PANNONICA, imamo znači ono što je izuzetno pozitivno, da su ukupni prihodi za 1 milion veći. Znači, ukupno 5 miliona maraka je prihoda. Imamo trend povećanja plata u odnosu na 2023. godinu od 10%. Također je pohvalna ova Uredba Vlade Federacije koja je ispoštovana od strane Pannonice, da je svaki radnik dobio 2.500 maraka. To je u konačnici, jel još 120.000 maraka, onaj, izdvojeno iz, ovaj, kako se zove, kao trošak ovog preduzeća. Pohvalno je pojačan prihod ugostiteljstva sa 1,4 na 1,9 miliona. Neto dobit sa nevjerovatnih 53 na 618 miliona...hiljada, izvinite, onaj, i ovo što mi je također zapalo za oko da je smanjen dugoročni kredit sa 163 na 61.000 KM.

Također, ono što bih ja posebno pohvalio na Pannonici su radnici Pannonice. To su ljudi za koje evo ja ih nekoliko poznajem. To su ljudi kada treba u kancelariji da rade, kojima je opis poslova neki kancelarijski, administrativni posao koji kada trebaju da idu i na kapiju da naplaćuju karte i da rade kada su u pitanju manifestacije i prekovremeno i nikad ništa im nije problem. I stvarno ima taj neki duh zajedništva u kolektivu Pannonice i njih je samo 123 zaposlena.

Na ovoliki prihod, ja bih dao neku preporuku. Ne mora to bit ništa formalno, al dao bi neku preporuku da se razmotri neka sistematizacija i povećanje broja radnika, onaj, kako se zove u Pannonici, zato što na kraju krajeva imamo ovaj profit od 618.000 i mislim da bi, da tu ima prostora da se zaposli još ljudi koji će Pannonicu napraviti još boljom, kao što su i ovi do sada.

Također je pohvalno da menadžment Pannonice se prijavljuje na projekte. Znači, imamo projekte zapošljavanja od strane Federalnog zavoda za zapošljavanje na, znači, sezonske radnike i također angažovanje studenata sa ovom izmjenom zakona na nivou Vlade Federacije. I od investicija izuzetno pohvalna je ova solarna elektrana koja će donijeti još neka dodatna, onaj, dodatne neke uštede.

Kada je u pitanju JAVNO PREDUZEĆE SAOBRAĆAJ I KOMUNIKACIJE, i to znači prihodi su za 12% veći. Ja čak nešto mislim i vjerujem da u 2025. godini, ti prihodi će biti još veći, zato što se proširuju kapaciteti, zato što su se zone neke izmijenile i onaj smatram da, da je ova 2025. godina, u najavi izuzetno pozitivna za Saobraćaj i komunikacije. I naravno pohvalna neto dobit nakon odbijenog poreza na dobit. Znači, sa 232.000 na 381.000. I u Saobraćaju i komunikaciji imamo trend rasta plata od otprilike od 10%. Odličnu optimizaciju i kontrolu troškova, pa su materijalni troškovi bez obzira na dosta veći promet posla, imamo 8% manje materijalnih troškova. Stanje zaliha nevjerovatno uduplano kada je u pitanju ovo stanje sa 429.000 na 880.000 vrijednosti zaliha i ljudi su i opet napravili neto dobit veću koliko su napravili.

Definitivno oba menadžmenta su za pohvalu. Ono što bih ja pitao direktora Pannonice, pošto imamo sad ukupni akumulirani, ukupnu akumuliranu dobit od 1,3 miliona, kako je planirano da se rasporedi ta akumulirana dobit u narednom periodu, da li su u planu neke veće investicije, zato što stvarno ima prostora i možda je vrijeme da se nešto novo pojavi na Panonskim jezerima. I eto. Toliko od mene. Hvala.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Hoćeš li pismeni odgovor ili usmeni?

EMIR ŠAHOVIĆ

Može pismeni.

**MENSUR ALIĆ – zamjenik predsjedavajućeg
Gradskog vijeća Tuzla,
vijećnik Tuzlanske alternative**

Hvala.

ANA PEJIĆ

Sljedeći za riječ se javio vijećnik Admir Hasanbašić, a neka se pripremi vijećnik Nedžad Jusić. Izvolite Admire.

ADMIR HASANBAŠIĆ

Hvala predsjedavajuća. JAVNO PREDUZEĆE SAOBRAĆAJ I KOMUNIKACIJE zaista kolegkinice i kolege su rekle mnogo toga tako da ne želim se ponavljati, ali evo istaću neke vrlo bitne stvari, a to je da kao i svake godine SIK posluje sa velikom dobiti i tako je i u 2024. godini dobit od 381.000 konvertibilnih maraka iako je u infrastrukturne projekte uloženo blizu jedan milion maraka. Zaista su to velike cifre. Zaista su to sve veliki projekti.

Iako je SIK u prošloj godini ostao bez parking prostora koji se nalazi dole kod Omega opet su uspjeli da prošire kapacitete, tako da i u 2024. godini imamo povećanje parking prostora. Što se tiče rasvjete u 2024. godini je zamjenjeno blizu 40% svih halogenih rasvjetnih tijela u gradu Tuzla sa LED rasvjetom. Ovdje treba reć jednu vrlo bitnu stvar jer po raznim portalim i mrežama se piše kako od Gradske uprave SIK uzima kapital kada je u pitanju rasvjeta, međutim to nije tačno. Saobraćaj i komunikacije izvrši nabavku svjetiljki za svoj novac ugra-di te svjetiljke onda fakturiše te svjetiljke Gradskoj upravi i to po cijeni po kojoj su oni nabavili. Faktički Grad plati znači, Saobraćaju i komunikaciji samo za ugradnju. I zaista velike poh-vale za Saobraćaj i komunikacije koji se tako odnosi prema osnivaču, odnosno prema Gradu Tuzla.

Što se tiče plata rečeno je već. Međutim, jedna činjenica je zanimljiva. Ona uredba, odnosno odluka da minimalac treba da iznosi 1000 konvertibilnih maraka. Jedno od rijetkih preduzeća je Saobraćaj i komunikacije gdje nije potrebno povećavati te plate na minimalac jer su s-vi uposlenici JKP Saobraćaj i komunikacije imali minimalnu platu veću od 1000 konvertibilnih maraka a to je sve zahvaljujući menadžmentu, direktoru Nedžadu Malikiću i svakako sarad-nje sa nadzornim odborom, saradnjom i sa skupštinom.

Uniformisanje zaista to je jako bitan segment koji predstavlja ozbiljnost neke ustanove, odnosno u ovom slučaju preduzeća. Vidim da evo sad su se izmjenile nove uniforme znači, i onih koji rade na onim tzv. lisicama, onih koji rade na rasvjeti zaista kad se pojave znači, kroz grad kad šetaju i kad obavljaju svoj posao kao da su neki uposlenici FBA kako su dobro uređeni i svaka čast direktore jer odlika uposlenika kako on izgleda, kako je on uniformisan to je i ogledalo javnog preduzeća. Čak su radili i obilježavanje horizontalne signalizacije. Znači, ne samo za potrebe Grada već napravili su prihode i u nekim ostalim općinama. To je pra-vi posao i pravi, pravi menadžer.

Organizovanje „Ljeta u Tuzli“ – „Zime u Tuzli“ kad god dođem tu su uposlenici u bilo koje doba dana, noći. Tu je direktor sa njima. To su već rekle kolege. Međutim, kako je krenulo ja mislim da će zbog Saobraćaja i komunikacije u Tuzli da uvedu i „Jesen u Tuzli“ i „Proljeće u Tuzli“ jer oni mogu zaista da pokriju bilo kakvu manifestaciju.

Imam zamjerku za direktora. To mu često govorim: „Nemoj Nedžade. Da malo stane.“ Ode zdravlje moram to reći zaista. To je direktor koji nema, nema nikako ni godišnjeg odmora. Znači non-stop radi non-stop je u pokretu. I zaista kažem treba da malo da odmori u nekom segmentu jer ovo je vrlo, vrlo naporan i zahtjevan posao a on ga obavlja zaista, zaista odgovorno.

Svakako još jednom čestitke direktoru. Zatim svi-m uposlenicima, jer postoji sinergija između menadžmenta i uposlenika, nad-zornog odbora i svakako podrške iz Gradske uprave a to je Služba za komunalne poslove za ovo fenomenalno poslovanje u ovih nekoliko godina.

Naravno Klub vijećnika Tuzlanske alternative će o-ba Izvještaja podržati. Hvala.

ANA PEJIĆ

Zahvaljujem se. Sljedeći za riječ javio se vijećnik Nedžad Jusić, a neka se pripremi vijećnik Šefik Husić. Izvolite.

NEDŽAD JUSIĆ

Hvala predsjedavajuća. Šta u stvari reći posle kolega i kolegica koji su rekli za direktore. Plašim se da se neće pokvariti ukoliko in volko puno ovaj, pohvaljujemo, ali bez daljnjeg to je tako i to je jednostavno urnek kako trebaju da rade javna preduzeća kao i javne ustanove, jer jednostavno i na taj način oni pravdaju svoj poso i evo vidjeli smo od većine vijećnika bez obzira odakle dolaze s koje pozicije da pozitivno gledaju na poslovanje pomenutih javnih komunalnih preduzeća i to je prava stvar na koji način trebamo da radimo.

S druge strane evo vidimo oba preduzeća su pozitivno poslovala, a to je sve zahvaljujući organizaciji menadžmentu pomenutih preduzeća. Neko je rekao. Ne znam ko je spomenuo od kolega takođe da su radnici efikasni, da rade, da su primjereni. To sve zavisi od menadžmenta kako u stvari napravi strukturu, kako na koji način ovaj, rasporedi poslove, odnosno kakvu politiku vodi u, u svojoj ustanovi, iako imamo ovaj, također primjera gdje jednostavno u nekim javnim ustanovama povodom Doma zdravlja ponaša se mnogi neki kako god žele i hoće a ovaj, i normalno to je glava kuće odlučuje na kraj krajeva na koji način će sve to funkcionisati. Al ne bi sad otvaru ponovo tu temu.

I evo vidim ovdje što je vrlo va-žno. Mi dobijamo ove Izvještaje iz godine u godinu. Znači, evo od dvajspete godine raspravljamo o Izvještaju za dvajščetvrtu. Dvajššeste ćemo raspravljati za dvajspetu. Evo imamo javne ustanove koje 3 godine nam ne dostavljaju Izvještaje. Znači, najvjerovatnije nešto nije dobro.

I zbog toga sve pohvale ovom Javnom komunalnom preduzeću Saobraćaj i komunikacije kao i Javnom preduzeću „Pannonica“ d.o.o. Tuzla na radu, na uspješnosti i siguran sam u tome da će i nastaviti.

I evo sad ću još jednom i ponoviti što sam rekao danas u diskusiji. Ja mislim. Ne znam dal je Mensur i Mirnes bio tada 2003. godine u Vi-je-ću? Ja sam bi-o kada smo u-sva-ja-li Odluku o uspostavljanju „Pannonice“ i ja sam glasao za. Neki su bili protiv. Al okej. To je tada bilo na taj način nako kako je bilo, ali između ostalog i ne kajem se i drago mi je što sam bio jedan od vijećnika mnogih koji su, većine koji su glasali i na kraj krajeva danas imamo jedno uspješ-no preduzeće koje može biti i jeste si-gu-rno biser Grad Tuzle i normalno da ću glasati za oba preduzeća, odnosno njihove Izvještaje. Hvala.

ANA PEJIĆ

Zahvaljujem se. Vijećnik Šefik Husić, a neka se pripremi vijećnica Svjetlana Kakeš. Izvolite.

ŠEFIK HUSIĆ

Ništa evo ja bih obzirom da je kolegica onaj, već ispred Kluba se javljala i diskutovala vezano za JAVNO PREDUZEĆE „PANNONICA“ TUZLA ja bi ovom prilikom znači, diskutovao vezano za JAVNO PREDUZEĆE SAOBRAĆAJ I KOMUNIKACIJE obzirom da je to po mom mišljenju i po onome što ja pratim jedno od najstabilnijih u radu znači, preduzeća i to od momenta kad je u prošlom Sazivu Nedžad Malikić bio naš kolega koji je također i kao vijećnik pokazao znači, onaj, umijeće. Nismo ni sumnjali da će kao direktor onaj, učinit jako puno i želim ovom prilikom samo da kažem da bogdom imamo znači, u svim ovim javnim preduzećima i ustanovama na području grada takve direktore koji bi radili kao što radi Nedžad Malikić.

Onaj, želim da kažem da ćemo mi ispred Kluba znači, podržat izvještaj Javnog preduzeća Saobraćaj i komunikacije i podržat ćemo rad znači, jednog od ovakvih ljudi koji stvarno daje sve od sebe da ovaj rad znači, u svakom smislu ono što je u obimu njegovih nadležnosti onaj, procvjeta. I zaista on je na, na području cijelog grada, na svakom terenu gdje god se onaj, ukaže na problem rješava se brzo, efikasno, jako dobro rukovodi ljudskim resorsima tako da sve pohvale. I Klub Stranke demokratske akcije znači, će podržat ovaj Izvještaj. Hvala.

ANA PEJIĆ

Zahvaljujem se. Sljedeća za riječ javila se vijećnica Svjetala Kakeš. Izvolite.

SVJETLANA KAKEŠ

E hvala predsjedavajuća. Ja sam evo ispred Kluba dobila zaduženje da pripremim naše izjašnjenje vezano za IZVJEŠTAJ O POSLOVANJU JAVNOG KOMUNALNOG PREDUZEĆA SAOBRAĆAJ I KOMUNIKACIJE ali ću iskoristiti mogućnost ako mi vrijeme dozvoli da se malo osvrnem i na „PANNONICU.“

Klub vijećnika SDP-a će naravno podržat Izvještaj o poslovanju Saobraćaj i komunikacija iz više razloga. Evo već je i rečeno. Urađen je u skladu s metodologijama. Preduzeće konstatno ostvaruje pozitivan poslovni rezultat, a ostvarenu dobit reinvestira u unapređenje usluga djelatnosti koje su mu povjerene od strane ovog Gradskog vijeća. Uz to bi napomenula da je jedan od planova kako piše u Izvještaju reinvestiranje nastavak faznog rješavanja pitanja parking mijesta oko kompleksa UKC-a. I prema informacijama koje smo dobili od uprave preduzeća Grad Tuzla i uprave SIK-a su još prije oko godinu dana ishodovali urbanističku saglasnost, sačinili Ugovor o međusobnim pravima i obavezama, al već skoro godinu dana se čeka da direktor UKC-a, odnosno ovlaštena osoba potpiše predhodno zajednički usaglašen ugovor kako bi se moglo nastaviti sa planiranom, planiranim i ranije dogovorenim aktivnostima. Ovdje smo u okviru više tačaka pominjali problem izgradnje ove garaže.

S toga predlažem da jedan od zaključaka ove rasprave bude da:

Gradsko vijeće traži od uprave UKC-a Tuzla informaciju o razlozima nepotpisivanja Ugovora o realizaciji projekta izgradnje javne garaže na prostoru kompleksa UKC-a koji su zajedno pripremili saglasnost predstavnici JKP Saobraćaj i komunikacije i UKC Tuzla i koji u pripremljenoj fazi nije imao nikakvih spornih dijelova, te da li je UKC i dalje zainteresiran za rješavanje problema parkiranja oko kompleksa UKC-a na način kako je to u prethodnom periodu usaglašeno.

Evo preskočit ću neke ovaj, stvari koje su već rečene da vam ne oduzimam vrijeme.

Kad govorimo o poslovanju u 2024-toj posebno bih istakla. Mislim da je i kolega Hasanbašić to spominjao. Al bih zaista istakla iskorak koji su Grad, nadležna služba za

Komunalne poslove i SIK napravile u oblasti javne rasvjete. Tokom 2024-te su zamjenjeni svi stari stubovi javne rasvjete na Sjevernoj saobraćajnici i postavljena nova LED rasvjeta. Isto to urađeno je i na Južnoj saobraćajnici do objekta Higijene. Na ovaj način je ostvarena ušteda u potrošnji električne energije oko 70%. Između ostalog zahvaljujući ovom projektu sredstva koja su izdvajana iz Budžeta Grada za ove namjene se nisu povećavala iako je došlo do značajnijih povećanja cijena električne energije. Uz to su naravno i troškovi održavanja svedeni na minimum.

Slična, odnosno izuzetno zadovoljavajuća situacija je kad govorimo o horizontalnoj i vertikalnoj signalizaciji, jer vidimo da gotovo besprjekorno funkcioniše. Ovdje spominjemo i ovaj, naše kolege pogotovu Ajanovića i Alića koji se sjećaju raznih odluka od ranije. Pa ja bi ih i podsjetila da se samo prisjetimo (zbog tehničke smetnje rečenica izgleda ovako op.a.) horizontalne signalizacije a pogotovo ako se sjećate i sa problemima javne rasvjete kad je to bilo povjeravano privatnim preduzećima, kad smo skoro jedne godine bili gotovo bez, bez javne rasvjete.

Imajući u vidu gorući problem u ovom gradu koji je u nadležnostima u nadležnosti SIK-a, a to je problem nedostatka parking mjesta, podržavamo i ističemo mjere koje su navedene u Izvještaju, te predlažemo da se usvoje i u formi zaključaka Gradskog vijeća, a posebno ističem sljedeće:

Nastaviti aktivnost na izgradnji javne garaže uz kompleks UKC-a Tuzla. Naravno ako se ovi uslovi ispune, ali i aktivnosti na iznalaženju lokacija za izgradnju javnih garaža po mogućnosti i u istočnom i u zapadnom dijelu grada. Npr. Slatina i Sjenjak.

Zatim, da se postavljanjem fizičkih prepreka stubića, žardinjera i sl. poveća zaštita pješačkih zona sa ciljem povećanja bezbjednosti pješaka.

I da se radi na unapređenju vertikalne signalizacije, odnosno da se nastavi sa postavljanjem zvučnih signala na semafore čime se povećava sigurnost slijepih i slabovidnih učesnika u saobraćaju.

Klub SDP-a podržava dosadašnji način rada uprave i uposlenika Saobraćaj i komunikacija i njihova nastojanja da iz godine u godinu unapređuju komunalne usluge koje su im povjerene.

Klub vijećnika takođe, a evo i ja lično se pridružujem svim pohvalama koje su izrečene na račun direktora i uprave ovog preduzeća. Ovaj, da ne oduzimam vrijeme neću se ponavljat. Ali ipak osjećam potrebu da istaknem... Većina nas se vi-še susreće sa radom i uslugama Javnog komunalnog preduzeća saobraćaj i komunikacije, a možda malo manje sa uslugama koje pruža „Pannonica“ jer nismo u situaciji da gotovo svakodnevno ovaj, budemo prisutni tamo. Takođe mislim da je i Maid Porobić jedan od najuspješnijih direktora. Jer ipak samo kad imamo u vidu, a mislim da su neke kolege i istakle. Kad imamo u vidu da, da se radi o izuzetno velikoj odgovornosti da u toku jednog dana na kompleksu. Ja zaboravljam nisam dobra s brojevima. Ali puno je kvadratnih metara tamo. Ali znam da bude nekad i po 15 hiljada ljudi koji posjećuju „Pannonicu“ i da zaista ja se ne sjećam da je i-kad do sad za ovih evo 22 godine bio neki veći incident. Naravno nije Maid 22 godine direktor ali ovaj, najveće uspjehe i najveći progres je ovo preduzeće i postiglo od kako je on direktor. Nemojmo zanemarivati i idemo sad na sitnice i neka treba vijećnicima i vjećnicama odgovoriti naravno na svako pitanje. Al nemojte da zanemarimo rezultate. Da zanemarimo da ovaj kompleks zapošljava svake godine sezonski preko stotinu radnika. Da evo iskoristio je i mogućnost da ove godine kad je Vlada Federacije dala tu mogućnost zakonom da zaposli i studente kao sezonske radnike. Maid Porobić je takođe veoma proaktivan direktor. Ko posjećuje „Pannonicu“ može tamo da se uvjeri da i nje-ga možemo vidjet stalno na terenu da ne kažem u kojoj radnoj odjeći. Da ga sad vidite na jednom jezeru sad na drugom sad na slapovima. Da, da je, da ne zaboravimo da je zahvaljujući uspješnom radu „Pannonice“ zaista svi ugostitelji naročito u centru grada, hotelijeri, taksisti, obrtnici, trgovci, privatni iznajmljivači imaju mnogo, mnogo veće prihode što je pohvalno jer

se tako zapošljava veliki, veliki broj naših sugrađana posebno mladih, a da ne govorim o tome koliko je unapređen kvalitet života svih građana i svih generacija. Hvala.

ANA PEJIĆ

Zahvaljujem se. Zaključujem diskusiju Klubova vijećnika.
Otvaram diskusiju vijećnika. Vijećnik Jasmin Gavranović. Izvolite.

**JASMIN GAVRANOVIĆ – vijećnik SDP – Socijaldemokratske
partije Bosne i Hercegovine**

Hvala predsjedavajuća. Po meni IZVJEŠTAJ O POSLOVANJU JAVNOG PREDUZEĆA „PANNONICA“ D.O.O. TUZLA ZA 2024. GODINU predstavlja izuzetno kvalitetan, sveobuhvatan i transparentan prikaz o uspješnosti rada jednog od najvažnijih turističko-rekreativni centar u Bosni i Hercegovini.

Rezultati koji su postignuti u protekloj godini jasno ukazuju na visoku razinu odgovornosti, profesionalizma i strateškog upravljanja kojim ovo društvo kontinuirano potvrđuje svoju poziciju nosiocu brenda grada Tuzle.

Društvo je poslovnu godinu završilo s neto dobiti u iznosu od skoro 620.000 konvertibilnih maraka uz povećanje ukupnih prihoda za 28% u odnosu na prethodnu godinu što jasno pokazuje stabilnost i rast poslovanja bez Budžetskog sufinansiranja.

Posebno je važno istaći visok nivo naplate potraživanja i uredno izmirene obaveze prema dobavljačima.

Ljetna sezona 2024. godine je realizovana uz 100% iskorištenja kapaciteta kao i brojni tehnički i infrastrukturni zahvati koji su unaprijedili kvalitet boravka gostiju.

Poseban doprinos dali su zaposlenici koji su u izazovnim vremenskim i tržišnim uslovima obavili izuzetno složene zadatke.

Realizacija druge solarne elektrane „Pannonica“ dva te priprema projekta „Pannonica“ tri potvrđuju strateško opredjeljenje za povećanje energetske efikasnosti i smanjenja emisije CO2 čime društvo aktivno doprinosi ciljevima održivog razvoja.

Uspješno realizovane dvadesetprva ljetna i osamnaesta zimska sezona sa više od 534.000 gostiju uz organizaciju čak 41 kulturno zabavne i sportske manifestacije pokazuju bogat sadržaj (nerazgovjetno izgovorena riječ op.a.) u pristupu i snažnu marketinšku pozicioniranost.

Aktivnosti su dodatno obogaćene raznolikim partnerstvima i projektima uključujući saradnju sa obrazovnim institucijama, udruženjima i medijima.

Uprkos izazovima na tržištu rada, a posebno u sektoru ugostiteljstva „Pannonica“ do.o. Tuzla je zaposlila ukupno 198 radnika uključujući i značajan broj studenata pokazujući tako fleksibilnost i društvenu odgovornost.

Postavljeni ciljevi za 2025. godinu ukazuju na daljnju orijentaciju kao samoodrživost i unapređenje usluga, digitalizaciji procesa, razvoju ugostiteljstva, boljim promotivnim strategijama, očuvanju visokog standarda boravka na kompleksu Panonskih jezera.

Nažalost u realnosti se povremeno mogu čuti i kritike na račun poslovanja društva koje nisu temeljene na činjenicama. U predstavljenom izvještaju važno je istaći da se takvi komentari često plasiraju od strane pojedinaca čije izjave više odražavaju lične ili političke ambicije nego stvarnu brigu za razvoj „Pannonice“. Postoji opravdana suanja da su motivisani željom da u budućnosti ostvare ličnu korist ili pozicioniranje unutar sistema koristeći narativ koji ne odgovara stvarnom stanju.

Stoga je od izuzetne važnosti da se poslovanje društva i ostvareni rezultati vrednuju isključivo na osnovu objektivnih pokazatelja i profesionalnih standarda, a ne kroz prizmu ličnih

interesa ili pokušaja diskreditacije uspješnog i transparentnog rada. Zaključno, Javno preduzeće „Pannonica“ predstavlja primjer kako javno preduzeće može biti efikasno, tržišno orijentirano i odgovorno.

Čuvajući javno dobro, gradeći prepoznatljiv identitet grada Tuzle u očima domaćih i stranih gostiju kontinuirano unapređenje poslovanja, ulaganja u ljude, tehnologiju i okoliš čini ovo društvo jednim od najuspješnijih lokalnih sistema u Bosni i Hercegovini. Takav rad zaslužuje pohvalu, podršku i priznanje svih nivoa vlasti, građana i partnera.

Što se tiče drugog Izvještaja. POHVALJUJEM RAD JAVNOG PREDUZEĆA SAOBRAĆAJ I KOMUNIKACIJE koje kontinuirano doprinosi unapređenju saobraćajne infrastrukture, komunalnih usluga u našem gradu. Posebno ističem posvećen i odgovoran rad direktora preduzeća koji sa svojim timom pokazuje visok nivo profesionalnosti u svakodnevnom poslovanju. Uzimajući u obzir i prikazane rezultate i aktivnosti ovim putem potvrđujem da prihvatom Izvještaj o radu i poslovanju ovog javnog preduzeća. Hvala.

ANA PEJIĆ

Zahvaljujem se. Sljedeća za riječ javila se vijećnica Berisa Ahmetović, a neka se pripremi vijećnik Samir Mulaosmanović. Izvolite.

BERISA AHMETOVIĆ – vijećnik SDA – Stranke demokratske akcije

Hvala predsjedavajuća. Prije svega ja bih da se osvrnemo ovaj, na Izvještaj od ovog preduzeća znači, o kojem je govorio kolega Šefik i podržavam zaista u cjelosti sve izrečeno i mislim da nema potrebu i ništa da dodam.

Kad je u pitanju IZVJEŠTAJ JAVNOG PREDUZEĆA „PANNONICA“ D.O.O. TUZLA osim onoga što je navela kolegica Azra ja bih da kažem da sam ja nekako evo tako bih krenula svoje ovo današnje izlaganje na ovu temu danas došla do zaključka da možda i ne trebamo razmatrati onaj, smanjenje cijene nas ovih što ne živimo baš tu oko, oko Panonskog jezera. Ne treba nama ni smanjit pošto nam evo i ne daju na Panonsko ovaj, nema ni potrebe da cijene budu jeftinije.

U tom smislu dostavljeni Izvještaj zaista nisam imala potrebe da razmatram stranicu po stranicu zbog same činjenice da je u startu rad preduzeća diskriminatoran i da evo smatram zaista onaj, malo na neki način i uvredljivim. Da ni jedan od kolega znači, nije prokomentarisao tu činjenicu uz sve ove pohvale i hvalispeve na rad preduzeća obzirom da smo u dostavljenom materijalu imali odgovor na moju inicijativu od prošle sjednice gdje je Javno preduzeće „Pannonica“ ja-sno i diskriminatorno naglasilo kako postupa sa ženama u burkiniju i da je ovo preduzeće preduzeće koje uskraćuje pravo jednom dijelu svojih građana.

U tom smislu želim izraziti...Osjećam dužnost da se kao vijećnica osvrnem na ovo pitanje koje sam ranije otvorila a to je: Zabrana kupanja žena u burkiniju.

Odgovor koji sam dobila a koji i vi imate u vašim materijalima je duboko problematičan. Zaista ne-ću da koristim neke druge termine obzirom da mi ne dozvoljava moje dostojanstvo i mjesto koje poštujem i na kojem se nalazim, ali u najmanju ruku ovaj odgovor je problematičan i zabrinjavajući.

U dostavljenom aktu pored navođenja takozvanih higijenskih razloga u obrazloženju se našlo i mišljenje da burkini nije u skladu sa islamom. Ovo je skraćeno rečeno. Imate sve u materijalu i nemam potrebe da dodatno obrazlažem.

Ja ovdje zaista moram da postavim ja-sno pitanje:

Ko je upravi jednog preduzeća dao mandat da tumači religijska učenja?

Ko im je dao pravo da određuju šta je u skladu sa islamom a šta nije?

To nije njihova nadležnost ni njihova odgovornost. Njihov posao je da osiguraju pristup javnom do-bru. Naglašavam. Javnom dobru svih građana bez obzira na naša religijska uvjerenja, izgled, način odijevanja ili naše porijeklo, a naš posao kao građanki jeste da odlučimo kako ćemo mi tumačiti našu vjeru i kako ćemo se u skladu sa navedenim ponašati. To je moj posao. Ne treba meni niko govoriti da li je to po muslimanski ili ne. Stvarno zahtijevam da se ja-vno, ja-vno uputi izvinjenje u ovom segmentu.

Želim posebno naglasiti da svojim pitanjem koje sam postavila, odnosno inicijativom uopšte i isključivo nisam govorila o ženama muslimankama. Govorila sam o svakoj osobi bez obzira na vjeru na svjetonadzor. Evo malo prije sam razgovarala sa jednom kolegicom koja kaže: Ja ne bih otišla na Panonsko jezero. Žena nije pokrivena. Ali ima potrebu znači, ne želi da se u tom prostoru od tolikog broja...Evo kolegica Svjetlana je rekla. Ona zna kako, kako to gore izgleda. Uz svo poštovanje kolegici evo ja nemam pravo ni da vidim kako izgleda. Mogu prošetati vjerovatno. Ne znam da li će mi ko zabraniti. Gledat će hoću li ući u vodu ili ne-ću onaj, koja bi možda došla i okupala se. Nije žena možda ni muslimanka. Ima svoja neka druga lična stajališta. Ne znači da bih ja otišla da se kupam u burkiniju to vas ovdje i ne zanima to nije vaša stvar to je moje lično pravo, a moje je kada mi se to pravo omogući da odlučim hoću li ga iskoristiti ili ne. Vi sutra ujutru možete odlučiti hoćete li sa svojom djecom prošetati i okupati se na Panonskim jezerima. Evo mene danas kičma boli kažu fale se tim ljekovitim svojstvima Panonskih jezera. Kaže meni doktor: Otiđite kupajte se. Svaki dan plivajte u Panonskom ujutru u jutarnjim satima itd. Nemam pravo. Ne daju mi. Šta da radim?

Zabrana burkinija nije ni-šta drugo nego institucionalizovana diskriminacija žena koje koriste javne prostore u skladu sa svojim uvjerenjima. Opet ponavljam. Ne samo muslimanke. U-vje-re-nja različita. Ona šalje poruku da određene žene ni-su dobro došle i to u Tuzlu grad koji se ponosi svojom otvorenošću, slobodom i tolerancijom.

Podsjećam vas da je se burkini koristi širom svijeta. Da nema ni je-dnog, stručnog, zdravstvenog ili pravnog autoriteta koji je rekao da je on ne higijenski. Uprava Panonike je javno preduzeće koje zaista mora poštovati Ustav, Zakon o zabrani diskriminacije i Međunarodne konvencije koje zaista štite slobodu vjere, izražavanja, jednakost spolova.

U tom kontekstu moj zahtjev je i pozivam Upravu Panonike da povuku diskriminatornu zabranu burkinija u Pravilniku o korištenju jezera. Da upute javno izvinjenje svim građankama koje su bile pogođene neprimjerenim komentarima i odbijanjem pristupa.

Da vam kažem ovom mojom inicijativom predhodnom na, na, na ni-zu, ni-zu komentara negativnih sam se našla. Ne-ma pra-vo niko da to ra-di. Nema pravo da mi ugrožava moja osnovna prava. Kažem: Mo-je je da ja vidim jel to meni pod muslimanski kako se piše ili nije. To je moja lična stvar. Ja sam građanka koja je-dnako izdvaja kao i sve ovdje prisutne kolegice u Sali znači, nikakva razlika među nama nije. (ANA PEJIĆ – Molim vas samo vodite računa o vremenu.) U redu. Evo samo još jedna rečenica. (ANA PEJIĆ – Okej.)

Na kraju ponavljam da možemo...Na kraju hoću da istaknem da bih predložila evo jedan zaključak ukoliko je naravno evo kolegica Slađana obzirom da smo zaista kolegice evo mogu ovaj, poštujem njeno mišljenje i ako može u skladu sa ovom temom evo današnjoj uz uvažavanjem svega da ide ovaj zaključak a to je:

Da se zaduži „Pannonica“ da uskladi sve svoje akte i da prestane sa vršenjem diskriminacije znači, i da nas o tome obavijesti.

Ukoliko ne može ovo na ovaj način zahtijevam znači, i zahtijevat ću zaista od Gradskog vijeća, a to sam navela i u svom zahtjevu, odnosno inicijativi. Zahtijevat ću zaista da se raspravi ovo pitanje i da se „Pannonica“ zaista prestane sa ugrožavanjem osnovnih ljudskih prava i ovaj, da u svoj...mogućnost znači, pristupa javnom dobru imamo svi a moje je hoću li na kraju to pra-vo iskoristiti isto kao i vaše.

U kontekstu navedenog vjerujem da mogu ispred Klub SDA, ni-je detaljno ni razmatrao svaku stavku, jer smatramo da je samo preduzeće i njegovo postupanje diskriminatorno i kada

se prestane stim detaljno ćemo razmatrati sve stavke i danas neće dobiti našu podršku. Hvala lijepo.

ANA PEJIĆ

Zahvaljujem se. Sljedeći za riječ javio se vijećnik Samir Mulaosmanović, a neka se pripremi vijećnica Azra Feukić. Izvolite Samire.

**SAMIR MULAOSMANOVIĆ – vijećnik SDP –Socijaldemokratske
partije Bosne i Hercegovine**

Hva-la. Izvještaj sam pročitao, pregledao detaljno i neću se puno nešto bakčati brojevima jer svi su skoro sve naveli onaj, više ću pričat o nečem što vidim na terenu i što, što je meni bitno ko čovjeku.

ŠTO SE TIČE SIK-a sve pohvale za gospodina Nedžada. Svaka mu čast na njegovom radu. Za njega mogu reći da je čovjek od naroda da kaže svugdje ga vidi. Isto tako njihovi uposlenici nije im lako. Ima svega na terenu. Nije lako napisati ni onu kaznu, pa onda uz nekakvu dozu izvinjenja i naplatiti je. Tako da što se tiče mene sve pohvale. Drago mi je da Nedžad hoće saslušati. Uputiti prema kome kako da se riješe određene stvari. Evo neki dan smo razgovarali o jednoj jako interesantnoj stvari da se osim povlaštene karte mogu dobiti i firme bez obzira gdje se nalaze jer do sad imamo da moramo po CIK-u, po ovome CIPS-u mjesto stanovanja zašto ne mogu omogućiti i firmama da mogu parkirati negdje po povlaštenim cijenama. Tako da drago mi je, razumijem i u internom razgovoru i slažem se da bi se to moglo vrlo brzo riješiti tako da stvarno sve pohvale za njega i njegove uposlenike.

ŠTO SE TIČE „PANNONICE“. Tu sad imamo jako velik Izvještaj. Imamo svašta nešto al opet nećemo o brojkama. Jedno što znam je da nije lako Maidu Porobiću tamo. Ogroman je to kompleks. Jako teško je to kontrolisati. A po meni je najinteresantnija stvar. „Pannonica“ kao d.o.o. ona živi 12 mjeseci al radi 3 mjeseca. Znači, nekad mislim da je Maid isto ko poljoprivrednik gleda u nebo i moli Boga da ne padne kiša jer taj dan nema izvore primanja. Slažem se sa Senadom možda da ta 3 mjeseca pomjerimo i zato smo tu i da diskutujemo i dajemo prijedloge. Ništa to nije strašno. Da vidimo znači, šta se može van sezonski napraviti u kojem pravcu ići jer po, po svim ovim brojkama sve je divno, krasno al ja se isto tako sjećam ljeta kad je i po 60 dana bilo kiše a 30 je bilo radnih tako da jednostavno ni, nije mu lako. To, to je poenta. Raditi na 90 dana a da to traje, da firma živi 12 mjeseci to, to je strašno. Imam iskustvo i s tim. Tako da u svakom slučaju svaka čast i Maidu na, na, na dosta toga. Al evo tu smo i da raspravljamo i donosimo prijedloge za neka i poboljšanja kolko je sve moguće i u skladu sa prihodima jer znamo da „Pannonica“ sama od svojih para rješava svoje stvari. Hvala.

ANA PEJIĆ

Zahvaljujem se. Sljedeća za riječ se javila vijećnica Azra Feukić. Izvolite.

AZRA FEUKIĆ

Evo ovako. Ja ću da se pridružim jel pohvalama za gospodina Malikića i vjerujem da će svi ovi naši pozitivni komentari dati vjetar u leđa da nastavi da radi jel istim elanom.

I evo ja jesam u prvom mandatu ali ovaj, rijetko kad sam čula da se ovoliko pozitivno priča o i opozicija i pozicija o jednom direktoru i ovaj, znači, da se rad i trud i te kako prepoznaje.

Ja ću ponovo...Znam da će evo ne znam nego pretpostavljam da će većina da usvoji Izvještaj „Pannonice“ ali evo ja da pitam:

Da li ću ja dobiti konkretno postavljena, odgovore na konkretno postavljena pitanja? Hvala.

ANA PEJIĆ

Zahvaljujem se vijećnici.

Da li se još neko javlja ispred, za diskusiju vijećnika? (Nema.)

Zaključujem diskusiju vijećnika.

Zamolit ću samo evo direktora Maida Porobića da odgovori na pitanja koja su proistekla iz diskusije. Za pitanja koja su usmeno tražena a ne pismeno koja su bila. Evo izvolite.

MAID POROBIĆ – direktor JKP „Pannonica“ Tuzla

Ja vas sve srdačno pozdravljam. Ja sam Maid Porobić direktor „Pannonice“ od 2005. godine. Dakle, učestvovao sam u radu i razvoju „Pannonice“ svih ovih godina. „Pannonica“ je u stvari sve u mom životu. Dakle, volim je možda kao i svoju porodicu.

Svih ovih godina „Pannonica“ je napravila ono što je napravila, a vrhunac je bila prošla godina.

Ovo što su vijećnice...Poštujem njihovu ovaj, radoznalost da tako nazovem radoznalost, ali sve bi dobili odgovore samo da je neko došao na „Pannonicu“ ja to uvijek kažem možda i prije ovog svega da, da dobije informacije.

Sad bilo je puno pitanja ali evo, evo radi se naravno o inicijativi toj oko zašto se mi bavimo koncertnom djelatnošću?

Odgovor je vrlo jasan. Po našem Statutu mi smo profitabilna firma samo finansirajuća i moramo raditi stvari koje će nam donjeti prihode. Vrlo je to...Jedan od tih prihoda je naravno taj sport, zabave i rekreacije. Mi smo registrovani da bavimo izvođačku umjetnost, djelatnost i sve ono što je dio zabave naših gostiju. Mi se bavimo turizmom, mi se bavimo turizmom i naši gosti to vrlo dobro znaju.

Zašto mi to radimo? Evo opet ponavljam i to ne u velikom obimu. „Pannonica“ ni-je prostor da se i u tokom ljeta bave dešavaju te velike stvari, veliki koncerti. Nikakva mudrost nije napraviti taj koncert, ako neko misli da je to neka nauka to je vrlo jednostavno, treba imati malo znanja oko toga naravno. I mi to radimo u pred i pod sezoni. Tokom ljeta se ne dešavaju te stvari. Mi animiramo svoje goste u dnevnim zabavama, večernjim zabavama do radnog vremena. U pred sezoni imamo taj Vrtić koji smo aktivirali nekoliko godina i mi to radimo al to su četiri koncerta i u toku sezone.

Dakle, sve ove pitanja oko ugovora, oko broja gostiju, recimo imate u tabeli na stranici toj iskazan broj prodatih ulaznica za koncertnu djelatnost. Znači, nije dobro pročitao Izvještaj. Imate sve druge stvari. Ako kažemo da je naš Izvještaj urađen po metodologiji koji je Grad Tuzla propisao i mi ne možemo sad ovdje 50 stranica stavljat nego se podrazumjeva to da su te stvari već kontrolirane od Odbora za reviziju, od nadzornog odbora, od svih vrsta inspekcija. Dakle, „Pannonica“ je pod stalnim nadzorom, a mi se kroz svoje Pravilnike zaista smo tu kontrolu svega toga ja sam svjestan da je „Pannonica“ naravno na oku svima zbog svih stvari koje mi radimo tu. Naravno da je, da je to sve prilagođeno upravo tome da je to u potpunosti transparentno, u potpunosti.

Sad bi ja volio sad pitanja koja su bila nisam baš zapamtio? (AZRA FEUKIĆ – Mogul ja samo?) Hajde recite vi.

ANA PEJIĆ

Može izvolite. Možete samo mikrofona? Izvolite Azra.

AZRA FEUKIĆ

Nisam ja dobila odgovore još uvijek ni jedan na pitanje koje sam postavila. Ja sam pitala vas na primjer evo jedan odgovor da mi date:

Da li imaju ugovori i fakture za prodane ulaznice koje se prodaju preko posrednika i da li imaju fiskalni izvještaji u realnom vremenu za prodaju ulaznica za manifestacije u predprodaji?

I evo da pitam zašto se prodaju preko posrednika ako imate svoju blagajnu i svoju ovdje ovaj, jel u gradu Tuzla, zašto se ulaznice prodaju preko posrednika? To je jedno od pitanja.

Onda sam ovaj, vas pitali:

Da li se provode Javni pozivi za nabavku tehnike, bine, svjetla za svaku manifestaciju?

Da li imate ugovore sa ponuđačima? Eto.

ANA PEJIĆ

Evo može da vam odgovori pa ako bude...(Hajde, hajde.)

MAID POROBIĆ – direktor JKP „Pannonica“ Tuzla

Evo Azra da vam odgovorim. Imamo sve to, te stvari. Dakle, nepojmljivo je da „Pannonica“ nešto nabavi bez Javne nabavke, mi smo javno preduzeće iako smo na tržištu i u principu ne bi trebali biti na javnoj nabavci jer se...Naša djelatnost je tržišno orijentisana, ali da ne ulazim u to dalje dakle, i mi se pridržavamo svih tih stvari. Naravno da imaju ugovori sa svim dobavljačima, sa svim procesima koji se tiču čak i tog dijela. Mi godišnje obavljamo 112 do 120 procedura Javnih nabavki uključujući i nabavke opreme za produkciju, nabavke roba. Naravno to se podrazumjeva. I to je vrlo lako provjerljivo. Tu nema nikakvih tajni. Ugovori za koncerte na našim...Evo ti ta četiri koncerta što su bila jedan koncert je bio Rock ko fol preko posrednika jel je to malo marketinški bolja stvar, tri su bila preko naših i naravno da se sve fiskalizuje. To su prve stvari koju svaka inspekcija tržišna traži od nas. I te provjere su stalno tu prisutne.

Šta je dalje bilo pitanje?

ANA PEJIĆ

Izvolite Azra.

AZRA FEUKIĆ

Evo ja sam pitala da li ugovori sa izvođačima, sa organizatorima...Vi odgovarate da to sve ima. Ali evo meni je drago da će pismenim putem kolegica Dragana dobiti gotovo identične odgovore pa ću evo moći se i ja sama uvjeriti u te odgovore obzirom da sam ja tražila da vi izađete, a ona pismeno ovaj, da dobije te odgovore. Vjerujem da će u tim odgovorima ovaj, biti dokazi za navedena ovaj, moja pitanja. Hvala.

ANA PEJIĆ

Zahvaljujem se. Hvala vam Maide. (MAID POROBIĆ – Hvala vama Azra.)

Dajem pauzu od 10 minuta samo da Slađana može i zaključke pripremiti pa da vidimo šta ćemo.

Pozivam vijećnike da uđu u salu kako bismo nastavili sa radom.

Nastavljamo sa radom.

Stavljam na izjašnjavanje Izvještaj o radu i poslovanju Javnog preduzeća „Pannonica“ d.o.o.Tuzla za 2024. godinu, te vas molim da se izjasnite. (BERISA AHMETOVIĆ – Možel ponovo molim vas?) Može naravno. Možel Janjo samo ponovo? Molim vas da se ponovo samo izjasnite. Glasanje je okončano.

Konstatujem da je Izvještaj o radu i poslovanju Javnog preduzeća...Molim vas bez dobacivanja. (MENSUR ALIĆ – Za izvještaj.) Molim vas bez dobacivanja Mensure. (MENSUR ALIĆ – Izvinjavam se.) (Smijeh.)

Konstatujem da je IZVJEŠTAJ O RADU I POSLOVANJU JAVNOG PREDUZEĆA „PANNONICA“ D.O.O.TUZLA ZA 2024. GODINU usvojen sa, 20 glasova za, 6 protiv i jednim suzdržanim.

Stavljam na izjašnjavanje Izvještaj o radu i poslovanju Javno komunalnog preduzeća Saobraćaj i komunikacije Tuzla za 2024. godinu, te vas molim da se izjasnite. Glasanje je okončano.

Konstujem da je IZVJEŠTAJ O RADU I POSLOVANJU JAVNO KOMUNALNOG PREDUZEĆA SAOBRAĆAJ I KOMUNIKACIJE TUZLA ZA 2024. GODINU usvojen sa, 27 glasova za, nije bilo protiv i nije bilo suzdržanih.

Zamoliti ću sekretara Slađanu Krajinu da pročita zaključke samo da se izjasnimo. Pojedinačno se izjašnjavamo.

SLAĐANA KRAJINA – sekretar Gradskog vijeća Tuzla

Posebno svaki.

Prijedlog prvog zaključka:

- Gradsko vijeće Tuzla predlaže menadžmentu Javnog preduzeća „Pannonica“ d.o.o. Tuzla da se uz naknadu otvore svim zainteresovanim građanima koji obavljaju djelatnost i mogu poboljšati prateće usluge preduzeća.

ANA PEJIĆ

Molim vas da se izjasnite. (SENAD MEHMEDINOVIĆ – Možete pročitati molim vas?) (SLAĐANA KRAJINA – Molim?) (SENAD MEHMEDINOVIĆ – Možete još jednom samo pročitati?) (SLAĐANA KRAJINA - Mogu naravno. Poništite samo rezultate.) Možete li samo poništiti glasanje pošto ponovo...?

SLAĐANA KRAJINA – sekretar Gradskog vijeća Tuzla

- Gradsko vijeće Tuzla predlaže menadžmentu Javnog preduzeća „Pannonica“ d.o.o. Tuzla da se uz naknadu otvore svim zainteresovanim građanima koji obavljaju djelatnost i mogu poboljšati prateće usluge preduzeća.

ANA PEJIĆ

Molim vas da se izjasnite. Glasanje je okončano.
Konstatujem da pročitani zaključak nije dobio potrebnu većinu,
8 je bilo za, nije bilo protiv i 19 suzdržanih.

Prelazimo na sljedeći zaključak.

SLAĐANA KRAJINA – sekretar Gradskog vijeća Tuzla

Drugi prijedlog:

- Gradsko vijeće Tuzla predlaže da se prostor Vrtića stavi na rentanje svim zainteresovanim građanima čime će se poboljšati prihodi i obogatiti ponuda za sve građane tokom ljeta.

ANA PEJIĆ

Molim vas da se izjasnite o pročitanoj zaključku. Glasanje je okončano.
Konstatujem da...Molim? Molim vas da poništite glasanje. Azra ni...Nema veze hajde ponovo samo. Molim vas da se ponovo izjasnite. Glasanje je okončano.
Konstatujem da pročitani zaključak nije dobio potrebnu većinu,
12 glasova za, nije bilo protiv i 15 suzdržanih.

Prelazimo na sljedeći zaključak.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka je bio:

- Gradsko vijeće Tuzla predlaže menadžmentu Javnog preduzeća „Pannonica“ d.o.o. Tuzla da se u skorijem roku razmotri modalitet i način kako da se poduzetnici uključe u rad i razvoj „Pannonice“ te da se napravi prijedlog u kojem ćemo dobiti i kvalitetniju ugostiteljsku ponudu upravo kroz poduzetništvo na Panonskim jezerima.

ANA PEJIĆ

Molim vas da se izjasnite o pročitanoj zaključku. Glasanje je okončano.
Konstatujem da pročitani zaključak nije dobio potrebnu većinu,
10 je bilo za, 2 protiv i 15 suzdržanih.

Prelazimo na sljedeći zaključak.

SLAĐANA KRAJINA – sekretar Gradskog vijeća Tuzla

Sljedeći prijedlog zaključka je bio:

- Gradsko vijeće Tuzla sugerše menadžmentu Javnog preduzeća „Pannonica“ d.o.o. Tuzla da se za sve zainteresovane građane otvori najam prostora Vrtića uz korektnu cijenu ali da to bude bez uslovljavanja da je „Pannonica“ suorganizator.

ANA PEJIĆ

Molim vas da se izjasnite o pročitanoj zaključku. Glasanje je okončano
Konstatujem da pročitani zaključak nije dobio potrebnu većinu sa,
14 glasova za, nije bilo protiv i 13 suzdržanih.

Prelazimo na sljedeći:

SLAĐANA KRAJINA – sekretar Gradskog vijeća Tuzla

– Gradsko vijeće Tuzla traži od menadžmenta Javnog preduzeća „Pannonica“ do.o. Tuzla da se razmotri mogućnost uvođenja sis...(BERISA AHMETOVIĆ - Vratite samo glasanje prošlo.) Ne možemo vratiti prošlo. Šta, šta je problem? (ANA PEJIĆ – Dvije falile za šesnaest. A šta vam je problem?) (ŠEFIK HUSIĆ – Možel pojedinačno?) Može. Ne, ne ima poimenično, poimenično. (ANA PEJIĆ – Molim vas, evo Slađana molim vas de...) Ima. Ako, ako vijećnik izrazi sumnju u rezultate glasanja ima pravo da traži da se vijećnici poimenično izjašnjavaju da li su za, protiv, suzdržani i to sekretar čita imena i svi se izjašnjavaju. Jel to to što želite? (ANA PEJIĆ – Zato što je četrnaest a nije šesnaest.) Dajte mi jednu kovertu.

ANA PEJIĆ

Zato što ima četrnaest...Izvolite poslovni...(NEDŽAD JUSIĆ – Slađo možel poslovnička?) Jeste. Šefik Husić tražio. (NEDŽAD JUSIĆ – Možel poslovnička?) Može. Poslovnička vijećnik Nedžad Jusić.

NEDŽAD JUSIĆ

U članu 80. stoji da se može tražiti ponovno elektronski ili pojedinačno. Ako traži pojedinačno okej ali znači ima mogućnost i da ponovi.

SLAĐANA KRAJINA – sekretar Gradskog vijeća Tuzla

Hajde nek, evo nek se izjasni samo. Jel tražite ponovo da se glasa elektronski ili poimenično?

ŠEFIK HUSIĆ

Može svejedno. Samo da ponovimo glasanje. (MENSUR ALIĆ – Ponovit ćemo.)

ANA PEJIĆ

Možete pročitati ponovo? Hoćete?

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugerirše menadžmentu Javnog preduzeća „Pannonica“ d.o.o. Tuzla da se za sve zainteresovane građane otvori najam prostora Vrtića uz korektnu cijenu ali da to bude bez uslovljavanja da je „Pannonica“ suorganizator.

ANA PEJIĆ

Molim vas da se izjasnite. Dejane molim vas da glasate i Mirza. (SLAĐANA KRAJINA – Morate svi glasat molim vas.) Glasanje je okončano.

Konstatujem da pročitani zaključak nije dobio potrebnu većinu, 12 je bilo za, 1 protiv i 13 suzdržanih.

Nastavljamo dalje.

Slađana molim vas da pročitate sljedeći zaključak.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od menadžmenta Javnog preduzeća „Pannonica“ d.o.o. Tuzla da se razmotri mogućnost uvođenja sistema lojalnosti, unapređenja digitalnog marketinga na način da se uvede digitalna kartica lojalnosti, zatim personalizovanih ponuda, SMS poruka, pogodnosti za porodice i određene grupe (ANA PEJIĆ – Molim vas samo za tišinu.) porodične karte po povoljnijim cijenama i slično.

ANA PEJIĆ

Molim vas samo za tišinu. Izvolite Slađana. (SLAĐANA KRAJINA - Pročitala.)

Stavljam na izjašnjavanje pročitani zaključak. Glasanje je okončano.

Konstatujem da je pročitani zaključak dobio potrebnu većinu sa, 19 glasova za, 1 protiv i 6 suzdržanih.

SLAĐANA KRAJINA – sekretar Gradskog vijeća Tuzla

Sljedeći prijedlog je bio:

- Gradsko vijeće Tuzla traži od uprave Univerzitetsko kliničkog centra Tuzla informaciju o razlozima nepotpisivanja ugovora o realizaciji projekta izgradnje javne garaže na prostoru kompleksa UKC-a Tuzla, koji su zajedno pripremili i usaglasili predstavnici Javnog komunalnog preduzeća Saobraćaj i komunikacije Tuzla i Univerzitetskog kliničkog centra Tuzla koji u pripremnjoj fazi nije imao nikakvih spornih dijelova, te da li je UKC i dalje zainteresovan za rješavanje problema parkiranja oko kompleksa UKC-a na način kako je to u prethodnom periodu usaglašeno.

ANA PEJIĆ

Stavljam na izjašnjavanje pročitani zaključak. Glasanje je okončano.

Konstatujem da je pročitani zaključak dobio potrebnu većinu sa, 20 glasova za, nije bilo protiv i 6 suzdržanih.

SLADANA KRAJINA – sekretar Gradskog vijeća Tuzla

- U cilju bolje organizacije javnog gradskog linijskog prevoza, Gradsko vijeće Tuzla traži od Službe za komunalne poslove, izgradnju i poslove mjesnih zajednica i od Javnog komunalnog preduzeća Saobraćaj i komunikacije Tuzla da sva postojeća autobuska stajališta u vlasništvu Grada dodatno obilježe, kako horizontalnom, tako i vertikalnom signalizacijom te da se na autobuskim stajalištima postave kamere, a od Službe za komunalne poslove, izgradnju i poslove mjesnih zajednica se traži da, u skladu sa nadležnostima i važećim sporazumima, organizuje da se na svakom autobuskom stajalištu istakne red vožnje sa približno tačnim vremenom dolaska autobusa na tu stanicu.

ANA PEJIĆ

Molim vas da se izjasnite. Glasanje je okončano.
Konstatujem da je pročitani zaključak dobio potrebnu većinu sa,
26 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla predlaže da se nastavi sa aktivnostima na izgradnji javne garaže uz kompleks UKC-a Tuzla i na iznalaženju lokacija za izgradnju javnih garaža, po mogućnosti i u istočnom i u zapadnom dijelu grada (npr. Sjenjak, Slatina).

ANA PEJIĆ

Molim vas da se izjasnite. Glasanje je okončano.
Konstatujem da je pročitani zaključak dobio potrebnu većinu sa,
26 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od Javnog komunalnog preduzeća Saobraćaj i komunikacije Tuzla da se, postavljanjem fizičkih prepreka, stubića, žardinjera i sl., poveća zaštita pješačkih zona sa ciljem povećanja bezbjednosti pješaka (npr. pješačko-biciklistička staza Sjenjak-Slavinovići, u dijelu od tzv. Buvlje pijace do obdaništa “Aladin” i dr.)

ANA PEJIĆ

Stavljam na izjašnjavanje pročitani zaključak. Glasanje je okončano.
Konstatujem da je pročitani zaključak dobio potrebnu većinu sa,
26 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od Javnog komunalnog preduzeća Saobraćaj i komunikacije Tuzla da radi na unapređenju vertikalne signalizacije, da nastavi sa postavljanjem zvučnih signala na semafore, čime se povećava sigurnost slijepih i slabovidnih učesnika u saobraćaju.

ANA PEJIĆ

Molim vas da se izjasnite. Glasanje je okončano.
Konstatujem da je pročitani zaključak usvojen sa,
26 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla zadužuje menadžment Javnog preduzeća „Pannonica“ d.o.o. Tuzla da uskladi sve svoje akte kako bi se omogućilo pravo ženama u burkinijama da posjećuju i da se kupaju na kompleksu Panoskih jezera, te da o tome obavijeste Gradsko vijeće.

ANA PEJIĆ

Molim vas da se izjasnite. Izvolite...Molim? (ŠEFIĆ HUSIĆ – Do naredne sjednice.)

SLAĐANA KRAJINA – sekretar Gradskog vijeća Tuzla

Aha. (ANA PEJIĆ – Do naredne sjednice.) Te da o tome do naredne sjednice obavijeste Gradsko vijeće.

ANA PEJIĆ

Molim vas da se izjasnite. Glasanje je okončano.
Pročitani zaključak nije dobio potrebnu većinu,
11 glasova za, 2 protiv i 13 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od direktora Javnog preduzeća „Pannonica“ d.o.o. Tuzla da najkasnije do avgustovske sjednice Gradskog vijeća dostavi odgovore na pitanja postavljena tokom rasprave o Izvještaju o radu i poslovanju kao i da se očituje o svim datim prijedlozima, primjedbama i sugestijama te se takođe traži od Stručne službe Gradskog vijeća da izvod iz stenograma s 8. redovne sjednice Gradskog vijeća u dijelu rasprave o Izvještaju o radu i poslovanju Javnog preduzeća „Pannonica“ d.o.o. Tuzla dostavi direktoru ovog Preduzeća.

ANA PEJIĆ

Molim vas da se izjasnite. Uh! Možel ponovo glasanje? Može ponovo.
Molim vas da se ponovo izjasnite. Glasanje je okončano.
Konstatujem da je pročitani zaključak dobio potrebnu većinu sa,
26 glasova za, nije bilo protiv i nije bilo suzdržanih.

Jel ima još Slađana? (SLAĐANA KRAJINA – Nema.)

Prelazimo na sljedeću tačku dnevnog reda:

RAZMATRANJE INFORMACIJE O AKTIVNOSTIMA PROFESIONALNE VATROGASNE JEDINICE GRADA TUZLE SA PRIJEDLOGOM MJERA

Predlagač je gradonačelnik Grada Tuzla.

Obrađivač je Služba civilne zaštite.

Materijal su razmatrali: Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu Klubova vijećnika. Vijećnica Nataša Perić. Izvolite.

NATAŠA PERIĆ

Hvala predsjedavajuća. Ništa evo samo kratko. Pošto ovdje u Informaciji ima prijedlog mjera za unapređenje stanja u Profesionalnoj vatrogasnoj jedinici koja je za nas veoma bitna mislim za sve građane u ovom gradu, ja predlažem da ove mjere koje su predložene budu i zaključci ovaj, Gradskog vijeća evo, a ima već naveden prijedlog. Et toliko i hvala.

ANA PEJIĆ

Zahvaljujem se. Sljedeća za riječ se javila vijećnica Ajla Kuluglić. Izvolite.

AJLA KULUGLIĆ

Evo ja sam po ovoj tački evo planirala da postavim pitanje međutim, smatram da je možda značajnije evo ako predložim zaključak:

A tiče se nabavki intervencijskih odijela za prilaz vatri za vatrogasce obzirom da je posljednja izvršena znači, prije, još prije korone, a prema Evropskim standardima negdje je rok trajanja oko 5 godina u slučajevi jel kada Profesionalne vatrogasne jedinice imaju više intervencija, više se i troši ta roba. Mi imamo ovdje u ovoj Informaciji broj intervencija po mjesecima za dvadesettreću i dvadesetčetvrtu godinu i vidimo da su u ljetnim mjesecima da, evo već smo u dvadesetčetvrtj godini u avgustu skoro 200 intervencija. Istina je da ta odijela koštaju negdje između 3 do 5 hiljada konvertibilnih maraka pojedinačno jel odijelo i ono pomnoženo sa brojem vatrogasaca kojih mi imamo možda onako na izgled jesu neka značajnija sredstva. Međutim, kada je u pitanju zaštita, zaštita na radu i zaštita života uopšte mislim da o tome ne treba pretjerano raspravljati i da treba evo hitno obezbjediti, obezbjediti sredstva i krenuti u realizaciju, realizaciju nabavke. Evo to je član 21. Zakona o zaštiti od požara i vatrogastva. Odnosi se na nadležnost Grada. Dakle, Grad je i općina jel obavezan da osigura finansijska sredstva za osiguranje materijalnih, tehničkih i drugih uslova za funkcionisanje vatrogasne jedinice.

Tako da bi moj prijedlog znači, ne pitanje nego prijedlog zaključka bio:

Da se evo zaduži nadležna Gradska služba da pokrene postupak nabavke intervencijskih odijela za potrebe Profesionalne vatrogasne jedinice.

To nije...Kolegica ovaj, Nataša je predložila da se usvoje, usvoji zaključak, odnosno da se ispoštuju sve ove mjere. U mjerama nije precizno navedeno ovo što ja predlažem, tako da bih voljela da se stavi akcenat konkretno na ova intervencijska odijela. Ima znači da je na, da je nabavljena lična oprema, uniforma, radne cipele, rukavice, vatrogasne podkape što evo kaže u cijelosti doprinosi ličnoj sigurnosti vatrogasaca u izvođenju najsloženijih operacija, mada

mislim da bez intervencijskih odijela nema uopšte govora o njihovoj zaštiti. Tako da evo molim vas da uvažimo svi ovaj zaključak.

ANA PEJIĆ

Zahvaljujem se.

Zaključujem raspravu Klubova vijećnika.

Otvaram raspravu vijećnika. Vijećnica Svjetlana Kakeš. Izvolite.

SVJETLANA KAKEŠ

Hvala predsjedavajuća. Evo ovaj, svi se slažemo vjerovatno da Profesionalna vatrogasna jedinica Tuzla predstavlja okosnicu sistema zaštite i spašavanja u našem gradu.

Iz Informacije o aktivnostima vidimo da su njihovi poslovi pored gašenja požara mnogo obimniji i evo da ne nabrajam sad to sve, vidim da i vrijeme je da završavamo, ali iz Infomracije takođe vidimo da zbog aktuelnih i zakonom propisanih načina finansiranja sredstva koja se mogu koristiti za opremanje i za kapitalne investicije nisu dovoljna za nivo opremljenosti Profesionalne vatrogasne jedinice kako bi on bio na zadovoljavajućem nivou pa evo ovaj, vjerovatno ni za ovo što je kolegica predložila.

Naime, Zakonom o zaštiti od požara i vatrogastvu propisano je: Da su Profesionalne vatrogasne jedinice na lokalnom nivou u sastavu Službi civilne zaštite a njihovi pripadnici su državni službenici i namještenici i Gradovi, odnosno općine su dužne da finansiraju njihovo opremanje i sve njihove, njihove troškove (održavanje, kapitalne investicije itd.)

Istovremeno imamo Zakon o zaštiti i spašavanju ljudi i materijalnih dobara od prirodnih i drugih nesreća kojim se uređuju sva pitanja od značaja za oblast zaštite i spašavanja od prirodnih i drugih nesreća i odredbama ovog zakona propisano je...Vi znate kad razmatramo ovaj Budžet da se tu značajnija sredstva mogu ovaj, prikupiti. Međutim, odredbama Zakona o zaštiti i spašavanja propisano je zaštita se mogu koristiti ova sredstva i nažalost nije predviđeno, odnosno ne dozvoljava da se ova sredstva koriste za finansiranje rada Profesionalnih vatrogasnih jedinica.

Takođe Odlukom o uslovima i načinu korištenja ovih sredstava je detaljnije još propisano i procentualno zaštita se mogu koristiti sredstva ali ni tu nema mogućnosti da se finansiraju Profesionalne vatrogasne jedinice.

Imajući u vidu značaj vatrogasne djelatnosti i imajući u vidu da zaštita od požara i vatrogastvo čine sastavni dio jedinstvenog sistema zaštite i spašavanja ljudi i materijalnih dobara od prirodnih i drugih nesreća i smatrajući da je važećim propisom iz ove oblasti potrebno omogućiti korištenje i sredstava ostvarenih po osnovu posebne naknade za zaštitu od prirodnih i drugih nesreća i za opremanje, finansiranje, obuku Profesionalnih vatrogasnih jedinica Grad Tuzla je već ranije podnosio ja mislim 2022-ge inicijativu prema Vladi i Parlamentu Federacije za izmjenu navedenih propisa na način da se odredbama obuhvati i opremanje, finansiranje obuka Profesionalnih vatrogasnih jedinica koje se nalaze u sastavu organa uprave Civilne zaštite. Smatram da bi na ovaj način se moglo obezbjediti značajnija sredstva za nabavku opreme pa i za izgradnju i eventualno vatrogasnih domova što se pominje kao potreba u ovoj Informaciji u drugim dijelovima grada kao i od drugih mijera koje je Služba predložila u Informaciji.

Tako da predlažem zaključak:

Da se ponovo Vladi i Parlamentu Federacije da uputi inicijativa za izmjene i dopune Zakona o zaštiti i spašavanju ljudi i materijalnih dobara od prirodnih i drugih nesreća i izmjena i dopuna Odluka o uslovima i načinu korištenja sredstava...A nisam ti ovo poslala? Evo sad ću. Dat ću ti evo.

I Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća na način da se njihovim odredbama obuhvati i pripremanje, opremanje i finansiranje obuka Profesionalnih vatrogasnih jedinica koje se nalaze u sastavu organa uprave Civilne zaštite Grada.

Grad Tuzla ima detaljno razrađen prijedlog ove inicijative tako da predlažem da se možda iskoristi i tekst. Ja sam sad ovdje nastojala da budem što kraća.

Ovaj, predlažem da se pronađe možda i ta inicijativa i možda ne bi bilo loše i da se priloži da se pokaže da smo već slali tu inicijativu i predlažem da se ponovo uputi ta inicijativa čime bi se značajno mogao unaprijediti rad vatrogasne jedinice.

ANA PEJIĆ

Zahvaljujem. Slje...Jeste završili Svjetlana? (Jesam.) Sljedeći za riječ se javio vijećnik Dejan Kovačević. Izvolite.

DEJAN KOVAČEVIĆ

Hva-la pred-sje-da-va-ju-ća ja ne-ću. Hvala predsjedavajuća. Evo ja ću biti vrlo kratak. Dobro. Koliko imamo predsjedavajuća? 10 minuta. Okej. (MENSUR ALIĆ – Minuta.) (ANA PEJIĆ - Molim vas nastavite ide vam vrijeme pa...) Pa evo ja bi zamolio vijećnike da ne dobacaju u toku moje diskusije. H-va-la.

Svi znamo šta znači vatrogasna jedinica za naš grad i kakav je njihov poziv neću onaj, se osvrtao na taj dio. Znamo značajnosti svega toga.

Samo sam htio da naglasim ispred Kluba HDZ-a Bosne i Hercegovine u potpunosti se slažem i dajem potporu na zaključak kolegice Ajle iz Kluba SDA i kolegice Svjetlane ovaj, Kakeš iz Kluba SDP-a i puna potpora u tome pogotovu na ovom dijelu koji se tiče na zaključak kolegice Ajle za inicijativu nabavke intervencijskih odijela.

Va-žnost zaštite života samih vatrogasaca pri mnogim intervencijama je najbitnija jer ne mogu pomoć drugima ako nisu zaštićeni. Toliko. Hvala.

ANA PEJIĆ

Zahvaljujem se. Nemam više prijavljenih.

Zaključujem diskusiju vijećnika.

Te konstatujem da je Gradsko vijeće Tuzla primilo k znanju INFORMACIJU O AKTIVNOSTIMA PROFESIONALNE VATROGASNE JEDINICE GRADA TUZLE SA PRIJEDLOGOM MJERA.

Te pozivam sekretara da pročita zaključke.

Da li ste za da glasamo u paketu? (Jesmo.) Okej. Izvolite. Slađana priprema zaključak pa je tišina.

Pauza 5 minuta.

(Pauza.)

Nastavljamo sa radom.

Molim vas da pročitate zaključke Slađana.

SLADANA KRAJINA – sekretar Gradskog vijeća Tuzla

- Gradsko vijeće Tuzla u potpunosti podržava prijedlog mjera za unapređenje stanja, a u cilju postizanja što bolje spremnosti, pokrivenosti područja i povećanja brzine reakcije vatrogasnih snaga, potrebno je kontinuirano i planski vršiti:

- povećanje broja vatrogasnih ispostava i njihovih formiranja na tri lokacije ostvarila bi se bolja pokrivenost područja grada Tuzle i smanjila udaljenost do mjesta intervencije čime bi opasnost za ljudski život bila minimalna kao i nastanka veće materijalne štete od požara i drugih nesreća,

- popunjavanje lične formacije Profesionalne vatrogasne jedinice Tuzla,
- stručno osposobljavanje i usavršavanje profesionalnih vatrogasaca,
- tehničko opremanje Profesionalne vatrogasne jedinice Tuzla nedostajućim sredstvima i opremom,

- kontinuirane aktivnosti na provođenju preventivnih mjera kroz edukacije stanovništva, organizovanje vježbi,

- stručno osposobljavanje pripadnika Profesionalne vatrogasne jedinice Tuzla u provođenju drugih specifičnih mjera zaštite i spašavanja koje su im stavljene u nadležnost,

- obezbijediti potrebna finansijska sredstva za kapitalne investicije izgradnje i opremanja objekata sa dodatnim garažama za potrebe Profesionalne vatrogasne jedinice Tuzla, posebno objekat Ispostave "Kreka",

- nabaviti automobilske vatrogasne ljestve u svrhu spašavanja građana i gašenja požara na visokim objektima.

- Gradsko vijeće Tuzla traži da se osiguraju finansijska sredstva za nabavku intervencijskih odijela za prilaz vatri te se u tom smislu traži od resorne službe da pokrene procedure za nabavke ovih odijela.

- Gradsko vijeće Tuzla ponovo upućuje inicijativu Vladi Federacije Bosne i Hercegovine i Parlamentu Federacije Bosne i Hercegovine za izmjene i dopune Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije Bosne i Hercegovine, broj 33/03, 22/06 i 43/109. Ne 09. Pardon. I Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća "Službene novine Federacije Bosne i Hercegovine", broj 4/12) na način da se njihovim odredbama obuhvati i pripremanje, opremanje, finansiranje i obuka profesionalne vatrogasne jedinice koja se nalazi u sastavu organa uprave civilne zaštite općine i grada.

ANA PEJIĆ

Molim vas da se izjasnite o pročitanim zaključcima. (MENSUR ALIĆ – U paketu.) Jeste. Može ponovo glasanje molim vas Janjo? Molim vas da ponovo se izjasnite. (MENSUR ALIĆ – Koncentracija pada.) Emire molim vas da se izjasnite. Glasanje je okončano.

Konstatujem da su pročitani zaključci usvojeni sa,
22 glasa za, nije bilo protiv i nije bilo suzdržanih.

Prelazimo na sljedeću tačku:

RAZMATRANJE IZVJEŠTAJA KOMISIJE ZA IZBOR I IMENOVANJA

Zamoliti ću samo sekretara Slađanu Krajinu da nam pročita pristigle prijedloge vezano za ovu tačku.

SLADANA KRAJINA – sekretar Gradskog vijeća Tuzla

Mi smo imali prošli put kad smo imenovali predsjednike i članove savjeta mjesnih zajednica bilo je dosta nekih grešaka prilikom predlaganja tako da se to sad mora korigovat na način da se ispravi rješenje.

Komisija za izbor i imenovanje je razmatrala prijedlog Kluba vijećnika Naše stranke za ispravku tehničke greške prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzla, te je usvojila sljedeći zaključak:

Komisija za izbor i imenovanja predlaže Gradskom vijeću Tuzla da se zbog štamparske greške prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle izvrši izmjena Rješenja o izboru predsjednika i članova Savjeta Mjesne zajednice Kula, broj: 01/04-A-8455-2025 od 27. maja 2025. godine, na način da se u tački I Rješenja izmjeni redni broj 5. tako da isti umjesto "Emir Rahmanović" glasi "Emir Ramadanović". Pa stavite na izjašnjavanje prijedlog.

ANA PEJIĆ

Molim vas da se izjasnite. Samo malo Emire zaključak će ići svakako al na kraju. Glasanje je okončano.

Konstatujem da je pročitani prijedlog dobio potrebnu većinu sa,
22 glasa za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika SDA - Stranke demokratske akcije za izmjenu člana Savjeta Mjesne zajednice Grabovica i ispravku tehničkih grešaka prilikom dostavljanja prijedloga kandidata za izbor predsjednika i članova savjeta mjesnih zajednica grada Tuzle, te su usvojeni sljedeći zaključci:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje prijedlog Kluba vijećnika SDA - Stranke demokratske akcije da se:

- Sabina Emkić razrješi dužnosti člana Savjeta Mjesne zajednice Grabovica,
- a da se na dužnost člana Savjeta Mjesne zajednice Grabovica izabere Mustafa Bekić.

ANA PEJIĆ

Molim vas da se izjasnite. Senade opet ste glasali za Mensura. Molim vas da ponovite. Vratite onda Mensurov taj...Svakako nije to...Molim vas da ponovo glasate. Glasanje je okončano.

Konstatujem da je pročitani prijedlog usvojen sa,
22 glasa za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

Komisija za izbor i imenovanja predlaže Gradskom vijeću Tuzla da se zbog štamparske greške prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle izvrši:

Izmjena Rješenja o izboru predsjednika i članova Savjeta Mjesne zajednice Lipnica, broj: 01/04-A-8457-2025 od 27. maja 2025. godine, na način da se u tački I Rješenja izmjeni redni broj 3. tako da isti umjesto "Albin Djedović" glasi "Aldin Djedović" i izmjena Rješenja o izboru predsjednika i članova Savjeta Mjesne zajednice Slavinovići, broj: 01/04-A-8448-

2025 od 27. maja 2025. godine, na način da se u tački I Rješenja izmjeni redni broj 4. tako da isti umjesto "Mersudin Omerbegović" glasi "Mevsudin Omerbegović".

ANA PEJIĆ

Molim vas da se izjasnite o pročitanoj prijedlogu. Glasanje je okončano.
Konstatujem da je pročitani prijedlog usvojen sa,
21 glas za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala dopunu usaglašenog prijedloga kandidata za izbor predsjednika i članova savjeta mjesnih zajednica na području grada Tuzle dostavljen od strane predstavnika političkih subjekata koji participiraju u Gradskom vijeću Tuzla, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje dopunu usaglašenog prijedloga kandidata za izbor predsjednika i članova savjeta mjesnih zajednica na području grada Tuzle dostavljen od strane političkih subjekata koji participiraju u Gradskom vijeću Tuzla, a kako slijedi:

- Šefik Čivić bira se na dužnost člana Savjeta Mjesne zajednice Kreka,
- Franjo Nikić bira se na dužnost člana Savjeta Mjesne zajednice Gornja Obodnica,
- Ibrahim Morankić bira se na dužnost člana Savjeta Mjesne zajednice Batva,
- Sadil Hidanović bira se na dužnost člana Savjeta Mjesne zajednice Dokanj,
- Mirza Hrnčić bira se na dužnost člana Savjeta Mjesne zajednice Slatina.

ANA PEJIĆ

Molim vas da se izjasnite o pročitanoj prijedlogu. Glasanje je okončano.
Konstatujem da je pročitani prijedlog usvojen sa,
21 glasom za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika Demokratske fronte – DF ispravku tehničke greške prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle, te je usvojila sljedeći zaključak:

Komisija za izbor i imenovanja predlaže Gradskom vijeću Tuzla da se zbog štamparske greške prilikom dostavljanja prijedloga kandidata za izbor predsjednika i članova savjeta mjesnih zajednica na području grada Tuzle izvrši izmjena Rješenja o izboru predsjednika i članova Savjeta Mjesne zajednice Šićki Brod, broj: 01/04-A-8429-2025 od 27. maja 2025. godine, na način da se u tački I Rješenja izmjeni redni broj 4. tako da isti umjesto "Nusret Bećirović" glasi "Hariz Bećirović".

ANA PEJIĆ

Molim vas da se izjasnite o pročitanoj prijedlogu. Glasanje je okončano.
Konstatujem da je pročitani prijedlog usvojen sa,
22 glasa za, nije bilo protiv i nije bilo suzdržanih.

Vijećnik Emir Šahović. Izvolite javili ste se. Može samo Slađana mikrofon? Izvolite Emire.

EMIR ŠAHOVIĆ

Ja bi predložio jedan zaključak a o čemu smo pričali kada smo razgovarali o izmjeni Statuta a to je da članovi savjeta budu po CIPS-u u mjesnoj zajednici u kojoj treba da obavljaju funkciju člana savjeta. Tako da predlažem zaključak:

Da se nalaže Stručnoj službi da, da dostavi znači, da traži onaj, kako se zove od članova savjeta il da provjeri da li su oni zapravo u onaj, prijavljeni u mjesnoj zajednici u kojoj obavljaju funkciju člana. Hvala.

ANA PEJIĆ

U redu. Zamolit ću evo sekretara Gradskog...(MIRNES AJANOVIĆ – Mogul ja?) Može. Izvolite. Vijećnik Mirnes Ajanović. Samo Emire mikrofon molim vas.

MIRNES AJANOVIĆ

Ma sad je najgora stvar kad ti traže taj CIPS kad treba potrošit pola dana da dođeš tamo na red za taj CIPS. Ja predlažem da se prvo provjeri po mjesnim zajednicama nek oni dostave izvještaj jel pod punom materijalnom i krivičnom odgovornošću jel ako nije imamo situaciju gdje znamo da je tako. Lična karta il nešto. Šta sad? Hodat po CIPS-ovima ljudima. Valja toliko...Nema ništa gore nego to sad kad neko vam kaže idi po CIPS. Predlažem da promjenimo to u neku drugu jednostavniju formu.

ANA PEJIĆ

U redu. Evo Slađana...

SLAĐANA KRAJINA – sekretar Gradskog vijeća Tuzla

Pa da ostavimo da li može Služba imal načina znači, da ne izlažemo građane sad da idu po ovim vrućinama. (Može, može.)

ANA PEJIĆ

U redu može. (SLAĐANA KRAJINA – De da vidimo do trećeg, do trećeg?) (MENSUR ALIĆ – Može.)

Izvolite Emire šta ima? Još ste nešto je li?

EMIR ŠAHOVIĆ

Imam još jedan prijedlog zaključka a opet da, da vidimo mi ne znam da li se kolege slažu? Ja sam to već sa nekim šefovima Klubova onaj razgovarao:

Da se preporuči predsjednicima ne da, da bude obavezno, al da se preporuči predsjednicima savjeta mjesnih zajednica da sjednice savjeta održavaju nakon radnog vremena zato što imamo veliki broj članova savjeta koji su u radnom odnosu a termini sjednica savjeta su u devet ujutru i u 13,00 onaj, i imamo taj problem ne mogu nam ljudi bit na tim savjetima. (MENSUR ALIĆ – Eno Senad još.)

ANA PEJIĆ

Izvolite Senade vi.

SENAD MEHMEDINOVIĆ

Ma hvala evo za ovaj prijedlog Emirov onaj, naravno dobivam i ja informacije sa terena al ne bi ja sad onaj, da Gradsko vijeće obaveže onaj, članove savjeta mjesnih zajednica. Mislim da unutar članova savjeta mjesnih zajednica pojedinih treba da se dogovore interno između sebe i ja vjerujem da je to na fer plej osnovi. Ne može predsjednik savjeta mjesne zajednice doći i reći bit će u dva sata i doviđenja i prijatno. Ipak je to stvar dogovora. I evo da samo propratimo hoće to tako biti ako neće onda da odreaguje al da ne daje sad Gradsko vijeće i kažemo posle četiri sata. Npr. imaju neki savjeti mjesnih zajednica gdje ljudi hoće subotom, neki onaj, mogu u 10 sati, neki u 12 sati sve zavisi dakle, od same mjesne zajednice. (ANA PEJIĆ – Da propratimo da li ima dogovora?) Tako je. Da propratimo i da vidimo.

ANA PEJIĆ

Izvolite Emire vi.

EMIR ŠAHOVIĆ

Al u tom slučaju ako jedan ne može a ostali mogu znači, taj jedan neće moći nikad doći na, na savjet mjesne...(MIRZA MALKOČEVIĆ – To je većina. To se ne može prilagoditi vjerovatno.) Ja. Ja. Hajde u redu. Nije....(ANA PEJIĆ - Može da provjere pa da vidimo onda jel može.) Ma ja. Okej. Okej. Nije...

ANA PEJIĆ

U redu.

Prelazimo na sljedeću tačku dnevnog reda:

TEKUĆA PITANJA

Pod a) Obavještenje Javnog preduzeća BIT Centar d.o.o. Tuzla o razlozima prolongiranja izrade izvještaja o radu i poslovanju za 2024. godinu, pod

b) Obavještenje Javnog preduzeća RTV 7 d.o.o. Tuzla o razlozima prolongiranja izrade izvještaja o radu i poslovanju za 2024. godinu, pod

c) Obavještenje Javnog komunalnog preduzeća „Komunalac“ Tuzla o razlozima prolongiranja izrade izvještaja o radu i poslovanju za 2024. godinu, pod

d) Obavještenje Javne ustanove Centar za socijalni rad Tuzla o razlozima prolongiranja izrade izvještaja o radu za 2024. godinu.

Obrađivači su:

Javno preduzeće BIT Centar d.o.o. Tuzla.

Javno preduzeće RTV 7 d.o.o. Tuzla.

Javno komunalno preduzeće „Komunalac“ Tuzla i

Javna ustanova Centar za socijalni rad Tuzla.

S obzirom...Evo otvaram raspravu vijećnika. Da li se neko javlja ovdje?

Zatvaram raspravu vijećnika.

Te konstatujem da su...Da je Gradsko vijeće Tuzla primilo k znanju PROČITANA OBAVJEŠTENJA.

Te se zahvaljujem vijećnicima, predlagачima i obrađivačima materijala, Stručnoj službi Gradskog vijeća i zaključujem 8. redovnu sjednicu Gradskog vijeća Tuzla. (MENSUR ALIĆ – Hvala predsjedavajuća.)

(S obzirom da je dnevni red iscrpljen i 8. redovna sjednica Gradskog vijeća Tuzla zaključena ista je završena u 20:03 sati.)

STENOGRAM SAČINILI:

Selma Suljkanović

Jasminka Delalić

P R E D S J E D A V A J U Ć I

Ana Pejić, BA prava